

四庫全書

集部

欽定四庫全書

四六標準卷三十八

宋 李劉 撰

學職

謝永州鄭學諭

永州為漢零陵郡晉分零陵置營陵郡梁改營陽為永陽郡隋罷二

郡置永州大業初改為零陵郡唐初復置永州天寶初改零陵郡宋復為永州屬荆湖南路永山在

州城西南一百里永水出焉州因山以名

一聽履聲已喜似人之見

鄭崇傳我識鄭尚書履聲莊子子不聞夫越之流人乎去

國數日見其所知而喜去國旬月見所嘗見於國中者喜及期年也見似人者而喜矣詳見前載披手

筆更欽博我之文

後漢書中尉趙壹傳遠辱手筆追路相尋南史范曄傳手

筆差易于文不拘韻故也王儉傳手筆典裁為當時所重新唐書蘇頲傳自景龍後頲與張說以文章顯稱望

畧等故時號燕許大手筆韓文

得非所蒙

陳後山詩呼我過其廬所

得非願竊有復

曲禮侍坐於君子若有告者曰少間願有復也恭惟某官學探

聖瀆

法言仲尼之道猶四瀆也經營中國終入大海它人之道者西北之流也網紀夷務或入於汜或淪

於秀出愚溪

愚溪在永州西一里源出鵝山舊名冉溪柳子厚改今名愚溪詩序云灌水之陽有

溪焉東流入于瀟水余以愚觸罪謫瀟水上愛是溪得其尤絕者家焉更之為愚溪愚溪之上買小邱為愚邱

自愚邱東北行六十步得泉焉又買居之為愚泉愚泉凡六穴合流屈曲而南為愚溝遂負土累石塞其隘為

愚池池北為愚堂其南為愚亭池之中為愚島於是作八愚詩紀于溪石上

窮司農之經諒

皆殫洽

鄭玄傳公車徵為大司農玄乃以病自乞還家凡玄所注周易尚書毛詩儀禮禮記論語孝經

尚書大傳中侯乾象厯又著天文七政論魯論禘祫義六藝論毛詩譜駁許慎五經異義答臨孝周禮難凡百

餘萬言經傳洽熟稱為純儒齊魯間稱之文選元元本本彈見洽聞客廣文之舍大似淹

回

新唐書文藝傳玄宗愛鄭虔之才欲置左右以不事更為置廣文館以虔為博士虔聞命不知廣文曹

司所在訴宰相宰相曰上增國學置廣文館以居賢者令後世言廣文博士自君始不亦美乎虔乃就職久之

雨壞廡舍有司不復修完寓治國子館自是遂廢杜詩廣文到官舍繫馬堂階下醉即騎馬歸常遭官長罵

佇即摘髭

韓詩連年收科第如摘頷下髭

亟其奮翼

馮異傳始雖垂翅回谿終能奮翼迴

池注以鳥為喻

某不能教胄有負轉丞

由國錄
俸武岡

儻簿書獄訟之

餘其交以道則道德性命之理當誦所聞

謝張學諭

元之○詳啟
意倅武岡作

吟牆竹之公事自分承聲

韓文藍田縣丞廳壁記庭有
老槐四行南牆鉅竹千挺對

樹二松日哦其間有問者輒對曰余方有公事黃霸傳長吏許丞老病聲督郵白彼逐之

聞泮林之

好音還成技癢

詩翻彼飛鵲集于泮林食我桑黽懷我好音風俗通義云荆軻入秦事敗而死

高漸離變姓易名為人庸保匿作于宋子久之作苦聞其家堂上客擊筑技癢不能出言曰彼有善不善從者

告其主彼庸乃知音潘岳射雉賦徒心煩而技癢注有技不能自忍如癢也梁書劉孝標傳古人不以委約而

能不技瘡文苑傳庾肩吾傳有慙技瘡更同故態杜詩
貫穿無遺恨蒼叢何技瘡山谷集彼族庖之技瘡兮代
大觚以嘗巧梅亭
嘗為國錄故云
亟裁四六就謝萬分詳第一卷恭惟某官

氣韻淑均

出師表性行淑均曉暢軍事

風猷膚敏

見前

尋西塞桃花之

鰕豈其河鯉之逢

新唐書隱逸傳張志和字子同母夢
楓生腹上而產十六擢明經以策干

肅宗特見賞重命待詔翰林親喪不復仕居江湖自稱
煙波釣徒著玄真子亦以自號嘗撰漁歌憲宗國真求
其歌不能致歌云西塞山邊白鷺飛桃花流水鱖魚肥
青箬笠綠蓑衣斜風細雨不須歸詩豈其食魚必河之

鯉
思東吳蓴菜之鱸行矣溟鯤之化

晉書文苑傳張翰
字季鷹吳郡吳人

也齊王同辟為東曹掾翰因見秋風起乃思吳中菰菜
蓴羹鱸魚膾曰人生貴得適志何能羈宦數千里以要

名爵乎遂命駕而歸俄無厭俗情之傲贅贅朱茂切音與喘同聚也

風結病也即觀鄉賦之拔尤某聊爾治中奚勞賀上白樂天詩賀上

人來得報書膺何如昔已無可取之揩摸南史蜀士李膺字公膺為令有才辯

西昌侯藻為益州以為主簿使至都武帝悅之曰今李膺何如昔李膺對曰今勝昔問其故對曰昔事桓靈之

主今逢堯舜之君帝嘉其對乃以為益州別駕後漢書黨錮傳天下模楷李元禮不畏強禦陳仲舉籍也

抱能尚可相從於閭里昌黎代張籍與李浙東書無所能人乃宜以育廢有所能人雖

育當廢于俗輩不當廢於行古入之道者

回唐學錄

淵

題輿非據箱紙尾以何心

昌黎藍田縣丞廳壁記文書行吏抱成案詣丞卷其前鉗

以左手右手摘紙尾

鴈驚行以進詳見前銜袖見貽羨筆頭之有口

北史古弼傳弼

頭尖帝嘗名之曰筆頭唐僧智永於樓上學書有秃筆頭十甕語林張曲江語人曰學者常想胸次吞雲夢筆

頭涕若耶溪量既并包文亦浩瀚陳後山詩筆頭滾滾懸秋江李咸用詩意下紛紛造化機筆頭濟濟文章髓

文士傳成公綏口不能談而有劇問以筆答之朱建傳建為人辯有口陸賈傳畏大臣及有口者師古曰有口

謂辯士田蚡傳為中大夫辯有口淮南王傳慧有一謙口僧慧洪詩人疑錦繡纏肺肝不然筆端應有口一謙

厚甚三復悚然恭惟某官清挹晚蘭

晚委遠切說文用二十畝也集韻韻

會田三十畝曰晚離騷經余既滋蘭之九畹兮王逸注晚十二畝

秀分泮藻

詩思樂泮水言采其

幕
蒙開蜀道諒餘挺挺之風

司馬相如傳唐蒙使略通夜郎焚中發巴蜀吏卒千

人郡又多為發轉漕萬餘人用軍興法誅其渠率魏謩傳挺挺有祖風烈

勒續楚辭定出遙

遙之宵

史記屈原傳屈原既死之後有宋玉唐勒景差之徒者皆好辭而以賦見稱然皆祖屈原之從

容辭今終莫敢直諫藝文志大儒孫卿及楚臣屈原離說憂國皆作賦以諷咸有惻隱古詩之義其後宋玉唐

勒漢興枚乘司馬相如下及揚子雲競為侈麗閭衍之詞沒其風諭之義唐勒賦四篇南史梁何昌寓為吏郎

尚書有姓閔求官者昌寓問君是誰後
對曰閔子騫昌寓掩口笑曰遙遙華宵
佇帝庭之大對

尚書乃命于
帝庭此借用
豈鄉校之久淹
左傳鄭人游於鄉校以論執政然明日毀鄉校何如

某教胄無庸負丞有覲

覲他典切說文面見也詩有覲面月疏面見人之貌徐曰凡人

所視瞻心實見之故有別識無
恥之人面見之而已心實否也
露繁天豁敢希南嶽之

鳳鳴

杜詩爽氣金天豁清談玉露
繁佇鳴南嶽鳳欲化北溟鯤
澗愧林慙但覺北山

之鶴怨

北山移文林慙無盡澗愧不歇
悵空兮夜鶴怨山人去兮曉猿驚

回吳學正

應龍

洗塵土之袍未遑請益

山谷詩忽看高馬頓風
塵亦思歸家洗袍袴

披月露

之牘良佩鳴謙

北史李諤論文體書連篇累牘不出月
露之形積案盈箱惟是風雲之狀易鳴

謙貞吉又鳴謙利
用行師征邑國

藏以為榮報於何有恭惟某官風猷

凝遠天韻淑均炳扶輿磅礴之靈

蜀都賦江漢炳靈赫
文必蛻蟪蛄扶輿磅礴

而鬱積詳見前

富詰屈聾牙之學

聾五交切說文不聾也聾牙謂其不相聽從也又言辭不

平易貌韓文周詰殷盤詰屈聾牙注謂不入人語也又皆艱澁貌

生九辨九歌之地豈

自隔於脩門

離騷經啓九辨與九歌兮夏康娛以自縱又九歌者屈原之所作也沅湘之間其俗

信鬼好祀原見其祝辭鄙陋因為更定且以事神之言寓忠君之意而詞之所指惟在神耳九辨者宋玉之所

作也玉惜其師忠信見放故作此辭以辨之宋玉招魂寃兮求歸入脩門些脩門郢城門挾八戰八

克之能將差強於敵國

吳漢傳漢與公孫述戰於廣都成都之間八戰八克又吳公差

彊人意隱若一敵國矣詳見前四六且工於駢儷

抑文駢四儷六錦心繡口三千足

想於縱橫

夏竦詩縱橫禮樂三千字詳見前

某有幸依仁過勤委贄故

將軍之雌伏難言李廣之無雙

李廣傳李廣材氣天下無雙又故李將軍後漢

趙溫為京兆郡丞歎曰大丈夫當雄飛安能雌伏互見前

新進士之龍飛惟祝吳公

之第一

宜春傳信錄薛逢赴朝值新進士榜下綴行而出前導曰迴避新郎君法言龍必欲飛天乎曰

時飛則飛東京賦龍飛白水崱崧傳聖哲龍飛

回卓學諭

邁

聞凌雲之作方幸友仁

司馬相如傳天子大悅飄飄有凌雲氣游天地之間意

拜

明月之投更高陳誼

鄒陽傳明月之珠夜光之璧以闕投人於道莊子屠羊說居處卑賤

而陳義甚高

不知所報

左傳晉人歸楚公子穀臣與連尹襄老之尸于楚以求知罃王遂知罃曰

子歸何以報我對曰臣不任受怨君亦不任受德無怨無德不知所報

藏弄為榮

陳遵傳性善書

與人尺牘主皆藏弄以為榮注弄亦藏也

恭惟某官秀出閩中

史記東越傳以其地為閩

中郡徐廣曰今建安侯官是漢書帥閩中兵以佐滅秦師古曰閩越之泉州建安是也又立無諸為閩粵王王

閩中

僑游黔鄙

僑寓也旅寓而居也抑文武罔銘黔巫東鄙蠻獠雜擾

橫經重席

方依夫子之宮牆

謝承後漢書董春字紀陽少好學師事王君仲受古文尚書後詣京房授

易後還為師立精舍諸生每升講堂橫經捧手請問者百人又戴憑字次仲世祖正旦朝賀令羣臣說經更相

難詰義有不通輒奪其席以益通者憑遂重坐五十餘席殷氏家傳殷亮為博士講學大夫諸儒論勝者賜席

亮坐八九重席帝曰學不當如是耶莊子倚孔子之牆

問舍求田豈為王孫之僮

客

魏志求田問舍言無可求司馬相如傳臨邛多富人卓王孫僮客八百人程鄭亦數百人師古曰僮謂奴

佇摘髭於名第即策足於要津其教胄無庸負丞何美

俱見

楊脩有智但欽絕妙之受辛

世說魏武嘗過曹娥碑下揚脩從碑背上

見題作黃絹幼婦外孫壘白八字魏武謂脩曰解不答曰解魏武曰卿未可言待我思之行三十里魏武乃曰

吾已得令脩別記所知脩曰黃絹色絲也於字為絕幼婦少女也於字為妙外孫女子也於字為好壘白受辛

也於字為辭所謂絕妙好辭也魏武亦記之與脩同乃歎曰我才不及卿乃覺三十里與畧揚脩有才智魏文

為世子歷陳太邱碑過見碑題云云魏文思之不辭問德祖答曰陳寔之墓蔡邕之辭鍾繇之書此絕妙好辭

也魏文曰才與不才相校四十里也劉孝標云魏武揚脩未嘗過江意當以此為正韓子非才頗

覺長慙於典午

昌黎和裴晉公詩長慙典午非材職得就聞官即至公

回寧鄉魏學賓

抗塵縣掾真成拓落之官

北山移文抗塵容李時為寧鄉簿故謙言縣掾揚雄傳何

為官之引領黨庠知有蒼明之彥

禮記古之教者家有塾黨有庠街有序國

有學疏黨有庠者黨謂周禮五百家也庠學名也於黨中立學教間中所升者也

未瞻丈席

禮記

席間函丈函音咸注函容也謂講問之時其席相對席間足以指畫

先沐尺書

韓信傳奉咫尺之書

古樂府中有尺素書

恭惟某官漢相雲仍

王商傳此真漢相矣此指魏鄭公風

烈前見北多良馬老伏櫪之駿龐

韓文冀北多良馬晉拂舞歌老驥伏櫪詩受小

共大共為下國駮龐注駮大龐厚也又四牡龐龐或作驪南有嘉魚扶賓筵之燕衍

詩南有嘉魚然汕汕君子有酒嘉賓式燕以衍衍苦且反樂也用酒與賢者燕飲而樂也又賓之初筵左右

扶正爾廩人之繼粟何如天子之執漿禮記食三老五更於太學天子

祖而割牲執醬而饋疏執醬而饋者謂天子親執醬而饋之今按醬即諒切說文醢也漿資良切酢漿也音義

俱不同此以佇裏蒲輪前見即空蕙帳北山移文蕙帳其

盍請鄰而祭竈顧越俎以代庖李時為寧鄉簿推司戶禮貌哀則

去之友其士之仁者會計當而已矣忠焉能勿誨乎

回魏教諭得

旅進接辭未遑款曲

雋不疑傳今乃承顏接辭光武紀文叔少時謹信不與人款曲謙

為委贄備仞勤渠

淑謙卦名

所慙枵然之胸

左傳玄枵虛中也枵耗名也注

玄枵三宿虛在其中

有孤厚甚之意恭惟某官故家古汴

說文汴水汲水

出陳留浚儀陰溝至蒙為雖水東入于泗水經云即今浪蕩渠又州名秦屬三川郡東魏置梁州五代間改汴

州久客都梁

漢分長沙為零陵郡都梁夫夷屬焉今武岡山東五十里有漢都梁故城

渾渾

無涯窮虞夏商周之興義

進學解上規姚姒渾渾無涯周誥殷盤佶屈聶牙法言虞

夏之書渾渾爾商書挺挺有烈願臯夔稷契之良臣

魏

傳贊挺挺有祖風烈魏徵傳願陛下俾臣為良臣母俾臣為忠臣帝曰忠良異乎曰良臣稷契咎陶也忠臣龍

逢比干也昨膺冰漕之計偕趙充國傳冰解漕下武帝紀縣次續食令與計偕師古曰計者

上計簿使也郡國每歲遣詣京師上之偕者俱也今所徵之人與上計者俱來盍對天階之親

策暫留鴉泮行奮鯤溟某教胄非才負丞知愧並見前友

其士之仁者盖有望於名邦忠焉能勿誨乎詎敢當於

溢美莊子兩喜必有溢美之言

回彭學賓居仁

觀國之賓顧屈習鄉之齒易觀國之光利用賓于王禮記元日習射上功習鄉上齒

注鄉請飲酒也鄉禮春秋射國蜡而飲酒養老愛人以德何勤博我之文禮記君子

之愛人也以德細人

一謙惠然三復感甚恭惟某官夙

充獄貢

班固傳獄修貢分川效珍詳見前

見謂楚材

趙充國傳見謂忠謹左傳雖楚有材

晉實用之詳見前

子佩明經詎肯受安昌之薦

彭宣傳宣字子佩治易事張禹

舉為博士禹以帝師見尊信薦宣經明有威重可任政

事錄是入為右扶風張禹傳代王商為丞相封安昌侯

成就弟子尤著淮陽彭宣至大司空

錢鏗好古祇欲為孔子之徒

神仙傳彭祖者姓錢名鏗帝顓頊之玄孫也殷末已七百六十七歲而不衰

行膺拾芥之科寧久采

左傳夫學殖也

更愧名浮

禮記先王謚以尊名

節以壹惠恥名

憂則違之幸不失黔中之上佐

易樂則行之憂

則違之注心以為憂已則違之王忠嗣傳明日見青不
失一金吾羽林將軍歸宿衛不者黔中上佐耳互見前
士之仁者或憐澤畔之大夫屈原漁父篇屈原既放游
於江潭行吟澤畔漁父見
而問之曰子非三問
大夫與何故至於斯

回朱齋長

茲蒙謙巽又復賁臨

卦用六

退而歌鹿鳴之三

禮記三官其

始也注宵之言小也肄習也習小雅之三謂鹿鳴四壯
皇皇者華也疏正義也按鄉飲酒禮燕禮皆歌鹿鳴四

壯皇皇者華左傳工歌文王之
三又不拜歌鹿鳴之三三拜

何止重犀渠之百

犀渠
楨名

周禮犀甲七屬又犀甲壽百年荀子楚人犀兕以為甲
堅如金石國語奉文犀之渠左思賦家有鶴膝戶有犀

渠注皆摘名

蟾枝鵬路所有更以贈君

葉少蘊避暑錄世以登科為折桂蓋用晉

書卻詵傳語自唐以來用之溫庭筠詩云猶喜故人新折桂自憐羈客尚飄蓬其後以月中有桂故又謂之月桂而月中又言有蟾故又改月為蟾以登科為登蟾宮用卻詵事固已可笑而展轉相訛復爾然文士亦或沿襲因之弗悟也按韓文毛穎傳竊姬娥騎蟾蜍入月蓋本寓言然五經通義云月中有兔與蟾蜍何月陰也蟾蜍陽也而與兔並明陰與陽也是月中真有蟾矣又宋仁宗天聖中七月八月之望秋色甚朗有桂子從空降如雨其大如豆有黃白黑三色食之有味辛香僧道士取以種之得二十五本皆成大木其花白其實丹今西湖飛來峯支分而環拱者有曰月桂峰峰有亭曰月桂亭皆因是得名也是月中真有桂矣東坡詩蟾枝不獨同攀桂山谷詩君家燕厦鶯喬此言何為至我

淮南子大夏成

而燕雀相賀詩伐木丁丁鳥鳴嚶嚶出自幽谷遷於喬木鶯或作鶯詩有鶯其羽詩傳鶯然有文章鳥倉庚也幽州人謂之黃鶯董仲舒傳此言何為至於我哉

回趙省元易學諭

以其習易故通篇用卦名蓋以文為戲

茲蒙躡履寵臨

萬不疑傳躡履起臨師古曰履不著根曰躡躡謂納履未正洩之而行言其遽

也躡亦作履王符傳衣不及帶履履出迎○蒙履臨三卦名

鳴謙垂賁

謙賁二卦名

柳子

之業甚淺未見可師

柳文答韋中立論師道書辱書云欲相師僕道不篤業甚淺近環顧

其中未見可師者○師卦名

李翊之問何恭恐孤求益

韓文答李翊書生之書辭

甚高而其問何下而恭也重答翊書生之志求知於我耶求益於我耶○益卦名

恭惟某官氣

函趙璧

趙璧即和氏璧史記蘭相如傳趙惠文王時得楚和氏璧秦昭王聞之使人遺趙王書願以十

五城請易璧所

謂連城之價也

學貫義圖易繫辭河出圖洛出書聖人則之王弼周易略例邢璣序

河龍負圖義皇畫卦釋文序伏犧因河圖而畫八卦因而重之為六十四禮記河出馬圖正義云伏犧氏有天

下龍馬負圖出于河遂法之畫八卦東京賦龍圖受義通書畀如

家人則有嚴君觀復

不遠

易家人有嚴君焉父母之謂也又不遠復无祇悔元吉祇大也迷而不遠故无大悔所以大吉○家

人觀復三卦名

主器莫若長子幹蠱奚先

易主器者莫若長子故受之以震又幹父

之蠱有子考无咎厲終吉○蠱卦名

惟精研三聖之書

周禮筮人氏掌三易夏曰連山殷曰

歸藏周曰周易解此不同按杜子春曰連山伏犧也歸藏黃帝也按禮記曰我欲觀夏道得坤乾焉今歸藏先

以坤後乾則知是殷明矣推歸
歲既在殷製連山理是夏書
且博究九師之傳劉向別錄

所校讐中易傳淮南九師道訓除復重定著十三篇淮
南王聘善為易者九人從之採獲故中書題曰淮南九

師書鴻漸之為儀可必易為鴻漸于陸其羽可鶴鳴之好爵

何逃繫辭鶴鳴在陰其子和之我其屯蹇餘生屯蹇二

乾坤長物長直諒切餘也一曰多也冗也剩也世說王

見恭更無簞恭曰吾平生無長物東
坡詩念當掃長物○乾坤二卦名
相從講朋友之兌

不亦悅乎易麗澤兌君子以朋友講習兌悅也同門曰

莫過於此然有非頰舌之咸所能宣者易咸其輔頰舌

○兌卦名

者所以為語之
具也○咸卦名

回宋直學

學詩

侯貢士

友德

史掌儀

實

揚贊講

大价

宗西漢之文辭未遑請益

東都事畧王珪知制誥其文典麗有西漢風

祖東

坡之翰墨猥辱鳴謙所願就有道而正焉敢恨何相見

之晚也恭惟某官岷峨山立

禮記山立時行正義曰山立者若住兵則巍如山之

固不搖動也又

江漢淵澄晏如揚雄固已越度於諸子

揚雄傳家產不過十金乏無儋石之儲晏如也贊曰揚子之書文義至深而論不詭于聖人若使遭遇時君更

閱賢知為所稱善飄然李白誰容流落於六丁

杜詩白也詩無

敵飄然思不羣
麟詩李杜文章在
光焰萬丈長
仙官救六丁
雷電下取將
流落人間者
太山一毫芒
無忘

澤豹以培鵬

見前

會即騰蛟而起鳳

王勃滕王閣序騰蛟起鳳孟學士之詞宗

紫電清霜王將軍之武庫

某再鼓愈淡

韓詩有琴具殿絃再鼓聽愈淡

五技已窮

荀子

鼯鼠五技而窮詳見前

嘗聞蜀都盖亦兆基於上世

左思蜀都賦盖兆基於上

世開國於中古蜀王之先名蠶叢柏獲魚鳬滿澤開明是時人萌椎髮左衽不曉文字未有禮樂從開明上至

蠶叢積三萬四千歲故曰兆基於上世

思樂泮水尚期克廣於德心

詩思樂泮

水言采其芹

回衆學職

濯太白之冰壺知卧月花之影

眉州象耳山有李白留題云夜來月下卧醒花

影零亂滿人襟袖疑如濯魄於冰壺也

磨文饒之璞玉願聞水薤之規辱

委贄之寵先愧識賢之緩後恭惟某官炳靈世載

蜀都賦江

漢炳靈世載其英

文獻老成蚤聞高軒過之吟羅胸有耀

新唐書李

賀傳七歲能辭章韓愈皇甫湜始聞未信過其家使賀賦詩授筆輒就如素構自目曰高軒過二人大驚自是

有名賀詩二十八宿羅心胸元精耿耿貫當中左傳光遠而自他有耀者也

詎意古戰場之

讀過眼還迷

舊唐書李華傳華文體溫麗少宏傑之氣蕭穎士辭鋒俊發華自以所業過之疑其

誣詞乃為弔古戰場文熏污之如故物置於佛書之閣華與穎士因問佛書得之華謂之曰此文何如穎士曰

可華曰當代秉筆者誰及於此穎士曰君稍精思便可
及此華愕然東坡送李方叔下第詩平生謾說古戰場
過眼終迷
是宜不見於諸侯猶辱觀過於吾黨九萬里
日五色

風斯下願培鵬路之程三千字日未斜即對龍墀之影

俱見

某茲蒙投璧

鄒陽傳明月之珠夜光之璧以閭投人於道

始悟遺珠

狄

傑傳舉明經調汴州參軍為吏誣訴黜陟使閭立本名
訊異其才謝曰仲尼稱觀過知仁君可謂滄海遺珠矣

有司以公不以情且相同於求藻

昌黎送牛堪序吾未聞有登第於有司而

進謝於其門者豈有司之待之也抑以公不以情舉
者之望於有司也亦將然乎詩思樂泮水言采其藻於

我無怨亦無德願更草於凌雲

左傳無怨無德不知所報東坡送李方叔詩青

袍白亭五千人知子無怨亦無德又
歸家但草凌雲賦我相夫子非臞仙

進士

回李校正

息肩屬爾未遂見賢

左傳子駟請息肩于晉霍光傳將軍之廣明都郎屬耳師古曰屬耳

近耳也

振履跼然猥勤委贄

楚虛容切人行聲又喜貌莊子聞人足音跼然而喜退

而展玩悚若感慙恭惟某官作賦摩空

李賀詩殿前作賦聲摩空

文翻水

韓詩文如翻水成

飄然太白空望眼於岷峨籍甚仲元

輩修名於夷惠

法言或問子蜀人也謂人曰有李仲元者人也其為人也奈何曰不屈其意不

累其身曰是夷惠之徒與曰不夷不惠可否之間也輩
補妹切廣韻等也又類也又比也吳志張溫傳孫權問
公卿曰溫當今與誰為比大司農劉基曰可與全琮為
輩太常顧雍曰基未詳其為人溫當今無輩離騷經老
冉冉其將至兮若為將仕之諾尚淹行秘之書隋唐嘉
話太宗

嘗出行有司請載副書以從帝曰不須虞世南在此行
秘書也東坡詩豈惟鄴侯三萬軸家有世南行秘書

暫客諸侯無謂道旁之苦王戎傳嘗與羣兒戲於道側
見李樹多實等輩競趨之戎

獨不往或問其故戎曰樹在道邊而多子必苦李也取之信然行賓王國即為席上之

珍禮記儒有席上之珍以待聘唐崔遠文才清麗風
神峻整當時目為釘座梨言席上之珍也互見前其

得姓偶同左傳天子因生以賜姓白虎通姓生也人所
稟以生也史記黃帝二十五子其得姓者十

四卜鄰不敏

左傳惟鄰是卜又謝不敏焉

事其賢者友其仁者足慰

遠游愛勿勞乎忠勿誨乎尚希餘論

南史謝朓好獎人才會稽孔顗粗有

才筆未為時知孔珪嘗令草讓表以示朓朓嗟吟良久手自折簡寫之謂珪曰士子聲名未立應共獎成無惜

齒牙餘論其好善如此

代回魯秘校

炳○世契

故人有子昂然野鶴之標

前見

妙語及門副以家雞之帖

庾翼書少與王右軍齊名右軍後進翼猶不分在荊州與都下人書云小兒輩咸家雞愛野雞皆學右軍書抑

詩聞道近來諸子弟臨池尋已厭家雞東坡詩君家自有元和腳莫厭家雞更問人恍如喚夢山谷

詩為公喚起黃州夢

殆不勝情

劉禹錫詩二十餘年別帝京重聞天樂不勝情舊人惟有何載在更

與殷勤唱渭城謝疊山云夢得怨舊時之害已者今無一存惟一伎獨在不勝情三字極有味

恭惟其

官自出清門

杜詩于今為庶為清門

不為俗學接茶山先生之派

信有委而有源

曾幾字吉甫自號茶山宋史有傳詳見第一卷上曾樞密條禮記三王之祭川

也皆先河而後海或源也或委也此之謂務本

繼柳陽從事之賢諒肯堂而肯

搆

尚書厥子乃弗肯堂矧肯搆

有懷父黨

劉向說苑晏子曰臣父之黨無不乘車者

見惠

客卿

揚雄傳耶因筆墨成文章故唐翰林以為主人子墨為客卿以風

共阿戎談自覺

後生之可畏

王戎傳阮籍與王渾為友戎年十五隨渾在郎舍戎少籍二十歲而籍與之交籍每

適渾俄頃輒去過視戎良久然後出謂渾曰薦禰衡表
清沖清賞非卿倫也共卿言不如共阿戎談

孰知吾力之不任

禰衡傳魯國孔融深愛其材上疏薦
之曰處士平原禰衡淑賢貞諒英才

卓犖性與道合思若有神任座抗行史魚厲節殆無
以過也韓文既識路又疾驅兮孰知余力之不任

姑

記九苞鳳之祥徐思千里馬之報

俱見前

代回陳宣教

植○世契

紅蓮綠水談舊事以無人

詳前

翠竹碧梧喜故人之有子

韓文退見少傳翠竹碧梧
鸞鳴停時能守其業者也

投文為惠陳義甚高

莊子屠羊說居

處卑賤而陳義甚高

恭惟某官閎閱芳華典刑炳蔚墳簞伯仲皆

嶄然之秀

嶄鋤街切嶄山貌或作嶄司馬相如傳嶄巖尖銳貌又慈染切餘見前

金玉氣

質疑小者之佳

楚辭金相玉質骨康帝哀冊文藏獻豈弟金賢玉潤王獻之傳嘗與兄徽之操

之俱詣謝安二兄多言俗事獻之寒溫而已既出客問安王氏兄弟優劣安曰小者佳客問其故安曰吉人之

辭寡以其少言故知之

早騰吐鳳之辭

西京雜記揚雄讀書有人語之曰無為自苦玄故難

傳忽然不見雄著太玄經夢吐鳳鳳集玄之上頃而滅

夙記鳴蟬之賦

蔡邕曹植陸雲傳咸

孫楚並有蟬賦

既偶遺於世祿會自奮於儒科觀其紙上之詞

詩開緘忽親送歸作字向紙上皆軒昂

此豈池中之物

吳志周瑜傳蛟龍得雲雨終非池中

也抑宗元之記先友賸有人焉

柳子厚先君石表先友記先君之所與友凡天

下善士舉集焉信讓而大顯道博而無雜今之世言山
交者以為端敢忠書所尤厚者附茲石以銘於背

巨源之念遺孤焉知來者

山濤傳與嵇康呂安善康後坐事臨誅謂子紹曰巨源在

汝不孤矣

某有懷世契幸及英游思不忘久要之言既聞耳

矣

並見前

有可相料理之處願盡心焉

料力弔切增韻計理也王徽之傳

卿在府日久比當相料理南史梁末童謡云黃塵汚人衣皂莢相料理

代回廖宣義

慶成

共阿戎談獨未見其父耳

嵇紹傳紹始入洛或謂王戎曰昨於稠人中始見嵇紹昂

昂然如野鶴之在雞羣戎曰君復未見其父耳餘見前條

作靈光賦果有異於人乎

後漢書文苑傳王延壽字文考有雋才少遊魯國作靈
光殿賦後蔡邕亦造此賦未成及見延壽所為甚奇之

遂輟翰而已

申之雄箋展也厚意

展誠也詩展也大成周禮內司服疏展者言之誠爾

雅信也方言荆吳淮泗
之間謂信曰展互見前

恭惟某官清門有爽素學甚都

司馬相如傳雍
容閒雅甚都

安在何見晚耶小淹賢業

繫辭可大則賢人之業

幸

哉有子如此足表義方

王渾妻鍾琰傳生子如此足慰人心左傳愛子救之以義方

頗聞及瓜已戒行李

韓文宵則沐浴戒行事注事或作李

顧念江湖之賜

號

陸龜蒙江湖散人歌官家未

亦勤煙霧之勒移

北山移文

鍾山之英草堂之靈
馳煙驛路勒移山庭

想像朝雲已覺鋪張之巧

東坡滿庭芳詞

全勝宋玉想像賦高唐宋玉高唐賦王曰朝雲始出狀
若何也玉對曰其始出也晻兮若松樹其少進也晰兮
若姣姬揚袂障目而望所思忽焉改容偕兮若駕駟
馬建羽旗湫焉如風淒焉如雨風止雨霽雲無處所扶

持夜療更勞駢驪之工

陳後山詩人言我語勝黃語扶
監夜療齊朝光抑文駢四儷六

錦心
繡口

其無以報瓊

詩報之以瓊琚又報之
以瓊瑤入報之以瓊玖

重於辭璧

左傳

受殮
返璧

靈椿一而仙桂五跂予望之

馮適贈竇禹鈞詩靈
椿一抔老母桂五枝

芳詳見前詩
跂予望之

胡琴四而鹿鳴三聊相復也

東坡詩自從
大雅亡七絃

久已廢心知鹿鳴三不及胡琴四左傳歌鹿鳴之
三胡琴琵琶也本胡中馬上所鼓四絃以象四時

回韋省元

患在人師濫綴虞庠之屬

禮記有虞氏養國老于上庠養庶老于下庠太學為上庠

小學為下庠周制太學為東膠小學為虞庠

惠而好我獲窺唐律之工

詩惠而好

我攜手同行珊瑚鈎詩話蘇李而上高簡古澹謂之古沈宋而下法律精切謂之律

恭惟某官詩

解人頤

匡衡傳匡說詩解人頤注使人笑不能止也

句穿月脅

皇甫湜顧況集序逸歌長

句駿發踔厲往往穿天心出月脅意外驚人語非尋常所能及也

金籊一經之學信有

家傳

韋賢傳遺子黃金滿籊籊不如一經

蒲帆百尺之風勉為國許

羅隱詩唯

應絕叔深知我他日蒲帆百尺風

某有勤投壁所乏報瓊鄉人之善好

之玄遂忘其尚白

揚雄傳玄得毋尚白乎何為官之拓落也

後生焉知來者

青正望於出藍

荀子學不可以已青出於藍而青於藍冰水為之而寒於水

代回孫秘校

暄○蓋代月湖

薄宦走何邕躡升五雉

少陵贈別何邕詩生死論交地何由見一人悲君隨燕雀薄宦

走風塵

故人有孫宰忽寄雙魚

杜詩故人宰高義薄層雲恭惟某官

學業甚均交情未慙

慙疑僅切缺也左傳兩軍之士皆未慙也

重憐瓠落壯

不如人

莊子瓠落無所容注瓠落猶廓落也左傳臣之壯也尚不如人今老矣無能為也

矧復

蒲凋老當佚我

世說顧悅與簡文同年而髮早白簡文問曰卿何以先老答曰蒲柳之姿望秋

而落松柏之姿隆冬轉茂莊子大塊載我形勞我以生佚我以老息我以死與其佩水蒼而

徒爾

禮記大夫佩水蒼玉而純組綴百官表注尚書僕射佩水蒼玉官品第三不如飲山綠

而終焉

東坡詩吳儂生長湖山曲呼吸湖光飲山綠許邁傳眇爾自得終焉之志王羲之傳初渡浙

江便有終焉之志江適傳耽玩載籍有終焉之志郝惜傳築室章安有終焉之志梁書處士傳劉慧斐遊匡山

過處士張孝秀相得甚歡遂有終焉之志又劉紆卜築宋熙寺東澗有終焉之志止足傳陶季直及在京口便

有終焉之志魏志陳思王傳登魚山臨東阿喟然有終焉之志南史王彬傳卜室於積穀山有終焉之志王秀

之傳營理舍亭山宅有終焉之志陳書江總傳貽厥子孫有終焉之志南史謝靈運傳與隱士王弘之等放蕩

為娛有終焉之志北史韓延之傳來某自揣頭顱陶弘景與

往北谷塢省魯宗之墓有終焉之志難司喉舌未能免俗復叨曳

從兄書今三十六方作奉

四六條舉

字

履之榮豈不懷歸已動挂冠之興

詩豈不懷歸王事靡盬餘見前

代回辛宣教

穰○辨謗

惠以朋箋

獸二為友目二為朋詩朋酒斯饗毛傳兩尊曰朋

申之儷語

儷即計切偶也

左傳不能庇其伉儷又鳥獸猶不失儷

辯先正之謗勁氣凜然

尚書昔我先正保衡

韓文勁氣沮金石杜詩憶君誦時神凜然

叙通家之情高懷厚甚恭惟某官

象賢濟美燕譽蜚英

並見前

李師中之讀書不難擢第

宋史

李師中字誠之楚邱人父緯為涇原都監夏久十餘萬犯鎮緯率兵出戰而帥司所遣別將郭志高逗遛不進諸將以衆寡不敵不敢復出緯坐責降師中詣宰相辯父無罪時呂夷簡為相詰問不屈夷簡怒以為非布衣

所宜言對曰師中所言父事也由是知名舉進士

王文正之有子猶未沾恩

旦王

傳贈尚書令魏國公謚文正名臣言行錄公以儉約率子弟兄子睦欲舉進士公曰吾常以太盛為懼其可與

寒士爭進至其薨也子素猶未官遺表不求恩澤

是非以久而明

賈模傳賈充年衰疾劇恒

憂已謚傳模曰是非久自見不可掩也

公侯必復其始

左傳公侯子一生孫必復其始

一死詎敢為翟公之交

鄭當時傳下邳翟公為廷尉賓客填門及廢門外可設爵羅後

復為廷尉客欲往翟公大署其門曰一死一生遇知交情一貧一富遇知交態一貴一賤交情遇見

三浴

三熏所望聽韓子之說

韓文方將坐足下三浴而三熏之聽僕之所為少安無躁

某

緬懷契闊

詩死生契闊與子成說注契濶勤苦也王肅云言國人室家之志欲相與從生至死契闊

勤苦而不相離後漢書范丹傳行路倉卒非陳契閣之所王隆傳契閣夙夜庶不懈怠晉書鍾雅傳贊契閣艱虞會稽王道子傳契閣皇家南史劉穆之傳契閣屯夷旋觀終始謝朓傳契閣戎旃從容語梁書王茂傳綢繆休戚契閣屯夷載形心事張弘策傳自藩升朝契閣夷達傳契閣屯夷契閣藩朝情跡顯著呂珍傳與朕契閣情阻鄭紹叔傳契閣藩朝情跡顯著呂珍傳與朕契閣情燕屯泰沈約傳契閣屯運困于朝夕侯景傳契閣夷險魏武短歌行契閣談讌心念舊恩陸機詩安得攜手俱契閣戍駢服盧諶詩契閣百罹杜詩青雲猶契閣又白首甘契閣李詩生事多契閣按倍有盡傷盡傷力切說文傷痛也尚契閣二字人多誤用故詳証之

盡傷心罔不

吾言之聽者誰與法當小待

韓文吾言之而聽者誰與吾唱

之而和者誰與馮奉世傳法當倍用六萬人山谷詩法當憔悴百寮底

子歸而求有餘也

願益自強

易君子以自強不息

代回曾秘校

三益

共千里之月猶愆半面之期

謝莊賦隔千里兮共明月詩匪我愆期子無良媒謝

承書應奉嘗詣袁賀賀時出行閉門造車匠於內開扇出半面視奉奉即委去後數十年於路見車匠識而呼

之北齊書楊愔聰記強識半面不忘

寄五朶之雲仍負隔年之債

債側賣切逋財

也廣韻負也白樂天詩顧我酒狂久負君詩債多又走筆還詩債抽衣當藥錢

雖迷於復

易迷復凶

有災肯王弼注最處復後是迷者也以迷求復故曰迷復也

實感所蒙

羊祜傳臣雖小人敢緣所

蒙念存斯義陳後山詩所得非所蒙復蒙卦名

恭惟某官咳唾成珠

後漢書趙壹傳咳唾

自成珠牛僧孺贈劉禹錫詩珠玉會應成咳唾山川猶覺露精神

弟兄連璧

魏書陸暉字道暉與

弟恭之李順並有時譽洛陽令賈楨見其兄弟歎曰僕以老年更親雙璧晉書潘岳與夏侯湛並美姿行止同

與接茵京師謂之連璧

素所蓄積捲湖海之波瀾

司馬遷傳常思奮不顧身以狗

國家之急其素所蓄積也

作為文章聚朝廷之翰墨

韓文沈浸醲郁含英咀華作為

文章其書滿家

公等安在吾道非耶

見前

某日既薄西

揚雄傳臨汨羅而自

隕兮恐日薄於西山

星猶拱北

晉天文志北極北辰最尊者也極星不移故曰居其所而衆星共之

邯鄲借枕雖重游廣樂之天

宋周輝清波雜志云邯鄲屬磁州邯山名單盡也言

邯山至此而盡見地理志及寰宇記枕中記開元中呂翁經邯鄲有盧生同邯主人方蒸黃粱盧具言處世因

厄翁取囊中枕以授之曰枕此當榮適如願盧適枕未
幾登第出入將相五十年榮盛無比忽寤呂翁在旁黃
梁猶未熟山谷詩生涯谷口耕世事邯鄲
夢史記趙世家與百神遊於鈞天廣樂
神武挂冠將

終老菟裘之地

左傳使營菟裘吾將老焉菟與兔同菟
裘魯邑在泰山梁父縣南一云今山東

泗水縣有菟
裘聚即其地

如君善頌非我敢知

尚書我
不敢知

回蹇秘校

茲蒙盛服

左傳盛服將朝雋不
疑傳盛服至門上謁

見賁長箋

蒙賁
卦名

吾政何

及公言耶深慙溢美

劉寵傳拜會稽太守郡中大化徵
為將作大匠山陰縣有五六老叟

自若邪山谷間出入齎百錢以送寵寵勞之曰父老何
自苦對曰自明府下車以來狗不夜吠民不見吏年老

遭值聖明今聞當見棄去故自扶奉送寵曰吾政何能及公言耶勤苦父老為人選一大錢受之莊子兩喜多

溢美之言

是邦友其士仁者尚賴告忠至如社稷之儲尤藉

里仁之唱并此叙謝兼布願言

回袁進士

此君將無是乎愧識賢之不早

晉書孟嘉傳嘉少知名褚裒有器識庾亮大會

州府士人嘉坐次甚遠裒問亮亮曰在坐卿但自覓裒歷觀指嘉曰此君小異得無是乎亮欣然而笑嘉裒得嘉奇嘉為裒所得乃益契焉公等何見晚也辱委贄以甚

恭

見前

景星負先覩之懷

韓文朝廷之士引頸東望若景星鳳凰之始見也爭先覩之為

快

明月重閨投之恨

鄒陽傳明月之珠夜光之璧以閨投人於道

恭惟某人

器資凝遠業履端溫文章滿家有暕天葩之吐韓文作為文章

其書滿家又俊又觀國何難地芥之收尚書俊又在官易觀國之光兩

夏侯傳士病不明經術經術若始疑泄柳之閉門今感

明其取青紫如俛拾地芥爾

並見前

某濫分小壘久避正堂

曹參傳參於是避正堂舍

蓋公聞高議傾枚鄒何嫌末至

韓詩三賢推侍從卓華傾枚鄒高議參造化清

文煥皇猷謝惠連雪賦名

見刺史即周孔則不敢知子柳

厚與杜溫夫書求柳州見一刺史即周孔之今而去我道連而謁于潮之二邦又得二周孔去之京師京師顯

人爲文詞立聲名以千數又宜得周孔
千百何吾生胸中擾擾焉多周孔哉

回景省元

所求乎友未能方深訟愧不見諸侯何義始辱臨存

訟臨

卦名有勤委贄之華寧恨盍簪之晚

見前

恭惟某人胸蟠義

氣腹溢儒書春登孟子之門固妾婦儀秦之學差入孔

氏之室定奴僕屈宋之騷

屈原傳屈原既死之後楚有宋玉唐勒景差之徒皆好辭

而以賦見稱法言詩人之賦麗以則辭人之賦麗以淫
如孔氏之門用賦也則賈誼升堂相如入室矣杜牧李

賀集序蓋騷之苗裔理雖不及詞或過之使賀未死少
加以理奴僕命騷可也新唐書杜審言傳吾文章當得

屈宋作衙官吾筆
當得王羲之北面
其在雲仍
山谷墨竹賦第其曾高
諒

有風烈況已入地官之獻
周禮地官鄉大夫之職三年則大比考其德行道藝而興

賢者能者鄉大夫羣吏獻賢能之書于王
佇亟膺天網之收
典論設天網以該之頃八紘以

掩之山谷詩天恢攬德網
某假守非才識賢不早當戶而見龐守既

俎豆予
莊子俎豆予賢人之間餘見前
避堂而舍盖公無金玉爾
詩無金玉

爾音而有避心餘見前

回尋進士
救荒口以下三條藏本闕今補

某問隱遯之肥見賢不早
易肥遯无不利子夏傳曰肥饒裕也王弼注超然絕志心

無疑傾憂患不能累繒繳不救流離之瘠借助良多詩

能及是以肥遯无不利也兮尾兮流離之子疏瑣者小貌流離象也爾雅云鳥少

美長為鵲鵲流離之子長大還食其母此流離指饑民方圖草具以盍簪陳平傳以惡草具進楚使注去青肉更以惡草之具遽屬英辭

之衎袖韓文文書衎袖伏惟某官才高時輩譽藹月評不見諸

侯若小然方踰垣而閉戶為食於路待饑者乃被髮而

纓冠禮記齊大饑默教為食於路以待饑者而食之思饑諒切於已饑獨樂孰

如於衆樂彼或以鄰國而為壑此獨恥匹夫之納溝相

友助相扶持得人焉耳無衆寡無小大易地則然某假

守蒙成

薛宣傳馮翊垂拱蒙成

強顏逃責

梁書任昉傳四海之議於何逃責

既見

君子已忻慰趯趯之螽

詩嘒嘒草蟲趯趯阜螽未見君子憂心忉忉注草蟲常羊也趯

趯躍也

爰及矜人要共念嗷嗷之鴈

詩爰及矜人哀此鴈寡又鴻鴈于飛哀鳴

菽菽注矜憐也矜人可憐之人菽本作噉五刀反聲也

回蘇秘校

榮祖○詳啓意知眉州作秘校蓋三蘇之裔

九州四海知有百年幾見之人

陳後山送蘇公知杭州詩一代不數人百年能

幾五兩半通偶在一翁二季之里

法言五兩之綸半通之銅注綸青絲綬也

五兩之綸半通之銅皆有秩膏夫之印綬印綬之微者也陳後山贈二蘇公詩一翁二季對相望言官三蘇之

里濟世乎美

見前

吾見其孫

韓文孔殽墓誌銘孔世世八吾見其孫

恭惟其

官規矩高曾

爾雅王父之考為曾祖王父曾祖王父之考為高祖王父詩曾孫田之疏曾重也自

曾祖至無窮皆得稱曾孫山谷集第其曾高昭穆至於來昆仍雲

淵源師友

董仲舒傳贊考其師

友淵源

黃樓一河水親承宗派之傳

黃樓在徐州城東北隅東坡為守時

增築徐城以捍水因作樓堊以黃土曰土實勝水頰湔作賦陳後山為銘東坡詩青派連淮上黃樓冠海隅又

此外有黃樓樓下一河水美哉洋洋乎可以療饑并洗耳

青松萬株栽更覺孫枝之

茂

東坡集予少年頗知種松手植數萬株皆中樛棘矣都梁山見杜與秀才求學其法戲贈詩云露宿泥

行草棘中十年春雨養髯龍如今尺五城南杜欲問東坡學種松風俗通梧桐生于嶧陽採東南孫枝為琴聲

極清麗周禮注孫枝之根求生者也東坡詩
縣令若同倉庾氏亭松應長子孫枝互見前
佇用元祐

之學入對蓬萊之宮
蓬萊唐宮名李詩朝天
花中謁帝蓬萊宮
其濫長於

斯得人焉耳袴歌今五詎能及蕙叔之暮來
並見前
樓近

古三儻肯為黎侯而晚賦
東坡遠景樓記吾州之俗有
近古者三又云賦將歸老子

故邱布衣幅巾從邦君於其上酒酣樂作援
筆而賦之以頌黎侯之遺愛未晚也詳見前

回蘇秘校

燕

孤雲落照敢言歌樂職之章
東坡寄黎眉州詩膠西高
處望西川應在孤雲落照

邊王褒傳益州刺史王褒欲宣風化於衆庶使褒作中
和樂職宣布詩使好事者令依鹿鳴之聲習而歌之東

坡送賈訥侔眉詩我老不堪
歌樂職後生試覓子淵才
名山大川疑尚有英靈之

氣尚書告于皇天后土及所過名山大川
稗史東坡之
淺士大夫及門人作祭文甚多惟李方叔文尤傳其

畧云皇天后土鑒平生忠義之
心名山大川還千古英靈之氣
在賢者識其大者惟有

之是以似之恭惟某人學有家傳文必已出
韓文樊宗
師墓誌銘

惟古于詞必已出
降而不能乃剿賊
不作人間煙火之語
西京雜記揚子
雲曰長卿賦不

似從人間求其神化所至耶山谷跋東坡卜筮子詞云
語意高妙似非吃煙火食人語非胸中有萬卷書筆下

無一點塵俗
氣誰能至此
宜在天上雲霧之窻
山谷詩奈此
雲窻露閣何
遙遙賈

誼之有嘉
賈誼傳孝武初立舉賈生之孫二
人至郡守賈嘉最好學世其家
挺挺魏謩

之似證

見前

子弟何與人事

謝玄傳子弟亦何豫人事而正欲使其佳詳見前

兒

郎自有家風

新唐書楊弘禮隋尚書令素弟之子太宗征遼東拜兵部侍郎駐蹕之後領步騎二

十四軍跳出賊背所向披靡帝自山下望其衆袍仗精整人人盡力壯之謂許敬宗曰越公兒郎自有家風

力行所知

董仲舒傳行其所知則光大矣

不聞亦式其竭來假守獲識

真儒

並見前

松聲聞十里之風幸同臭味

山谷上東坡詩青松出澗壑十

里聞風聲小草有遠志相依在平生小大才則殊氣味固相似

薤本置一盃之水更望

箴規

見前

回蘇貢士

辰之○下第○辰之蓋坡翁之裔故通篇用坡語

童而挾策莫非誦眉山之書

莊子挾策讀書

老矣懷章乃獲守

通德之里

鄭玄傳可廣開門衛令容高車號為通德門

未遑下榻

徐稱傳陳蕃在郡不

接賓客唯擇來特設一榻去則懸之王勃文徐端下陳蕃之榻

先辱踵門恭惟某人學

有宮庭

荀子是君子之所以聘志意於壇宇宮庭也注宮謂之室庭門屏之內也君子雖聘志意論說

不出此壇宇宮庭之內也是時百家異說多妄引前古以亂當世故荀卿屢有此言

詞無枝葉

禮記

天下有道則行有枝葉天下無道則辭有枝葉注行有技葉所以益德也言有枝葉是衆虛華也技葉依根而

生言行亦由禮出

承老翁青藜之植

王子言拾遺記劉向於成帝之末校書天祿閣夜有

老人植青藜杖扣閣而進詳見前

擅幼婦黃絹之才

見前

平時謾說古戰

場豈料還迷於五色

東坡送李方叔詩平生謁說古戰場過眼終迷日五色

歸家

但草凌雲賦會將放出於一頭

東坡送李方叔詩歸家但草凌雲賦我相夫子

非驪仙東坡年譜嘉祐二年春赴禮部文忠公知舉得公論驚喜欲以冠多士疑曾子固所為子固文忠門下士也乃寘第二復以春秋義第一謂公必名世以書抵梅聖俞曰讀賦書不覺汗出快哉快哉老夫當避此人放出一頭地互見前某正愧遺賢顧勤委贄貧家見珠貝真成負

眩晃之羞

見戶廣切說文明也增韻照耀也東坡詩貧家見珠貝眩晃目難審

使君洗樽

疊行欲致荒唐之謝

東坡送賈訥倅眉州詩童子遙知領襦袴使君先已洗樽疊公自注

李大夫眉之賢太守也莊子謬悠之說荒唐之言

回孫省元 和之

吟風弄月之歸未遑請益

伊洛淵源明道先生言自再見周茂叔後吟風弄月以歸

有吾與點之意

裁霧縫雲之作猥辱擊蒙

杜詩裁縫雲霧成御衣易擊蒙不利

為冠利禦寇注擊去童蒙以發其昧

喜聞足音仍拜手筆

並見前

恭惟某人

學行之上

法言學行之上也言之次也教人又其次也

世載其英

蜀都賦江漢炳靈世

載其英

古稱閉戶之先生豈其苗裔

後漢書徐敬字文寶好學閉戶讀書不堪

其睡以繩繫頭懸之梁上市人呼之曰閉戶先生項籍傳贊舜蓋重瞳子碩則又重瞳子豈其苗裔耶霍光傳

贊昔霍叔封于晉晉即河東光豈其苗裔乎

近恥呈身之御史殆有典刑

東軒

筆錄孫參拊為御史中丞薦唐介吳中復為御史或問曰君未嘗與二人相識而遽薦之何也答曰昔人恥呈

身御史今豈求識面臺官也後二人皆以風力稱於天下久江湖魏闕之遊莊子身

之上居心乎魏闕之下注魏象魏觀闕人君門也許慎云天子兩觀也識伊洛濂溪之派

知其主信其客必窮游夏之淵源

韓文知其主可以信其客者湖南也董仲

舒傳贊考其師友淵源所漸猶未及乎游夏

加其膏希其光詎止卿雲之黼

黻

韓文養其根而竢其實加其膏而希其光劉孝標廣絕交論卿雲黼黻河漢


某未遑避舍

見猥辱踵門一辨薰南豐之香願觀卒業

莊子卒業於夫子楚元王

傳浮邱伯在長安元王遣子鄧客與申公俱卒業劉歆傳復領五經卒父前業藝文志哀帝復使向子侍中奉

車都尉歆卒父業東坡詩
逝將棄官往卒業餘見前
幅巾援東坡之筆嗣得乞言
東坡遠景樓記布衣幅巾從
邦君於其上酒酣樂作援
筆而賦之禮記凡祭與養
老乞言與語之禮注養老人
之賢者因從乞
善言可行者也



四六標準卷三十八

欽定四庫全書

集部
四六標準卷三十九

詳校官庶吉士_臣何道沖

主事_臣呂雲棟履勘

總校官進士_臣繆琪

校對官助教_臣羅萬選

謄錄監生_臣李元倚

欽定四庫全書

四六標準卷三十九

宋 李劉 撰

賀正

賀嗣秀王

師揆。宋孝宗繼統封秀王子孫為嗣秀王。

斗攜龍角又頒義仲之春

史記天官書杓攜龍角注杓北斗杓也龍角東方宿也攜

連也正義曰按角星為天關其間天門其內天庭黃道

所經七曜所行左角為理主刑其南為太陽道右角為

將主兵其北為太陰道也頒通作班崔駰傳強起班春

注班布春令尚書分命義仲建隅夷曰賜谷寅賓出日

平秩東作日中星鳥以殷仲雪滿兔園請賦梁王之壽

春孔傳義仲居治東方之官

謝惠連雪賦歲將暮時既昏寒風積愁雲繁梁王不悅
遊於兔園俄而微霰零密雪下王乃歌北風於衛詩詠

南山於周雅授簡於司馬大夫曰抽子
秘思騁子妍辭俾色揣稱為寡人賦之恭惟某王宗藩

明德詩大宗維翰介人維藩史記楚元王世家為漢宗
藩潘勗冊魏公九錫文先王並建明德昨之以土

分之以民崇其寵章備其禮物所以藩衛王室左右厥
世也左傳選建明德以藩屏周故周公相王室以尹天

下于周政路崇班蘇炯制烏臺峻秩墜總鐵襲慶璿源
為睦

默應璿璣之運璿亦作璇說文美玉也宋宗室有璇源
分派字號宗正有四書曰玉牒曰仙源

積慶圖曰宗藩慶系錄曰宗支屬籍顏延年詩玉水
記方流璇源載圓析尚書在璿璣玉衡以齊七政寶

分玉帶益調玉燭之和尚書分寶玉於伯叔之國通鑑
唐玄宗從複道中見衛士棄餘

食寧王憲從容諫釋之是日上宴飲極歡自解紅玉帶
賜憲第九卷有代回嗣秀王師揆賀賜玉帶啟爾雅四
時和謂之玉燭注道光照也疏道言也言四時和氣溫
潤明照故曰玉燭李巡云人君德美如玉而明若燭東
晉詩玉燭陽明顯猷翼翼宜從桃輩之辰沈約宋書舊時歲朔常設
明顯猷翼翼宜從桃輩之辰
寺之門以禳惡氣梁尚書宗懷荆楚歲時記正月一日
造桃板著戶謂之仙木注桃鬼所畏畫作人首可以有
所收縛不死之祥又桃者五行之精能制百鬼謂之仙
木括地圖曰桃都山有大桃樹下有二神一名鬱一名
壘執葦索以伺不祥之鬼得即殺之應劭風俗通云黃
帝書稱上古有神荼鬱壘兄弟二人在度朔山桃樹下
簡百鬼鬼妄搢人援以葦索執以食虎于是縣官
以臘除夕飾桃人垂葦索畫虎于門效前事也
不介
椿松之社
介助也詩介以繁祉柳文永介丕祉莊子上
古有大椿者以八千歲為春八千歲為秋而

彭祖乃今以久特間衆人匹之不亦悲乎詩
秩秩斯干幽幽南山如竹苞矣如松茂矣
某愧無善

頌禮記君子謂之善頌善禱疏頌者美盛德之形容禱
者求福以自輔也張老因美而譏之故為善頌文子

間過即服而拜
故為善禱也
可賀履端
左傳履端于始玉燭寶典正
月為端月臧榮緒晉書熊遠

議曰履端元日正始之初有識之士於是觀禮樂榮耳
目之觀崇玩弄之好晉荀勗正大會行禮歌詩曰於皇

元首羣生資始履端大享敬御福祉虞世南奉
和獻歲燕宮臣詩履端初啟節長苑命高筵
曳鄒陽

之裾方規旅進
鄒陽傳飾固陋之心則何
王之門不可曳長裾乎
授司馬之簡

更佩謙光
易謙尊而光
餘見上文

代董制置賀史丞相

鳳紀更端復對戊寅之歷

左傳鄭子曰鳳鳥氏歷正也
晉律歷志少昊則鳳鳥司歷

顓帝則南正司天宋志考少昊氏有鳳鳥氏司歷唐藝
文志戊寅歷一卷歷志高祖受禪將治新歷東都道士
傅仁均善推步之學太史令庾儉傳奕等參議合受命
歲名為戊寅元歷以唐以戊寅歲甲子登極歷元戊寅
年起甲子如漢太初高祖詔司歷起二
年用之按戊寅為寧宗嘉定十一年
龍躔回次又新

甲乙之司

後漢書昔者聖人之作歷也觀璿璣之運三
光之作道之發歛景之長短斗躔所建青龍

所躔參伍以變錯綜其數而置術焉禮記孟春之月其
日甲乙其帝太皞注乙之言軋也日之行春東從青道
發生萬物月為之佐時萬物皆解孚甲自抽軋而出因
以為日名焉乙不為月名者君統臣功也魏相傳東方
之神太皞乘時維元勲魏志高柔疏並以元勲代作心
震執規司春時維元勲
贊謝靈運表鳴玉拖綬班景元

勲梁簡文詩護羗擁

坐膺純嘏

嘏舉下切說文大遠也詩天錫公純嘏大遠之

福也又叶果五切以古得

聲福也詩俾緝熙于純嘏恭惟某官功高王室

尚書以蕃王室

又乃心罔忠簡帝心

尚書惟簡在上帝之心以道德而位三公應

千載明良之運

宋蘇易簡在翰林一日召對賜酒甚歡上謂易簡曰君臣千載遇易簡應聲答

曰忠孝一生心上悅尚

書元首明哉股肱良哉理陰陽而遂萬物成十年生聚

之功

王陵傳宰相者上佐天子理陰陽順四時下遂萬物之宜左傳越十年生聚而十年教訓生聚生民

而聚財也宜誕受於春祺

說文祺吉也詩受天之祺爾雅祥也注謂徵祥又吉也禮樂志羣生

堪堪惟春之

祺注祺福也用永符於皇極

尚書五皇極皇建其有極宋書宜遵漢魏纂承皇極

其一遠釣範五見歲華

唐實牟詩歲華春更早天瑞雪猶深

身在西陲阻

效椒觴之祝

陟是為切說文速邊也通鑑外紀禹使章亥步自東極至于西陲注陟是外遠之名

庾亮傳吾憂西陲過于歷陽此西陲指蜀宗懷荆楚歲時記正月一日進椒栢酒崔寔四民月令過臘一日謂

之小歲拜賀君親進椒酒從小起椒是玉衡星精服之令人身輕耐老董勛云歲首酌椒酒而飲之以椒性芬香又中為藥故此日采椒花以貢尊者成公子安神馳椒花銘肇惟歲首用正元日厥味惟珍蠲除百疾

東閣輒輸竹簡之誠

閣當作閣公孫弘傳開東閣以延賢人朱雲傳且留我東閣師古曰

閣者小門也東向開之避當庭門而引賓客以別於掾史官屬也閣音葛說文門傍戶也爾雅小閣謂之閣說文簡牒也從竹間聲詩畏此簡書疏古者無紙有事書之于簡

代董制置賀鄭參政曾樞密

三陽交泰驗正月之始和

易天地交泰子夜歌適憶三陽初今已九秋暮易傳冬至

日一陽為復二陽為臨三陽為泰周禮正月之吉始和布教于邦國都鄙乃縣教象之法于象魏賈公彥疏云

正月之吉者謂建子之月一日也始和者從十二教已下于此月之時始調和也政教皆有故法依舊而行之言始和者若改造云爾其實不改造也始以對終對下縣之是在建寅之月為終也此借用蓋正月之吉四字為句下文凡數見今連
五福照臨瞻輔星而有耀
尚書

讀始和故知為借用

五福照臨瞻輔星而有耀

尚書

其有極歛時五福又九五福一曰壽二曰富三曰康寧四曰攸好德五曰考終命又若日月之照臨晉天文志北極四星曰四輔所以輔佐北極出度授政也東蕃四星南第一星曰上相北東太陽門第二星曰次相北中

華東門第三星曰次將北東太陰門第四星曰上將所謂四輔也西蕃四星南第一曰上將北西太陽門第二曰次將北中華西門第三曰次相北西太陰門第四曰上相亦四輔左傳光遠而自他有耀者也宜介

簡穰之福

介助也詩以介景福爾雅穰穰福也注云言饒多簡大也詩降福穰穰降福簡簡傳穰穰

衆也簡大也用彰弼亮之功

尚書弼亮四世正色率下

恭惟某官德協春

溫氣排冬凜

韓詩喜氣排寒冬

參贊鈞陶之化

曾云樞機之柄

允釐百

工

鈞旋輪師古曰陶家名轉者為鈞蓋取周回調均之義說文陶瓦器也禮記有虞氏上陶注以陶去其土

而為之故謂之陶董仲舒傳上之化下下之從上猶泥之在鈞唯甄者之所為師古曰甄作瓦之人也鈞造瓦之法其中旋轉者繫辭言行君子之樞機也尚書允釐百工庶績咸熙孔傳信治百官衆功皆廣沉潛

帷幄之謀折衝千里

尚書沉潛剛克高帝紀運籌帷幄之中決勝千里之外家語不出尊

組之間折衝千里之外馮奉世傳折衝宿將李尋傳本強則精神折衝賈復傳有折衝千里之威馬融傳安不

忘危治不忘亂帝王之所以耀神武而折宜對青規之

旦爾雅春為青陽尚書緯春為青帝魏相傳東方之神太皞乘震執規司春注木為仁仁者生生者圖故為

規亟登黃閣之榮杜氏通典陳三公之制開黃閣聽事置鵠尾北齊三公之官並置府其府

三公當中門黃閣沈約宋書云三公黃閣前史無其義按禮記云士輯與天子同公侯大夫即異鄭玄注云三

公之與天子禮數相亞故黃其閣以某一自西來杜詩西來

示謙不敢斥天子宜是漢末制也紫氣滿五逢朔易尚書平在朔易孔傳朔易謂歲改易于北方正義朔盡也萬物盡於北蘇

而復生爾雅朔北方也

吳蜀萬里未由稱壽於椒觴

字

記諸葛武侯送費禕聘吳至萬里橋曰萬里之行始于此矣劉光祖萬里橋記孔明於此送吳使張溫曰此水

下至揚州萬里范石湖吳船錄云蜀人入吳者皆自合江亭登舟其西則萬里橋孔明送費禕處也杜詩門泊

東吳萬里船此橋正

蕭曹同心所願垂光於竹帛

曹參傳始

為吳人設餘見上條
參徵時與蕭何善及為宰相有隙至何且死所推賢唯
參參代何為相國舉事無所變更臺遵何之約東百姓
歌之曰蕭何為法講若畫一曹參代之守而勿失禍
衡傳揚聲紫微垂光虹蜺鄧禹傳垂功名於竹帛耳

賀制置安撫

辛卯○辛卯為理宗紹定四年梅亭時年五十八

太歲在辛令豫孚於三甲

爾雅太歲在辛曰重光易先甲三日後甲三日王弼注甲

者創制之令也正義云甲為十日之首創造之令為在
後諸令之首故謂之甲如漢之所謂甲令也甲前三日
取改過自新故用辛甲後三
日取丁寧之義故用丁也
吉日維戊春先撫於五辰

戊莫候切詩吉日維戊既伯既禱箋戊剛日也尚書撫
于五辰庶績其凝孔傳百官順撫五行之時衆功乃成

相維玉帳之籌

詩相維辟公駱賓王詩七德龍韜開玉
帳千里鼙鼓疊金鉦韓翃詩身隨玉帳

心應愜官佐銅符勢又全羅隱詩百萬貔貅趨玉帳三
千賓客冠金貂楊巨源詩心期玉帳親台位魏勃因君

說姓名戎昱詩金鏡肅天外玉帳靜霜中兵書五行類
有李清玉帳經一卷李筌六壬玉帳歌十卷崇文目有

彭門玉帳一卷抱朴子內篇云兵在太乙玉帳之中不
可攻也唐大詔令折衝之寄符玉帳而總金壇杜詩秋

風嫋嫋動高旌玉帳分弓射虜營注將幕曰玉帳又細
聲聞玉帳又空留玉帳術李詩身居玉帳臨河魁東坡

詩玉帳夜談風雲苦注玉帳將軍帳也古有玉帳經焦氏筆策云杜詩空留玉帳術又云休添玉帳旂王洙子

玉帳術注云兵書也後來增釋者不過曰唐藝文志有玉帳經一卷而已至玉帳旂則難通矣按顏之推觀我

生賦云轉絳宮之玉帳袁卓遁甲專征賦云或居貴神之玉帳蓋玉帳乃兵家厭勝之方位主將於其方置軍

帳則堅不可犯猶玉帳然其法出於黃帝遁甲以月建前三位取之如正月建寅則已為玉帳餘準此互見前

對越璇璣之運越於也詩對越在天尚書恭惟某官川

流厚化禮記小德川流大德敦化鄭注小德川流浸潤萌芽喻諸侯也大德敦化厚生萬物喻天子也

山立陽休禮記山立時行盛氣顛實陽休玉色鄭注山立不搖動也時行時而後行也陽休盛身中

之氣若陽氣仁行而春為青規而園萬物尚書緯春東之體物也方青龍房位

其帝仁好生不
賊餘見上條

剛養其氣轉鴻鈞以壽八荒

杜詩八荒開壽域一

氣轉鴻鈞聊賦顧兔追龍蛇之詩

天問厥利維何而顧兔在腹鄭玄傳今年歲在辰來

年歲在巳注北齊劉畫高才不遇傳論玄曰辰為龍已為蛇歲至龍蛇賢人嗟蘇子由守歲詩於菟絕繩去顧

兔追龍蛇奔走十
二蟲羅網不及遮

更均蠶叢及魚鳧之福

楊雄蜀本紀蜀始王曰蠶

叢次曰伯雍次曰魚鳧按成都有蠶叢祠今呼為青衣神在聖壽寺蠶叢氏教民養蠶作金蠶數十家給一蠶

後聚而弗給瘞之江土為蠶墓南史齊永明間始興王蕭鑑為益州刺史於州園得古冢以金為蠶數斗鑑一

無取復為起問訊梅邊之味

杜詩問訊東橋竹

亟催花底之朝

杜詩退朝花底
散歸院柳邊迷

某辱庇陳人

莊子人而無人道謂之陳人注真是陳久之人耳俗

便共信之此俗之所
以為安固而習常

尚棲故壘

東坡詞故壘西邊人
道是三國周郎赤壁

千

林有喜同忻捲賀燕之簾

宋薛奎字宿藝絳州人舉進士時謁馮魏公首篇有囊書

空自負早晚遇明君之句馮掩卷謂之曰不知秀才所
負何事讀至第三篇春詩云千林如有喜一氣自無私
乃曰秀才所負者如此淮南子大厦成而燕雀相賀湘
山野錄陳堯佐為呂申公所薦遂至大拜極懷薦引之
德因作燕詞携酒過之有主人恩重朱簾捲之句申公
笑曰自恨捲簾人已老莫愁調鼎子無功老子廊廟而
醞藉三徑就荒已願逐屠羊之肆

陶靖節集三徑就荒
松菊猶存莊子楚昭

王失國屠羊說走而從於昭王昭王反國將賞從者及
屠羊說曰大王失國說失屠羊大王反國說亦反屠
羊臣之爵祿已復矣又何賞
之言願復反吾屠羊之肆

賀黃制置伯固

送赴壑之鱗喜避蛇於劒閣

東坡守歲詩歟如垂盡歲有似赴壑蛇修鱗半已沒

去意誰能遮况欲繫其尾雖勤知奈何太白蜀道難劒閣崢嶸而崔嵬朝避猛虎夕避長蛇磨牙吮血殺人如

麻振治兵之甲行歸馬於華陽

詩序叔于田刺莊公也叔處于京繕甲治兵以

出于田國人悅而歸之尚書歸馬于華山之陽放牛于桃林之野

登寅車之勞還

詩元戎十

乘以先啟行注司馬法云夏后氏曰輶車先正也殷曰寅車先疾也周曰元戎先良也正義曰寅進也此車能

進取遠道故云先疾也陳琳檄登寅車而戒路執金板而先驅麾鉞一臨凶黨冰泮詩序出車勞還率也杖杜

勞還役也回午門而愷奏

後漢李尤平城門銘平門督司午位處中外臨僚侍內達帝宮正陽

南面炎暑赫赫通作五白樂天詩載向五門宮道西愴
軍勝之樂周禮奏愴樂左傳晉文公振旅愴以入于晉
樂書風謂之愴風天地之怒氣散王師
大厭謂之愴樂人之怒氣已焉或作凱
恭惟某官盛心

懿識惠氣威風

韓文有文武威風知大體可畏信者

橫腰下之黃升作眉

間之色

戰國策將軍黃金橫帶而馳乎淄澠之間白樂天詩眼前何日赤腰下幾時黃東軒筆錄舊制

學士以上並有一人朱衣吏引馬所服帶用黃金而無魚至入兩府則朱衣二人引馬謂之雙引金帶懸魚謂之重金世傳館閣聖為學士者賦詩云眼裏何時赤腰間甚日黃及為學士又作詩曰眼赤何時兩腰黃幾日重謂雙引重金也東坡詩坐閱諸公半廊廟時看黃色起天庭注人面有天庭相書以黃色為喜色韓退之詩眉間黃色推腹中之赤立為城上之祥
光武紀與銅馬大戰於蒲陽悉

見歸期

破降之降者猶不自安光武知其意勅令各歸營勒兵
乃自乘輕騎衆行部陳降者更相語曰蕭王推赤心置
人腹中安得不投死乎韓退之詩城上赤雲呈勝氣注
蔡未平數月前吳武陵自峽石望東南氣如旗鼓予看
皆顛倒少選黃白氣從西北出盤蛇相交告公曰今
西北王師所在黃白喜氣也敗氣為賊賊必亡矣 嗟

師律而忝生

易師出以律正義云律法也師出之時須
以法制整齊之劉向別錄方士傳言鄒衍

在燕燕有谷地美而寒不生五穀鄒子
居之吹律而溫氣至而穀生今名黍谷播民和於麥實

尚書百工播民和見士于周東觀漢紀張堪為漁陽太
守勸民耕種以致殷富百姓歌曰桑無附枝麥穗兩歧

張君為政紅塵晝靖不妨圍夜觀之棊杜詩從容靜塞
樂不可支塵觀音貫韓詩

從軍古云樂談笑青油幕紫禁春回會歸押曉班之仗
燈明夜觀棊月暗秋城柝

杜詩紫禁正耐煙花繞歐陽
永叔詩玉殿清霜綴晚班
某又看新厯東坡詩老去怕看新厯日

退歸擬學
舊桃符
真是陳人見本卷賀制
騎火照山紅遙想元

功之疊賞
昌黎賀裴相公詩西來騎火照山紅夜宿桃林臘月中手把命珪兼相印一時重疊賞元

功
雪嶺界天白何時尊酒以重論杜詩雪嶺界天白錦城曠日黃又何時一

尊酒重與
細論文

代回大理趙少卿
師古○詳啟意蓋代月湖下同

履端於始茂迎鼎至之祥鼎方也賈誼傳天子春秋鼎盛賈捐之傳鼎貴師古曰方

且欲貴也匡衡傳匡鼎來服虔
曰若言方且來也餘見首條
同官為僚丕對咸中之

慶

左傳同官為寮吾嘗同寮敢不盡心乎尚書哲人惟刑無疆之辭屬于五極咸中有慶注極中也慶善也

以其折獄屬五常之中

恭惟某官邦之司直

詩彼其之子邦之司

直注司主也彼服羔裘之是子一邦之人主以為直刺今無此人

民以不寬

于定國傳朝廷稱之

曰張釋之為廷尉民自以不寬于定國為廷尉民自以不寬

凍解勾萌漸鞠園扉之

草

禮記孟春之月東風解凍又勾者畢出萌者盡達注屈而生者曰勾芒而直者曰萌詩鞠為茂草注鞠窮

也窮盡為茂草文選鞠茂草於園扉隋劉曠傳曠為平鄉令七年風教大洽獄中無繫囚囹圄皆生草北史宣

帝紀齊大寶初大赦郡無一囚獄內櫓上桃木蓬蒿並滿謂之神門

日遲棘木益清訟舍

之崇

詩春日遲遲采芣苢祁祁易係用微纆寘于叢棘三歲不得凶王弼注險峭之極不可升也嚴法峻整

難可犯也宜其囚執寘于思過之地禮記凡聽五刑之訟史以獄成告于正正聽之正以獄成告于大司寇大

司寇聽之棘木之下春秋元命苞樹棘槐聽訟于其下棘赤心有刺言治人者原其心不失赤實事所以刺人

其情令各歸實詩蔽芾甘棠勿剪勿伐宜有天休尚書召伯所爰說文爰舍也增韻草舍也侯天

休命又天相時星聚通歷文王五星聚于房天官書漢休滋至之興五星聚于東井唐天文志玄

宗天寶九年五星聚於箕尾檀道鸞續晉陽秋陳仲弓從諸子姪造荀朗陵父子是德星聚太史奏五百里

賢人聚某濫同秋紀周禮秋官掌邦刑大理亦司又見春刑法故云時月湖為刑侍

朝孔光傳注正月一日為有椒其馨未遂稱觴之慶椒歲之朝月之朝日之朝

料切芬香也詩有椒其馨胡考之寧注椒猶餽也成公綏椒華銘嘉哉芳椒載繁其實厥味惟珍蠲除百疾肇

惟歲始正月元日永介眉壽以祈初吉荀勗正會如松
王公上壽酒詩踐元辰延顯融獻羽觴祈令終

之盛敢輸削牘之私詩如竹苞矣如松茂矣原陟傳
削牘為疏師古曰牘木簡也

代回程監簿

準

重來及芳菲笑逢春之白傳誰能更拘束羨守歲之杜

陵

少陵杜位宅守歲詩四十明朝過飛
騰暮景斜誰能更拘束爛醉是生涯三壽作朋詩三

朋如岡如陵注三壽三卿也百祿是總詩不難不疎百
祿是總注百衆

之祿總聚恭惟某官以道怡性未老得閑於驛舍見人
而歸之

題壁云謀生待足何時足未老得閑方是閑余深味其
言服其精當而愧不能行也此與夫一日看除目三年

損道心者異
矣詳見前
櫪馬盍簪看破塞翁之馬
少陵杜位宅守歲詩守歲阿咸

家椒盤已頌花盍簪喧櫪馬列炬散林鴉易勿疑朋盍
簪此言除夕賓朋宴會騎從喧譁燭炬輝煌鴉鵲驚散
東坡詩欲喚阿咸來守歲林烏櫪馬問諠譁正用此也
淮南子北塞上之人其馬亡入胡中人皆弔之其父曰
此何詎知不為福居數月其馬將胡駿馬而歸人皆賀
之其父曰此何詎知不為禍家富馬良其子好騎墮馬
折髀人皆弔之其父曰此何詎知不為福居一年胡夷
大出虜壯者皆控弦而戰塞上之人死者十九此子獨
以跛故子父相保幽通
畫鷄貼戶望成消子之鷄
梁宗懷荆賦比叟頗識其倚伏

楚歲時記正月一日帖畫鷄或斲鏤五木及土鷄于戶
上注莊周云有卦鷄于戶百鬼畏之董勛問禮俗曰正
月一日為鷄正旦畫鷄于門一日不殺鷄亦其義也拾
遺記堯在位七年祇及國獻重明鳥狀如鷄或一歲數

來或數歲一來國人莫不灑掃門戶以望其來或刻金
寶為其狀置戶牖間則鬼類自服云今人每歲元日刻
畫為鷄于戶上蓋其遺像也消所景反莊子記消子為
周宣王養鷄十日而問鷄可關已乎曰未也方虛憍
而恃氣十日又問曰未也猶應景嚮十日又問曰未也
猶疾視而盛氣十日又問曰鷄矣鷄雖有鳴者已無變
矣聖之似木鷄矣其德全矣異鷄無敢應者反走耳
注此言養之以至于全者猶無敵於外况自金乎宜

對新年

庾信詩正朝辟惡
酒新年長命盃

益衰盛福某過勤尺牘陳遵

人尺牘主皆
藏去以為榮

更枉五詩負三宜休愴歸日之已晚

新唐書司

空圖傳名亭以休休作文以見志曰休美也既休而美
具故量才一宜休揣分二宜休老而贖三宜休又少也
情長也率老也迂三者非濟時用
又宜休因自目為耐辱居士
況四多懼何善頌之

敢當

東方朔十洲記月支使者對漢武帝曰仰鑒天姿非有道之君也眼多視則貪色口多言則犯難身

多動則淫賊心多飾則奢
侈莊子多男子則多懼

賀曾安撫

從龍

三統肇子運開豐楙之辰

漢律厯志太極運三辰五星於上而元氣轉三統五行于

下又日合於天統月合於地統斗合於人統又三統者
天施地化人事之紀也十一月乾之初九陽氣伏于地
下始著為一萬物萌動鍾于太陰故黃鍾為天統六月
坤之初六陰氣受任于太陽繼養化柔萬物生長楙之
于未令種剛強大故林鍾為地統正月乾之九三萬物
棟通族出于寅人奉而成之寅水也為仁其聲商也為
義故太簇為人統又始于子在十一月位于丑在十二
月位于寅在正月禮記檀弓疏周以建子之月為正者

謂之天統商以建丑之月為正者為地統夏以建寅之月為正者為人統

榘莫候切說文木盛也從木牙聲律

應志豐萬物出寅律應棣通之會

棣音替律應志正月

族出於寅孟康維時重德茂擁堪祺

堪徒感切漢禮樂志羣生堪堪惟春

之祺服虔曰堪音湛湛露恭惟某官得天委和

莊子吾身非吾

斯師古曰豐厚之貌也

有也是天地之委形也生非汝有是天地之委和也注

若身是汝有者則美惡死生當制之由汝今氣聚而生

汝不能禁也氣散而死汝不能止也明行地載厚

易地勢坤

其委結而自成耳非汝有也委積也

君子以厚德載望公如歲便當畫對於延英

左傳國人墾君如墾

物又行地无疆

歲焉日日以幾歲年穀也六典大明宮宣政殿之左曰

東上闕右曰西上闕次西曰延英門其內之左曰延英

殿右曰含象殿玉海云初有大明則有是殿召對大臣
則始于代宗召苗晉卿對小延英貞元七年詔每御延
英諸司官長奏本司事則百官許對延英矣憲宗時元
稹為拾遺乞于延英訪問舊記元和元年武元衡請尚
書省六品已上職事官東宮官於延英候對文宗開成
二年御延英對刑法官又諫議馮定請許左右史從宰
相至延英記所言則羣臣亦得對矣大歷二年御延英
見畿縣令文宗開成元年中書門下奏舊例刺史授官
遇延英開日候對是外官亦得對延英也入朝而對者
則郭子儀張建封張茂昭裴度李吉甫論政事者則李
景畧樊澤崔珙鄭覃張仲方韋奧別賢佞則陽城王仲
舒崔元諒獨孤郁王質承恩獎則李晟馬燧蘇弁將又
崔罕穆贄韋渠牟武元衡李景儉牛元翼薛存慶對宰
臣則楊綰裴珀李吉甫李德裕韋處厚牛僧孺見御史
則李直方宴羣臣則與物為春可但曉行乎湘水
郭子儀不可盡錄

淮南精神

訓使神酒蕩而不失其克日夜無傷而與物為春注南
與物為春言養物也杜詩夜醉長沙酒曉行湘水春

人不復反矣

漢晉春秋諸葛亮在南中所在戰捷聞孟
獲者為夷漢所並服募生致之既得使觀

於營陣之間問曰此軍何如獲對曰向者不知虛實故
敗今蒙賜觀看營陣若祇如此即定易勝耳亮笑縱使

更戰七縱七禽而亮猶遣獲獲止東山以公歸今詩我
不去曰公天威也南人不復反矣

山惴惴不歸又是以有某投老黃塵仇覽傳苦身投老
衮衣兮無以我公歸兮王義之傳投老可

得僕射晉書載記慕容垂傳且吾投老叩囊底智足以
尅之王荆公詩投老歸來一幅巾又投老唯公最故人

又約公投老此山棲又投老難堪與君別又道人投老
寄山林又世間投老斷攀緣又主恩投老更人間又疏

封投老誤明恩又談經投老拚悠悠又投老翻為世網
嬰又投老心情非復昔又投老重來記管絃又投老歸

來供奉班又人間投老事紛紛又投老安能長忍垢又
黃塵投老倦忽忽又投老始知歡可惜又投老逍遙此
與堂又投老逢時追往事又投老承明無補助又
投老心旌一片降荆公好用此二字特表出之佐州

黔鄙

柳文黔巫東
鄙蠻獠雜擾

願開壽域使無不達之勾萌

淮南時
則訓養

幼小存孤獨以適勾萌注勾屈生者萌直生者長養幼
小存恤孤獨所以慎陽氣也故草木不勾萌者以適達

尚念荒莊俾預向陽之花木

獨異志崔羣自中書舍人
知舉歸其妻李氏因暇嘗

勸樹莊田以為子孫之業羣笑曰予有美莊良田徧在
天下夫人何憂夫人曰不聞君有此業羣曰吾前歲放
春榜三十人豈非良田耶夫人曰若然者君非陸贄門
生乎曰然夫人曰往年君掌文柄使人約其子簡札不
令就試如君以為良田即陸氏一莊荒矣羣慚而退累
日不食詩話云范文正公知杭州蘇麟為屬縣巡檢城

中兵官往往皆獲薦書獨鱗在外邑未見收錄因公事入府獻詩曰近水樓臺先得月向陽花木易為春文正薦之

代回畢安撫再遇

天運璇璣又屆履端之始

馬融云渾天儀可旋轉故曰璣衡其橫簫所以視星宿也

以璿為璣以玉為衡貴天象也易畧例聖人處璿璣以觀天運後律厯志聖人之作厯也觀璿璣之運三光之行臧榮緒晉書熊遠議曰履端元日正始之初有識之士于是觀禮荀勗正大會行禮歌於皇元首羣生資始復端大享敬御福祉虞世南獻歲宴春生玉帳載迎善宮臣詩履端初啟節長蛇命高筵

政之祥

尚書德惟善政餘見賀制置安撫條

恭惟某官豹略深沉

文獻通攷六韜

六卷周呂望傳按漢藝文志無此書梁隋唐始著錄分
文武龍虎豹犬六目兵家權謀之書也黃石公三畧三
卷西山真氏曰三畧先秦書雖未必鷹揚翁自作虎符
要必其遺法然則輜畧皆太公作故合言豹畧也

靜謐

文帝紀初與郡守為銅虎符應劭曰銅虎符第一
至第五國家當發兵遣使者至郡合符符合乃聽

受之謐覓畢切說文靜語也爾雅靜也廣韻安也

麥苗綠漲挽回幾千萬戶之

和月令孟春之月天子食麥與羊季春之月天子乃為
麥祈實鄭玄注曰於含秀祈其成也梁鴻歌麥含金

秀方柳葉青歸喚起二十四橋之夢

杜詩紅入桃花嫩
青歸柳葉新山谷

詩為公喚起黃州夢獨載扁舟向五湖方輿勝覽二十
四橋隋置並以城門坊市為名後韓令坤築州城分布
阡陌別立橋梁所謂二十四橋者或存或廢莫可攷矣
杜牧之寄韓判官詩雲山隱隱水迢迢春盡江南草未

調二十四橋明月夜玉人何處教吹簫歐陽永叔自揚
州移汝西湖詩綠芰紅蓮畫舸浮使君那復憶揚州都
將二十四橋月換作西湖十頃秋東坡自汝移
揚州詩二十四橋亦何有換此十頃玻璃風
三陽為

泰

前見

百祿交升

詩百祿是總
泰升卦名

某方欲具箋猥勤委翰椒

盤啟節莫殫頌禱之私

杜詩椒盤已頌花虞世南詩履
端初啟節禮記君子謂之善頌

善樺燭朝天願保功名之重

樺胡化切說文木也本作
樗以其皮裏松脂韻會此

即金人書樺子以其皮卷之然以為燭裏松脂亦所以
為燭也李肇國史補京師每正旦曉漏已前宰相三司

使大金吾皆以樺燭百炬擁馬方布象城謂之火城白
樂天早朝詩月堤槐露氣風燭樺煙香鄭谷詩樺飄紅

燼趨朝路蘭離清香宿省時東坡詩
空庭樺燭煙又送客林間樺燭香

賀黃制機

性

天地泰交乘少陽而出震

易天地交泰后以裁成天地之道輔相天地之宜京房占

正月建寅律為太簇鷄雉孽尾招搖生聚少陽解凍其氣溫柔逆之則寒繁辭帝出乎震齊乎巽正義云王輔

嗣曰帝者生物之主興益之宗出震而齊巽者也是以此帝為天帝也

雷霆振旅利長子

之帥師

繁辭鼓之以雷霆春秋大而震雷殺梁傳震雷電霆也疏霆者霹靂之別名有霆必有電故傳

云電霆也史記蘇秦傳戰如雷霆解如風雨杜詩雲旗受號令千里肅雷霆尚書禹乃班師振旅孔注振旅言

整衆易長子帥師象曰長子帥師以中行也疏長子謂九二德長于人

外健蓋內順之亨

外健內順當作內健外順易泰小往大來吉亨象曰泰小往大來吉亨則是天地交而萬物通也上下交而其

志同也。內陽而外陰，內健而外順。內君而外小人，君子道長，小人道消也。後勁亦中權之

助。左傳：軍行右輔，左追。蓐前茅慮無中權。後勁，此言楚分其軍為五部，使之各專其職。右部挾輔為戰備，左

部追求，草莽為宿備。前部以茅為旗幟，以慮有無之事。預告軍中而為之備，後部用精兵以為之殿，而中軍則

出權謀，以制勝。恭惟某官氣排冬凜，韓詩喜氣，德婉春融，偕召

伯以來。旬瓚流柜，壺詩王命召虎。來旬來宣，釐爾圭瓚。

公也來勤也。旬當作營，宜偏也。王命召虎，汝勤勞於經營。四方勤勞於偏疆，理衆國釐賜也。柜，匱也。黑黍酒也。自

器也。王賜召虎以匱酒，一尊使共阿咸而守歲盤頌椒

花。杜詩：守歲阿咸家。椒人知江夏之無雙。黃香傳：博學經典，究精道。

術能文章京師號曰我羨西平之有子柳文蔡人率止

天下無雙江夏黃童惟西平有子西

平有子惟某漕居水下趙充國傳身在雪邊杜詩鷗鳥

我有臣冰解漕下聲聞於天請以勉在陰之鶴詩鶴鳴于九

山雪邊看言為成都漕易鶴鳴在陰其子和之柳

我有好爵吾與爾靡之稼豐於野度或寬我輦之牛文

歸牛休馬豐稼于野詩我任我輦我車我牛我行既集蓋云歸哉

賀總領運使辛卯○按辛卯為理宗紹定四年

歲在元辛承以長生之兔爾雅太歲在辛曰重光抱朴子兔壽千歲滿五百歲則色

白杜詩入河蟾不日維吉戊臨於正旦之鷄詩吉日維

沒鵝藥兔長生戊董勛答

間禮俗曰一日為鷄二日為狗三日為猪四日為羊五日為牛六日為馬七日為人八日為穀以陰晴占豐耗出北史魏收載馳四牡之有功詩序四牡勞使臣之來傳互見後

定促八鸞而入覲

詩四牡奕奕孔脩且張韓侯入覲以其介圭入覲于王又百車彭彭八鸞

鏘鏘注有百兩之車彭彭然而行每車皆有八鸞之聲鏘鏘然而鳴也按此乃言韓侯迎妻蹶里車馬之盛此言入覲借恭惟某官陽休山立大德川流俱見前賀制用之耳

福星臨參井之墟民無遺便

東坡詩斯人乃福星遣出虛危間自注司馬溫公謂

軼曰子駿福星也東京人因甚且令往彼北齊天文志昇平三年四月歲星在虛危徘徊玄枵之野則齊星有福厚為受慶之符則福星即歲星也天文志觜觿參並州東井輿鬼雍州地理志秦地於天官井鬼之分野魏

地背角參之分野昌黎韋丹墓誌銘凡為民去卿月代
害興利若嗜慾居三年於江西八州無遷便

房心之次帝有恩言

尚書卿士惟月杜詩卿月昇金掌
王春度玉墀天文志房心宋豫州

地理志宋地房心之分野天文志房心天子宮也房三
為將相心為子屬王荆公表信使恩言有華原隰

陽茅拔以茹連

易泰初九拔茅茹以其彙
征吉茹音汝據反茅根也百祿竹苞而

松茂

詩如竹苞矣如松
茂矣注苞本也

某尚棲舊蔭又見新年兩鬢霜

濃難望東風之解凍

李詩麻姑垂兩
鬢一半已成霜

一犁雨足願從南

畝以歸耕

東坡詞歸去歸去江上一犁春雨王荆公詩
望雲纔喜雨一犁山谷詩南村北村雨一犁

詩傲載
南畝

賀總領

陽春肇始是生萬物之輝

文選陽春布德澤萬物生光輝

王人載馳亶

序諸侯之上

公羊傳王人者微者也序乎諸侯之上先王命也

宜介穰穰之福

穰如陽切爾雅穰穰福也注云言饒多詩降福穰穰衆也鄭箋云神與之福又衆大謂如嘏辭也是言得福饒也

多以稱皇皇之華

稱昌爭切宜也適物之宜也易吳稱而隱詩皇皇者華毛傳猶煌煌也

恭惟某官清徹冰壺

文選清如玉壺冰高適詩崖谷倚冰壺杜詩冰壺玉衡懸清秋又炯

如一段清冰出萬壑置

和鍾玉律

李元標詩銅渾變秋節玉律動年灰冷朝

陽詩玉律傳佳節青陽應北辰白帖候氣之法為室三重戶閉塗鑿周布緹縵室中以木為案每律各如之內

卑外高從其方位加律其上以葭管灰實其端案律而
候之氣至者灰去其為氣所動者其灰散其為物所動
者其灰聚也殿中候用玉律十二靈臺用竹律晉書黃
帝作厯以玉為管長尺六孔為十二月音至舜時西王
母獻昭華之琯以玉為之及漢章帝時零陵文學奚景
於泠道舜祠下得白玉琯又武帝太康元年汲郡盜發
六國時魏襄王冢亦得玉律則古者以玉為管矣以玉
者取其體含廉潤也

錦衣諭蜀榮弩

矢之前驅

項籍傳富貴不歸故鄉如衣錦夜行司馬相
如傳乃遣相如責唐蒙等因諭告巴蜀民以

非上意又拜相如為中郎將馳四乘之傳因巴蜀吏幣
物以賂西南夷至蜀太守以下郊迎縣令負弩矢先驅

蜀人以為寵
繡斧控荆慰樵蘇之後爨

武帝紀遣直指使者
暴勝之等衣繡衣杖

斧分部逐捕師古曰杖斧持斧也謂建持之以為威也
孟浩然詩荆門控三巴韓信傳樵蘇後爨師不宿飽師

古曰樵取薪也蘇取草也

履端於始

見何福不臻

詩俾爾單厚

某濫

守竹符

文帝紀為竹使符應劭曰竹使符皆以竹箭五枚長五寸鐫刻篆書第一至第五張晏曰符以

代古之圭璋從簡易也師古曰與郡守為符者謂各分其半右留京師左以與之

阻持椒

音

假說文玉爵也夏曰琖商曰斚周曰爵鬱酒之尊畫禾稼者詩洗爵奠斚韓文奠璧獻斚

木牛坐運

送寒寧假於土牛

蜀志復出祁山以木牛運注木牛者方腹曲頭一脚四足頭入領中舌著

于腹載多而行少宜可大用不可小使特行者數十里羣行者二十里也禮記季冬之月命有司出土牛以送

寒氣正義曰出猶作也此時強陰既盛年歲以終陰若不去凶邪恐來歲更為人害其時月建丑又土能尅水

故特作土牛以畢送寒氣也冷朝陽詩土牛呈歲稔綵燕表年春

櫪馬交喧召見即登

於金馬

杜詩盍簪喧樞馬詳見前漢書注武帝時相馬者東門京鑄作銅馬法獻之立於魯班門外更

名魯班門為金馬門漢公孫弘東方朔主父偃嚴安徐樂王棨賈捐之鄭朋馮商皆待詔金馬門楊雄解嘲歷

金門又公孫創業於金馬文選金門諸彥注金門金馬門也

賀王總領

鉛

陽春生萬物之輝維其時矣

詩物其有矣維其時矣餘見上條

王人序

諸侯之上何以予之

詩采菽采菽筐之筥之君子來朝何錫予之雖無予之路車乘馬又

何予之玄衮及黼餘見上條

宜對三陽茂綏百福

詩樂只君子福履綏之

恭惟

某官清標冰峙和氣緹溫

緹田黎切說文帛丹黃也候氣之法為室三重戶閉塗墁

周布緹幔給餽江流聊總木牛之運高帝紀給餽不絕糧道吾不如蕭

何揚鑣天路即符櫪馬之喧鑣悲嬌切音與森同說文馬銜也釋名包也在旁包

斂其口南史裴子野傳蕭琛言其評論可與過秦王命分路揚鑣隋文帝紀詔民間情偽誠欲備聞已詔使人

所在振邨分路揚鑣將徧四海必令為朕某濫守竹符

良蒙樾蔭樾王伐切字林樹陰也淮南子盪汗交流休樾蔭則脫然而喜又武王蔭暘人于樾下而

天下歸之注樹如車太玄八十一首又觀頌朔之新

傳以為經莫大于易故作太玄潭恩渾天參摹而四分

之極于八十一桓譚新論太玄經三篇以紀天地人之

道立三體有上中下如禹貢之陳三品三三而九因以

九之八十一故為八十一卦王涯說玄曰八十一皆擬

乎卦九贊之位數夫爻自天元甲子朔旦冬至推一晝一夜終而復始天元二十七首地元二十七首人元二

十七首廣成千二百年請致修身之祝莊子廣成子謂黃帝曰天地有官陰

陽有藏慎守汝身物將自壯我守其一以處其和故我修身千二百歲矣吾形未嘗衰

代何尚書賀林總領

祖洽口一統志林祖洽淳熙中知常州尊禮耆儒延見秀

士激勸學校後河湮沒久浚治之民賴其利

歲統開端茂歲始和之吉

歲丑辰切音與闌同左傳以歲陳事杜預注敕也又備也

餘見王人共命肇迎滋至之休

共居容切通作恭尚書天休滋至惟時二人弗

戡餘恭惟某官望重持荷

宋王楙野客叢書云前輩謂尚書紫荷囊事晉志八座尚

書荷紫以生紫為袷綴之外服加於肩上又梁史周舍問劉杳尚書著紫荷橐竟何所出杳曰張安世傳持橐囊也荷乃負荷之荷人讀為平聲遂有此誤雖歐陽文忠公宋景文公有所不免僕謂不然紫荷橐事其說已久非歐宋之誤也觀唐類表有云佩蒼玉負紫荷歐宋之語宜無自耶僕因考之沈約宋志蕭子顯齊志皆謂紫袷俗呼曰紫荷或曰負荷以行隋志曰朝服綴紫荷錄令左僕射左荷右僕射尚書右荷則是紫荷之說自晉宋以來有之劉杳謂持橐簪筆出張安世傳不知出於趙充國傳漫錄謂左荷右荷出隋樂志不知出於禮志稗史范元卿上太守月詞中有云有人吟諷紫荷香滿晴陌韻語陽秋云按晉輿服志八座尚書則荷紫以生紫為袷服之在左肩所謂荷紫者非芰荷之荷乃負荷之荷也人徒見南史著紫荷橐四字遂作一句讀之不知晉書紫荷之義余讀宋史宣和間任子太濫諫官李會誦論有尚嬉竹馬已獲荷橐之語以竹馬對

荷囊則荷囊相承之誤久矣按此功高輓粟輓音晚說文引之也

漢書秦欲攻匈奴使天下飛芻輓粟起于黃陞瑯琊至負海之郡三陽謹始時已進於

泰交

見前

一札遄歸寵益新於渙渥

後漢書一札十行遄渥沿切爾雅疾也詩

式遄其歸杜詩新渥照乾坤某又者新厯真是陳人道阻且長缺致

椒觴之慶

並見前

儀圖莫助載馳竿牘之恭

詩我儀圖之維仲山甫舉

之愛莫助之莊子小夫之知不離苞苴竿牘注苞苴以遺竿牘以問遺問之具小知所殉

賀安總領

癸仲○癸仲丙之子

國典待來歲之宜元正啟祚

禮記季冬之月天子乃與公卿大夫共飭國典論時

今以待來歲之宜注飭國典者和六典之法也周禮以正月為之建寅而縣之今用此月則所因於夏殷也尚書正月元日王羲之月儀書曰往月來元正首祚何充賀正表璇衡運周元正肇祚馮衍銘元正上日百福孔靈王肅賀正儀元正首祚璇璣改度傳充王人序諸侯妻辛氏元正詩元正啟令節嘉慶肇自茲

之上壽考維祺

詩壽考維祺以介景福注介助也祺吉也養老人而得吉所以助大福也疏由

其尊考老之人故得壽考維有吉慶以受大人之福餘見前

況峙魯侯之粢糧

粢去切

說文熬米麥也徐曰燭乾米麥也禮記糗餌注搗熬穀以為糗餌與糈同糧說文穀也周禮注行道曰糧謂糒也尚書峙乃糗

均啖安期之瓜棗

史記封禪書李少君言上曰臣嘗游海上

見安期生安期生食臣東大如瓜安期生僊者道蓬萊中合則見人不合則隱於是天子始遣方士入海求蓬

策安期生之屬東坡安期生詩序安期生世知其為仙者也然太史公曰崩通善齊人安期生生嘗以策干項羽羽不能用羽欲封此兩人兩人終不爾受亡去子每讀此未嘗不廢書而歎嗟乎仙者非斯人誰為之詩曰安期本策士平日交崩通嘗干重瞳子不見隆準公應如魯仲連抵掌吐長虹難堪踞牀洗寧挹扛鼎雄事既兩大謬飄然籊遺風乃知經世士出世或乘龍豈比山澤臞忍饑啖栢松縱使偶不死正堪為僕僮茂陵秋風客望祖猶蟻蜂海上恭惟某官氣排冬凜德配春融寒如瓜棗可聞不可逢

送土牛坐幹木牛之運

詳見賀總領條

飽喧櫪馬行觀銅馬之

降

光武紀別號諸賊銅馬大彤高湖重連鐵脰大槍尤來上江青犢五校檀鄉五幡五樓富平獲索等光武

擊銅馬於鄆復與大戰于蒲陽悉降之注銅馬賊帥東山荒秀上淮况等降胡江切說文服也本作牟梅

放柳舒

杜詩岸容待臘將舒柳山意衝寒欲放梅

竹苞松茂

詩如竹苞矣如松茂矣總

領甚稱上意式副師征

魏相傳總領衆職甚稱上意此借用易利用行師征邑國朋

亡得尚中行共扶泰道

易泰九二包荒用馮河不遐遺朋亡得尚于中行王弼注無私

無偏存乎光大故曰朋七尚猶配也中行謂五

某尚蒙戍雪

杜詩西山白雪三城戍南浦清江萬

橋未解漕冰

趙充國傳冰解漕下蒙解卦名

糴穀湟中所願丘山之暴

暴

湟胡光切說文湟水中金城臨羌縣塞外至允吾東入河趙充國傳吾謂耿中丞糴二百萬斛穀羌人不

敢動矣耿中丞請糴百萬斛迺得四十萬斛耳又大兵一出還不可復留湟中亦未可空師古曰湟水之北是

漢地荀子上得天時下得地利中得人和則財貨渾渾如泉源汴汴如河海暴暴如邱山注暴暴卒起之貌言

物委積如
邱山也
轉粟天上更宜原隰之皇皇
杜詩築城依白帝轉粟上青天

詩皇皇者華于彼原隰

代回淮西趙總領不儼

轉鴻鈞之一氣正月始和
杜詩一氣轉鴻鈞周禮正月之吉始和布教于邦國都鄙

疏正月之吉謂建子之月一日也于此正月序王人於
之時調和教典訖即布于邦國都鄙此借用

諸侯百祿是總
前見恭惟某官德儀震動魏相傳東方之神太皞乘震執

規司春尸子春為忠東方為春春動也禮記東方者春春之言蠡也產萬物者也注蠡動也尚書大傳東方者

動方也物之動也何以謂之春道協泰交
前見峙乃糗糧
春出也物之出故謂東方春也

坐給和門之衆

周禮以旌為左右和之門注軍門曰和今謂之壘門疏左傳曰師克在和不在

衆田獵象戰伐故其門曰和門也唐書禮志仲冬之月講武于都外建旗為和門互見前分之寶玉

行疏中詔之溫

尚書分寶玉於伯叔之國時庸展親羊祜傳降發中之詔加非次之榮駱

馬遄歸

駱歷各切說文馬白色黑鬣尾也爾雅白馬黑鬣陸佃云今呼黃馬尾鬣一道通黑如界者為

駱蓋馬脊分黃白皆謂之駱若今衣脊絡縫故曰駱詩嘽嘽駱馬又駕彼四駱載駮駮駮豈不懷歸是用作歌

將母蟄蟲始振禮記孟春之月蟄蟲始振注振動也夏來諗蟄蟲始振小正正月啟蟄蓋九月之末蟄蟲咸俯

則至冬而皆藏矣春至而某已投西崦崦衣檢切崦崦蘇始振動而將出未出也山名山海經鳥

鼠同穴西南曰崦崦下有虞泉日所出入通作弇爾雅觚竹北戶西王母日下謂之四荒穆天子傳天子賓于

西王母及紀其迹于弇山名曰西王母之山是也淮南
子曰入崦嵫經於細柳入虞淵之池曙于蒙谷之浦

又見東風學舊桃符漸恐門墻之遠

山海經東海度朔
山有大桃樹蟠屈

三千里其卑枝向東北曰鬼門萬鬼出入也有一神一
曰神荼一曰鬱壘主閱領衆鬼之出入者執以飼虎於
是黃帝法而象之因立桃板於門戶上畫神荼鬱壘以
禦凶鬼此則桃板之制也蓋其起自黃帝故今世畫神
像於板上猶於其下書左神荼右鬱壘以元日置之門
戶也風俗通黃帝上古之時有神荼鬱壘兄弟二人性
能執鬼於度朔山桃樹下簡閱百鬼之無道者縛以韋
索執以飼虎張平子東都賦云守以鬱壘神荼副焉戰
國策蘇秦說孟嘗君曰土偶人語桃梗曰今子東國之
桃木削子為人假以丹彩用子以當門戶之厲初學記
造桃板著戶謂之仙木玉燭寶典像鬱山桃樹百鬼畏
之也王荆公詩爆竹聲中一歲除春風送暖入屠蘇千

門萬戶矐矐日揔把新桃換舊符東坡除
夕詩老去怕看新歷日退歸擬學舊桃符
築新沙路莫

觀衮繡之來

國史補凡拜相禮絕班行府縣載沙填路
自私第至于城東街名沙堤李德裕傳德

裕初作相罷京兆築沙堤兩街上朝兵衛本
王鐸皆薛逢同年也收作相逢行詩曰須知金
印朝天
客同是沙堤避路人收大衝之白氏諷諫官
也官牛官牛駕官車漥水岸邊搬載沙一石
朝載暮載將何用載向五門官道西綠槐陰
昨來新拜右丞相恐怕泥塗汚馬蹄右丞相
雖淨潔牛領牽車欲流血右丞相但能
濟人治國調陰陽官牛領穿亦無妨

代回輦都大

嶸

杓攜龍角星駕賢勞

說文杓斗柄也徐曰北斗之柄第一
星取此為名杓猶標也天文志

一至四為魁五至七為杓又玉衡屬杓杓攜龍角注用
昏建者杓杓自華以西南又杓斗之尾尾為陰又其用
昏昏陰位在西方故主西南隋天文志魁杓號令之主
又為帝車取乎運動之義也唐天文志一行曰斗杓謂
之外庚陽精之所布天官書攝者直斗杓所指以建時
節律歷志玉衡杓建天之綱如淳曰杓斗端星也詩星
言夙見前氣轉鴻鈞天休滋至恭惟某官司存圜法食貨

貨金錢布泉之用夏殷以前其詳靡記太公為周立九
府圜法注圜即錢也宋庠云古圓字本作圜或作圓綦
母氏錢神論體圓應乾孔方效地魯贍足方今李固傳
褻錢神論故使內方象地外圓象天方今之
事復同于前任昉啟陞下弘壞冶一陶財不期而豐美
宣教義非求效于方今也
壞鋪枚切音與被同瓦未燒也崔駰達音壞陰陽為炭
冶一陶注土器未燒郭璞爾雅注銘物之始

道已長於泰交

賈誼傳天地為鑪造化為工陰陽為炭萬物為銅師古曰以冶鑄為喻餘見前

豐泰卦名撫於五辰

尚書撫于五辰庶績其凝斂是百福尚書皇建其有極斂時五福

某空糜囊俸

東方朔傳朱儒長三尺餘奉一囊粟錢二百四十臣朔長九尺餘亦奉一囊粟錢二

百四猶綴索班

東坡詩他日許綴蓬萊班又豈意彤庭綴兩班誤出山林聚鐵

已難於鑄錯

語林哀帝時魏博羅紹威以牙兵之逼召朱全忠全忠殪八千餘家其餘攻討悉平

全忠留魏半年紹威供億所殺牛羊豕近七十萬資糧稱是所賂遺又近百萬比全忠之去蓄積為之一空紹

威雖除其禍而魏兵自是衰弱紹威悔之謂人曰合六州四十三縣鐵不能為此錯也東坡詩不知幾州鐵鑄

此一頌成椒栢磨鉛聊具於報章

風俗記正旦楚人上松栢頌荆楚歲時記

正月一日進椒栢酒四民月令元日進椒栢酒椒是玉
衡星精服之令人身輕能老栢是仙藥成公綏椒花銘
曰肇惟歲首月正元日厥味惟珍蠲除百疾晉劉臻妻
元日獻椒花頌曰美哉靈花爰採爰獻聖容暎之永壽
千萬庾信詩栢酒隨銘至唐元日恩賜栢樹應制趙彥
超詩器乏雕梁器材非構厦材但將千載葉常奉萬年
杯李乂詩勁節凌冬勁苦心待歲芳偏令人益壽非止
麝含香武平一詩綠葉迎春綠寒枝歷歲寒願持栢葉
壽長奉萬年歡鉛金傳切說文青金也錫之類古用以
書西京雜記楊子雲好事常懷鉛提槩從諸討吏訪殊
方絕域四方之語以為裨
補詩雖則七襄不成報章

代回周馬帥虎

正月始和光轉崇蘭之畹

宋玉招魂光風轉蕙汎崇蘭
些光風謂雨止日出而草木

之光因風而轉也崇蘭高蘭也汎搖動貌屈原離騷經
余旣滋蘭之九畹兮又樹蕙之百畝畹委遠切說文田

二十畹也韻會田三十畹曰元戎小隊暖生細柳之營
畹楚辭王逸注田十二畝

杜詩元戎小隊出郊坰問柳隨花到野亭恭惟某官克
周亞夫傳以河內守亞夫為將軍軍細柳

壯其猷詩方叔元老克壯其猷共武之服詩有嚴有翼
注能光大其軍謀之道

注共如字言師之羣帥有威嚴者東風解凍知挾纈於
有恭敬者共典是兵事文武皆備

雲屯左傳楚子伐蕭申公巫臣曰師人多寒王巡三軍
拊而勉之三軍之士皆如挾纈纈苦謗切說文絮

也廣韻細綿也小爾雅絮之細者禮記纈為繭注云謂
今之新綿也張華詩挾纈如懷冰列子望若雲屯杜詩

王有虎臣司苑門入門天廡皆雲屯李詩西秦百萬衆
戈甲猶雲屯又劍閣重關蜀北門上皇歸馬若雲屯

北斗回杓即出綸於天陞

說文杓斗柄也徐曰北斗之柄第一星取此為名猶標也

晉天文志魁四星為璇璣杓三星為玉衡

某濫持荷索莫捧椒觴

見玉漏聲

長行或聯於朝著

張衡漏水轉渾天儀制曰以銅為器再疊差置實以清水下各開孔以玉

虬吐漏水入兩壺右為夜左為晝北堂書鈔銅渾設象五漏授時唐岑義詩銜歡不覺銀河曙更盡那知玉漏

稀

金印斗大願益楸於勲名

周顓傳今年殺諸賊奴取金印如斗大繫肘

賀李提刑

錫○錫他浪切音儻

重光單闕載新一歲之元

爾雅太歲在辛曰重光在卯曰單闕玉燭寶典正月一日

為元日亦云三元歲之元時之元月之元

五善六條誕布九重之意

左傳穆叔曰臣

聞之訪問于善為咨咨親為詢咨禮為度咨事為訊咨
難為謀臣獲五善敗不重拜漢武帝元封五年初置部
刺史掌奉詔條察州治一條強宗豪右田宅踰制以強
凌弱以眾暴寡二條二千石不奉詔書遵承典制倍公
向私旁詔守利侵漁百姓聚斂為奸三條二千石不卹
疑獄風厲殺人怒則任刑喜則淫賞煩擾刻暴剝截黎
元為百姓所疾山崩石裂詆詳訛言四條二千石選署
不平苟阿所愛蔽賢寵頑五條二千石子弟恃怙榮勢
請託所監六條二千石違公下比阿附豪強通行賄賂
割損正令也後周蘇綽六條定心志敦教化盡地利權
賢良卹獄訟均賦役唐貞觀中以六條黜陟天下沈隱
侯集振采六條觀風萬里離騷君之門九重天問園則
九重孰與時偕極易元龍有悔與時偕何福不臻恭惟
營度之極注與時運俱終極

某官德配春融氣排冬凜偏儀兵衛之畫戟

韋蘇州詩
兵衛森畫

戰宴寢凝清香

出當霄漢之繡衣

杜詩繡衣春當霄漢立綵服日向庭闈趨

皇皇者

華遣使臣喚起曲肱之夢

詩皇皇者華君之遣使臣也山谷詩為公喚起黃州夢

行行且止避御史適觀直指之威

桓典傳拜侍御史是時宦官秉權典執政

無所回避常乘驄馬京師畏憚為之語曰行行且止避驄馬御史武帝紀遣直指使者暴勝之等衣繡衣杖斧

分部逐捕仁風梅放以柳舒

晉書袁宏傳宏自吏部郎出為東陽太守謝安欲以率迫試之

臨別取一扇授之曰聊以贈行宏應聲答曰輒當奉揚

仁風轉高湘詩千里仁風一扇清駱賓王啟和氣竹苞

仁風飄十地之雄惠露灑二天之渥餘見前

而松茂劉向傳和氣致祥某自憐苦李

王戎傳嘗與羣兒戲於道側見

李樹多實等輩競趨之戎獨不往或問其故曰樹在道
邊而多子必苦李也取之信然東坡詩顧我如苦李全
生依獲掃甘棠我有二天正託故人之庇蘇章傳順帝
時遷冀州刺

史故人為清河太守章行部按其姦賊乃請太守為設
酒肴陳平生之好太守喜曰人皆有一天我獨有二天
章曰今夕蘇孺文與故人飲者私恩也明日冀州刺史
案事者公法也遂舉正其罪州境知章無私望風畏服

士更三日尚希舊儒之思

江表傳初孫權謂呂蒙及蔣
欽曰卿今並當塗掌事宜學

問以自開益蒙曰在軍中常苦多務恐不容復讀書權
曰孤豈欲卿治經為博士耶但令涉獵見往事耳蒙始
就學篤志不倦其所覽見舊儒不勝後魯肅過蒙言論
常欲受屈肅撫蒙背曰吾謂大弟但有武畧耳至于今
者學識英博非復吳下阿蒙蒙曰士別三日
即更刮目相待大兄今論何一稱穰侯乎

代董侍郎賀周提刑

青帝執規驗三陽之引達

尚書緯春為青帝漢書東方之神太皞乘震執圓司規律

歷志春蠡也物蠡生乃動運木曲直仁者生者圓故為規也律歷志引達於寅

繡衣持斧新

六轡之光華

見前

諒對端辰

玉燭寶典正月為端月其一日為元日

益裒純

嘏

裒蒲侯切爾雅聚也多也疏云聚之多也嘏舉下切說文大遠也又果五切詩天錫公純嘏又俾緝熙于

純嘏遠大之福

恭惟某官氣鍾溫厚

禮記天地溫厚之氣始于東北而盛于東南此天地

之盛德氣也此天地之仁氣也

德尚和同

老子和其光同其塵注言雖有獨見之明當如闇昧不當

以曜亂人也當與衆庶同垢塵不當自殊別

苞栩逶遲又逢梅於嶺驛

詩四牡騤

騑周道逶遲豈不懷歸王事靡盬我心傷悲又翩翩者
騅載飛載下集于苞栩王事靡盬不遑將父荊州記陸
凱與范曄相善自江南寄梅一枝詣長安與曄并贈詩
曰折梅逢驛使寄與隴頭人江南無所有聊贈一枝春

甘棠蔽芾還鞠草於園扉

見前

佇有召除亟登要近某罔

功分閫

謝安傳贊任總中臺效彰分閫白帖衛霍寄重旌分閫外之憂杜詩分閫救世用賢豪

有

幸為僚對天地交泰之時當馳善頌

易天地交泰后以裁成天地之道輔

相天地之宜以左右民又先王以茂對時育萬物疏對當也言先王以此无妄盛事當其无妄之時育養萬物也

體官師相規之義正賴協恭

尚書每歲孟春道人以木鐸徇于道路官師相

規工執藝
事以諫

賀提刑

六螭迴轄日又出於岵夷

淮南子爰止義和爰息六螭是謂懸車注日乘車駕六螭

以義和御之日至此而薄於虞泉義和至此而回六螭轄音黠說文車聲也一曰車鍵也尚書分命義仲宅岵

夷曰岵谷寅寅出日

四牡載馳春徧行於湘水

杜詩夜醉長沙酒曉行湘水春端

陽既達純嘏其衷

見前

恭惟某官稟氣中和與時消息

月令

注陽生為息陰死為消莊子消息盈虛一晦一明

皇華原隰之上暫偕平反

反字

表切漢書錄囚平反之謂舉治罪人也增韻理正幽枉也萬不疑傳不疑有所平反活幾何人如淳曰反音幡幡奏使從輕也史記平準書杜周治之獄少平反者通作幡漢書張歐傳上具獄事可卻卻之注退令更平幡

之清切雨露之邊即司獻納

杜詩獻納司存雨露
邊地分清切任才賢

某濫

陪結綬

說文綬韍維也應劭漢書儀曰綬長一丈二尺
法十二月廣三寸法天地人此佩印之組也古

者佩玉有韍五代戰兵解去綬佩留其係璉徐廣曰今
名璉為璉秦以系組連結于璉轉相結受故謂之綬史

記蔡澤傳懷黃金之印結紫綬於要蕭育傳少與陳咸
朱博為友著聞當世往者有王陽貢禹故長安語曰蕭

朱結綬王貢彈冠
言其相薦達也

莫獲稱觴霆聲發榮共擊洲之宿莽

說文霆雷餘聲也鈴鈴所以挺出萬物徐曰陰陽相薄
而為雷激而為霆霹靂也爾雅疾雷謂之霆詩如雷如
霆尚書洪範五行傳正月雷微動而雅雅初學記易曰
雷出地奮豫雷者所以開發萌芽辟除災害萬物須雷
而解故曰雷以動之莽叶滿補切宿草也屈原離騷經
朝搴阰之木蘭兮夕攬洲之宿莽注冬生不死者爾雅

釋草云卷薜草拔心不死注
云宿草也擊亦作牽挽也

星言夙駕願總轡於扶桑

詩星言夙駕說于桑田注星雨止見星夙早也屈原離騷經飲余馬於咸池兮總余轡乎扶桑淮南子曰出於陽谷浴於咸池拂於扶桑是謂晨明登于扶桑之上爰始將行是謂朏明王充論衡儒者論日且出扶桑暮入地細柳扶桑東方之地細柳西方之地

賀游提刑

侶○宋史游似字景仁嘉定十四年進士歷官大理司直大理寺丞大常丞權

兵部郎官秘書丞權考功郎中直秘閣夔路轉運判官潼川提點刑獄兼提舉常平軍器監宗正少卿權樞密都丞告兼侍讀權禮部侍郎兼同修國史實錄院同修撰權禮部尚書遷吏部尚書入侍經幄嘉熙三年拜端明殿學士同簽書樞密院事封南充縣伯八月拜參知政事四年知樞密院事

淳祐四年進爵郡公五年拜右丞相兼樞密使七年進爵國公十一年轉兩官致仕薨特贈少師謚清獻楊用修藝林伐山云游景仁廣安人南渡四賢相之一也有黃鶴樓詩云長江巨浪拍天浮城郭相望萬景收漢水北吞雲夢入蜀江西帶洞庭流角聲交送千家月帆影中分兩岸秋黃鶴樓高人不見却隨鸚鵡過汀洲

九十春光稱霄漢繡衣之立

杜牧詩九十春光在何處古人今人留不住東坡詩

餘九十日春都過了梅聖俞詩九十日春猶幾日王維詩纔見春光生綺陌又尋逐春光著處迷杜詩繡衣春

當霄三十夏辟補日月黃道之明

書序呂命穆王訓夏漢立

作書訓暢夏禹贖刑之法尚書五刑之屬三千辟必益切法志夏后氏之王天下也則五刑之屬三千辟必益切

說文法也從下從辛節制其卑也從口用法者也漢刑法志夏有亂政而作禹刑商有亂政而作湯刑周有亂政而作九刑三辟之作皆叔世也補疑當作輔漢天文志日有中道月有九行中道者黃道一曰光道黑道二出黃道北赤道二出黃道南白道二出黃道西青道二出黃道東中興天文志曰黃道九道厥初本無是因日行而強名之日行曰黃道者黃色之中也黃道即中道也日道居中月五星循左右而行故曰道獨謂之黃月行青朱白黑道各兼黃道而言故又謂之九道也蓋日月之行有遲有速難以一術御故因其合散分為數段每段以一色名之欲以別筭位而已歷家不知其意遂以為實有九道甚可嗤也杜詩九天閶闔開黃道山谷詩賓日行黃道時哉泰內之亨尚書時哉不可失易泰又日月黃道明小往大來吉亨象曰內陽而外陰內健而外天只咸中之慶只音紙說文語已順內君子而外小人詞也從口象氣于

引之形郭忠恕佩觿云只字音止本無質音今讀若質俗所音也詩母也天只餘見本卷代回大理趙少卿條

恭惟某官臯陶明允

尚書帝曰臯陶汝作士五刑有服五服三就五流有宅五宅三居惟

明克世叔討論

世叔游吉也即子大叔

發白獸之樽尚存諫紙

榮

緒晉書元會設白獸樽於殿上樽蓋上施白獸若有能獻直言者則發此樽飲酒按禮曰白獸樽乃杜舉之遺

式為獸監後世所為示不忌憚也白氏長慶集僕為諫官月請諫紙樂天詩月慚諫紙二百張元稹詩榮班

錦繡諫紙賜賤藤

拜碧鷄之使暫擁節旌

王褒傳方士言益州有金馬碧鷄之寶可

祭祀致也宣帝使喪往祀焉杜詩何如碧鷄使把詔對紫微天旄說文幢也蘇武傳卧起操持節旄盡落

六龍迴日之標

太白蜀道難上有六龍迴日之高標下有衝波逆折之迴川

奏四牡

觀風之最

王莽傳遣使者分行天下覽觀風俗

脩鱗赴壑已知夕避於長

蛇

注見本卷賀黃制置條

召驛追鋒即作朝來之走馬

晉書輿服志追鋒車

去小平蓋加通憶如軺車駕二追鋒之名蓋取其迅速也施於戎乘之間是為傳乘魏志司馬望給追鋒車一

乘杜預傳給追鋒車第二駙馬盧欽傳給追鋒軺車詩來朝走馬

其一寒戍雪

范曄傳范曄一

寒如此哉杜詩西山白雪三城戍

獨冷漕冰

杜詩廣文先生官獨冷趙允國傳冰解漕下

旁

有一株儻鹿無言之苦李

韓詩平旦入西園梨花數株若矜夸旁有一株李顏色慘

慘自含嗟談叢王冷然上裴耀卿書拾遺補闕寧有種乎僕不佞亦相公一株之桃李也李廣傳贊桃李不言

下自成蹊罔兼度獄惟依所爰之甘棠

尚書文王罔攸兼於庶獄庶慎爰蒲撥切

說文舍也增韻草舍也詩蔽芾甘棠勿剪勿伐召伯所
爰箋云召伯聽男女之訟不重煩勞百姓止舍于甘棠
之下而聽斷焉

代回浙東譙提刑令憲

青帝執規屆始和之吉繡衣持斧裒滋至之休

俱見前恭

惟某官澄按日畿

白虎通京師者何謂也千里之邑號也法日月之徑千里類說拾遺帝畿

千里象日月徑

振揚風采

采比宰切通作彩說文文章也韻會文色也增韻精光也

漢書想聞風采又風

刑者儆也以待猾夏之姦

禮記刑者側也

側者成也一成而不可變故君子盡心焉注上刑是刑罰之刑下側是側體之側言刑罰之刑如人側體側體

是人之成就容貌容貌一成之後若以刀鋸鑿之斷者不可續死者不可生故云不可變尚書蠻夷猾夏寇賊

姦欲並生哉乃見先春之意

尚書書用識哉欲並生哉法言或曰為政先殺後教

曰嗚呼天先秋而後春乎將先春而後秋乎莊子尊卑先後天地之行也聖人取象焉春夏先秋冬後四時之序也風俗通義易稱天先春而後秋地先生而後凋日月先光而後幽是王者則之亦先教而後刑三皇結繩五帝畫像三王肉刑五霸黜刑此言步驟稍有優劣也

君使如此福履綏之

詩樂只君

子福履其濫司白雲

杜氏通典黃帝雲師雲名注黃帝受命有雲瑞故以雲紀事春官為

青雲夏官為縉雲秋官為白雲冬官為黑雲中官為黃雲也黃帝有景雲之應因以名師與官也裴復除制俾踐白雲猶趨紫禁

謝莊文搖彩瑤光收華紫禁駱賓王詩紫禁終難叫朱門不易排杜詩青

春復隨冠冕入紫禁正耐煙花繞

履端於始未諧杜老之盍簪

少陵杜位宅守

歲詩盍簪喧

式遄其歸敢後臯陶之拜手

詩仲山甫祖齊式遄其歸

注遄疾也仲山有德周人愛之欲其用此壯健車馬疾其在路而早歸也尚書臯陶拜手稽首颺言曰念哉

代回江東葉提刑

箴

青帝執規兆三陽之泰繡衣持斧賓百祿之升

俱詳前

恭

惟某官德體冲和

冲持中切和也列子輕清者上為天濁重者下為地冲和氣者為人文遜

茂德淵冲氣鍾温厚

禮記天地温厚之氣始于東北而盛於東南此天地之盛德氣也此天地之仁

氣也勾萌畢出想茂鞠於圉扉

禮記生氣方盛陽氣發泄勾者畢出萌者盡達文選

鞠茂草于園
扉詳見前

楊柳方華應勞旋於壯轡

夏小正曰正月柳穉梅杏抱桃

則華穉者發華也伍緝之春芳詩桃柳發華榮丹綠繁郊邑詩序四壯勞使臣之來也

一和所園

多祉是宜

詩既多受祉

某濫綴朝行

行寒剛切列也韓詩持狀為博士始獲升朝行

阻陪賀列雲鴻江鯉輒傾削牘之恭

李詩寄書訪衡嶠但與南飛鴻岑參

詩水底鯉魚幸無數願君別後垂尺素周弘讓復王褒書蒼鴈顧鯉時傳尺素清風明月俱寄相思

歷馬

林鷄尤切盍簪之願

少陵守歲詩盍簪喧檻馬列炬散林鷄詳見前

代衛參政賀林提舉

行知

六螭御日厯正義岫

淮南子爰止義和爰息六螭廣雅日御曰義和尚書分命義仲宅岫

昋曰陽谷

四牡觀風春回楚澤

司馬相如傳楚有七澤韓詩迎我出秦關送我

入楚澤

其在皇皇之轡宜膺嘒嘒之祺

禮樂志羣生嘒嘒惟春之祺詳見前

恭惟某官政得陽和氣排冬凜

見前

周爰咨度使星已驗

於回天

度入聲詩載馳驅周爰咨度李邵傳有二使星向益州分野詳見前禮記日窮於次月窮於

紀星回于天數將幾終正義曰星回于天者謂二十八宿隨天而行每日雖周天一而早晚不同至于此月復

其故處與去年季冬早胡不均弘卿月無勞於閱歲

韓文

晚相似故曰星回于天胡不均弘卿月無勞於閱歲

與

時借極何福不臻

俱見前

某濫守竹符阻持椒斚籥周一

甲極知媿見于葦桃

籥也約切樂之竹管三孔以和衆聲也釋名籥躍也氣躍而出古者

取郊地之竹以爲籥春分之音萬物振躍而出也東坡集屢更歲籥歲華紀麗傳云歲在星紀而淫于玄枵注

云謂天有十二辰歲星一年一周行運也餘見前

盤借五辛尚託味同之草木

周處風土記元日造五辛盤月正元日五薰鍊形注云五辛所以發五臟之氣莊子所謂春月飲酒茹葱以通五臟也爾雅翼云西方以大蒜小蒜興渠蔥荳蔻葱爲五葷道家以韭蒜芸薹胡荽薤爲五葷左傳今譬草木寡人在君君之臭味也又譬諸草木吾臭味也而何敢差池

賀趙提舉

汝談○乙酉○宋史趙汝談字履常生而穎悟登淳熙十一年進士第丞相周

必大得其文異之曰是子他日有大名于世嘗從朱熹訂疑義十數條熹嗟異之佐丞相趙汝愚定

大策汝愚驟欲以詞掖處之力辭去汝愚去國具
弟汝讜疏留汝愚請斬韓侂冑聞者吐舌兄弟罹
黨禍斥去以李壁薦召試館職擢正字時吳曦叛
或請以曦為王者汝談曰是可斬也其人面赤不
能對通判嘉興府時金人內變令獻料敵備邊二
策其言悲驗若蓍龜歷湖北江西提舉常平授江
西轉運判官辭不獲命之官一月以言者罷先是
汝談因疾去官言者謂其傲睨軒冕不樂為世用
至是史彌遠不與祠廼杜門著述端平初以禮部
郎官召入對改秘書少監權直學士院時集議出
師汝談反復言不可輕戰而和尤非計既而三京
收復雖前言用兵不便者亦喜汝談獨有憂色未
幾洛師敗朝論始服其先見遷宗正少卿兼編修
國史檢討實錄兼崇政殿說書權直學士院時升侍
讀兼直學士院兼同修國史院同修撰歷官刑部
尚書汝談天資絕人沈思高識自少至老無一日

去書冊所著有易詩書論語孟子周禮禮記荀子
莊子通鑑杜詩注○按乙酉為宋理宗寶慶元年

梅亭時年

五十二

春王三朝元加於歲

春秋隱公元年春王正月公羊傳
元年者何君之始年也春者何歲

之始也王者孰謂謂文王也曷為先言王而後言正月
王正月也何言乎王正月大一統也孔光傳歲之朝曰
三朝師古曰歲之朝月之朝日之朝故曰三朝董仲舒
傳一者物之所從始也元者辭之所謂大也謂一為元
者視大始而欲正本
也是年乾道改元使臣五善帝降之祥尚書作善降
之百祥餘見

前諒當道長之辰

易泰君子道長
小人道消也

即副公歸之望

詩是
以有

袞衣兮無以我公歸
兮無使我心悲兮

恭惟某官小宗繼別

禮記別子為
祖繼別為宗

繼禰者為小宗。疏別子為祖者，謂諸侯適子之弟別於正適，故稱別子也。為祖者，別與後世為始祖，謂此別子子孫為卿大夫立此別子為世祖也。繼別為宗者，謂別子之世世長子相繼別子與族人為百世不遷之大宗。繼禰為小宗者，禰謂別子之庶子以庶子所生長子繼此庶子與兄弟為小宗，謂之小宗者，以其五世則遷比大宗為小故也。大雅不羣，景十三王傳贊夫唯大雅卓氣云小宗也。爾不羣河間獻王近之矣。

貫斗牛久鬱長庚之焰

張華傳吳之未滅也，斗牛之間常有紫氣，吳平之後，紫氣愈明。

詳見前李陽冰草堂集序，驚姜之夕，長庚入夢，故生而名白以太白字之，世稱太白之精得之矣。韓詩李杜文章在光焰。

萬丈長

星回奎壁即吹大乙之燈

孝經援神契奎星屈曲相鉤似文章

之畫晉天文志東壁二星主文章天下圖書之秘府也李泌傳東壁圖書之府王子年拾遺記劉向校書天祿

閣夜有老人植青藜杖扣閣而進見向暗中讀書乃吹杖端爛然大明因以照向向問姓名云我是太乙之精乃授懷中天文地行將繫麟趾之風詩序風風也教也理之書詳見前

者之風故詎止詠鬼園之雪見本卷首條某密依樾蔭又見

桃符

見前

檻馬盍簪固已甘立仗之斥

新唐書姦臣傳補闕杜璉再上書言

政事斥為下邳令李林甫因以語動其餘曰明主在上羣臣將順不暇亦何所論君等獨不見立仗馬乎終日無聲而飲三品芻豆一鳴則則畫鷄貼戶詎更思失旦之

鳴

淮南子鷄知將旦鵠知夜半白帖鷄鳴戒旦則飄爾長征又早晨失旦吳志周瑜傳使失旦之鷄復得一

鳴抱罪之臣晨其後效魏武遜令諺曰失晨之鷄思補更鳴

代回福建陳提刑

鑄

歲罅於午肇頒玉厯之新

徒擊鼓謂之罅詩或歌或罅

孫炎云聲驚愕也律厯志罅布于午搜神記舜耕于厯山得玉厯於河際之巖知天命在己體道不倦晉書律

厯志黃帝作律以玉為管至舜時西王母獻昭華之管以玉為之及漢章帝時零陵文學奚景于冷道舜祠下

得白玉瑄武帝太康元年汲郡盜發魏襄王冢亦得玉律則古者以玉為管矣以玉者取其體含廉潤也張叔

良詩乘時玉厯長獨孤鉉詩玉厯頒窮律白樂天詩玉厯布春分元稹詩象魏纔頒厯又青陽振蟄初頒厯

物族乎寅密驗銅儀之轉

記孟春之月律中太族正月律名禮

律之管以銅為之中猶應也孟春氣至則太族之律應應謂吹灰也太族者林鍾之所生三分益一律長八寸

凡律空圍九分周語太族所以金奏贊陽出滯注言陽
氣太族達於上也說文寅贖也正月陽氣動去黃泉欲
上出陰尚彊象索不達贖寅於下也律歷志引達於寅
周禮注太族寅之氣正月建焉銅儀渾天儀也後漢明
帝紀登靈臺見史官正儀度注儀謂渾儀以銅為之王
者正天文之器和帝永元十五年詔造太史黃道銅儀
以正星辰之度隋志桓帝延熹七年維時膚使法言雖古
年太史令張衡更以銅製渾天儀之膚使其
猶劣諸注禮樂志惟泰元尊媼神蕃釐師古
膚美也曰泰元天也蕃多也釐福也言天
神至尊而地神多福也
蕃扶元反釐讀曰禧

恭惟某官德稟惠和政先仁恕

六條奉漢久司廉察之權

續通典魏謩疏曰韋長任膺廉使時長為觀察使崔鉉制

厯居廉鎮

七聚維閩咸服清平之教

周禮職方氏七閩注閩蠻之別也國

語曰閩半蠻矣疏言叔熊避難于濮蠻隨其俗如蠻人
從子從分爲七種故謂之七閩山谷詩維閩七聚落

泰來既驗

易泰小
往大來

節名不遐

禮記凡君名以三節
二節以走一節以趨

某進

旅莫陪鳴謙先辱

易鳴謙利用行師征邑
國泰節旅謙四卦名

送土牛之寒

氣願護衣篝

篝居侯切說文答也可熏衣徐曰以籠覆
火也山谷詩攬轡都城風露秋行臺無妾

護衣篝又柿葉鋪庭紅顆秋
薰爐沉水護衣篝餘見前

喧握馬之盍簪即迎詔綽

詳見
前

代回福建張提舉

聲道

陽春有脚驗正月之始和

開元遺事人謂宋璟為有脚
陽春言所至之處如陽春及

物也肆夏升歌肅使臣之拜善左傳穆叔如晉晉侯享之金奏肆夏之三不拜工歌

文王之三又不拜歌鹿鳴之三三拜韓獻子使行人子

貢問之對曰三夏天子所以享元侯也使臣弗敢與聞

文王兩君相見之樂也臣不敢及鹿鳴君所以嘉寡君

也敢不拜嘉四牡君所以勞使臣也敢不重拜皇皇者

華君教使臣曰必諮於周臣聞之訪問於善為咨咨親

為詢咨禮為度咨事為諏咨難為謀臣獲五善敢不重

拜肆夏樂章名周禮以鍾鼓奏九夏一曰王夏二曰肆

夏三曰昭夏四曰納夏五曰章夏六曰齊夏七曰族夏

八曰陔夏九曰騶夏肆夏單車所戾信陵君傳以單車代之何哉李陵答

蘇武書以單車之使適萬乘之虜龔遂傳單車獨行至

府張綱傳請單車之職魏裴潛拜代郡單車之部通典

自魏以來庶姓為州而無將軍者謂之單車刺史凡單

車刺史加督進一品都督進二品李頎詩所思但乘興

遠適唯

百福是道

道慈秋切詩敷政優優百祿是道毛傳適聚也又四國是道毛傳固也箋

云敝也正義曰訓為聚亦堅固之義

恭惟某官氣稟冲和詔行寬大

後漢書禮

儀志立春之日下寬大書曰制詔三公方春東作敬始慎微動作從之罪非殊死且勿案驗皆須麥秋退貪殘進柔良下當用者如故事侯霸傳霸明習故事條奏前世善政法度皆施行之每春下寬大之詔奉四時之令皆霸所建也

黃堂整暇新美蔭於甘棠

黃堂太守聽事之堂也亦謂之雄堂杜詩

為南陽太守請郭丹為功曹勅以丹署黃堂以為後去是也吳郡志今太守所居之宅即春中君之子為假君之殿也因數失火塗以雄黃故曰黃堂以壓火災左傳藥鍼曰日臣之使於楚也子重問晉國之勇臣對曰好以衆整曰又何如臣對曰好以暇今兩國治戎行人不使不可謂整臨事而食言不可謂暇蔭於禁切說文草

陰地徐曰草所庇也入陰景曰蔭荀子木成繡節光華蔭而衆鳥息焉莊子方得美蔭而忘其身

侈新榮於苞栩

三朝志金節隋制也黑漆竿上施圓盤周綴紅綜拂八層黃繡龍袋籠之詩序

皇皇者華君遣使臣也送之以禮樂言遠而有光輝也

有聞燕喜

詩吉甫燕喜既多受祉會

即鶯遷

鶯說文鳥也詩有鶯其羽詩傳鶯然有文章鳥羽文也詩伐木丁丁鳥鳴嚶嚶出自幽谷遷于

喬木蒯希逸詩龍門舊列金章貴鶯谷新遷碧落飛孟寧詩羣鶯共喜新遷木雙鳳皆當即入池某縻

身於朝莫面以賀杓攜龍角密占星駕之旋

詩星言夙駕餘見首

條氣轉鴻鈞會鬯天機之運

莊子天機不張淮南子而有以通於天機而不以貴

賤貧富勞逸失其志德杜詩人生貴是男丈夫重天機

代回福建趙運使

善宣

行夏之時撫辰熙績

尚書撫于五辰庶績其凝又允釐百工庶績咸熙

孟春之

月視履考祥

禮記孟春之月注孟長也日月之行一歲十二會聖王因其會而分之以為大數焉

觀斗所建命其四時此云孟春者日月會于娵訾而斗建寅之辰也易視履考祥其旋元吉王弼注禍福之祥生乎所履處履之極履道成矣故可視履而考祥也宜有休祺以勞華使勞郎到切詩神

所勞矣箋云猶言佑助詩序四牡勞使臣之來也又皇皇者華君遣使臣也送之以禮樂言遠而有光華也

恭惟某官德儀震動

魏相傳東方之神大皞乘震執規司春尚書大傳東方者動方也物

之動也何以謂之春春出也物之出故謂東方春也道協泰交易泰小往大來吉亨則是天地交而

萬物通也上下交而其志同也律轉東風添旌旗之和氣禮記孟春之月東風解凍

通卦驗立春條風至條風即東風杓回北斗聽綸綍之

也王升之詩東風轉節萬物爭揚杓回北斗聽綸綍之

新除說文杓斗柄也徐曰北斗之柄第一星取此為名杓猶標也史記天官書杓端有兩星攝提者直斗

柄所指以建時節某濫綴荷班阻稱椒罕雲鴻江鯉聊舒削牘

之私櫪馬林鵠會遂盍簪之願並見前

賀監司詳啟意蓋倅武岡時上湖南監司作湖南漕司在長沙故云雲墟

日月初躔星紀復回於赤奮躔澄延切說文踐也徐曰星之躔次星所履行也漢

律歷志日月初躔星之紀也孟康曰躔舍也二十八舍

列在西方日月行焉起于星紀而又周之猶四聲為官

四

紀也晉灼曰下言斗綱之端連貫營室織女之紀指牽牛之初以紀日月故曰星紀五星起其初日月起其中是謂天之綱紀也爾雅地天交泰雲虛益播於青陽道太歲在丑曰赤奮若

經長沙福地雲陽之墟可以隱居雲陽氏古仙人也雲陽山在攸縣即雲陽之墟一統志雲陽山在今恭陵州西十五里上有七峯曰偃霞紫微石柱白蓮隱形五陽石耳又有百靈闕真仙洞玉華洞赤松壇般若巖之類湘中記雲陽之墟可以避世隱居爾雅春為青陽一曰發生郭璞詩青陽暢和氣谷風穆以溫時維六

轡之華茂緝百嘉之慶恭惟某官德潛剛克

尚書沉潛剛克孔傳

沉潛謂地雖柔亦有剛能出金石

道配陽休

禮記陽休玉色

繡斧旂旗暫勸楚

卿之農事

旂與旌通後漢百官志凡郡國皆掌治民常以春行所至縣勸民農桑振救乏絕左傳晉

卿不如楚其大夫則賢皆御材也禮記孟
春之月草木萌王命布農事命田舍東郊
瑶車玉軼還

逢湘水之孟陬

軼音大車軼也屈原離騷經為余駕飛龍兮離瑤象以為車屯余車其千乘兮

齊王軼而並馳又攝提貞于孟陬兮惟庚寅吾以降爾雅太歲在寅曰攝提格律恩志孟陬殄滅攝提失方孟

康曰攝提星名隨斗杓所指建十二月正月為孟陬仁風轉蕙以汎蘭

宋玉招魂仁風轉蕙

汎崇善類拔茅而連茹

易拔茅茹茹茅根也詳見前某三年黔佐

蘭些嗣傳不者黔中萬斛縹塵

陸機詩京洛多風塵素衣化縹為縹謝朓詩誰能久京洛縹

塵染破崖岸而為文丞詎復敢喧於櫪馬

韓文監田縣丞廳壁記盡

耕去牙角一攝故跡破崖岸而為之朱文公考異云方本無而字為之方作為文而讀連下句曰為文丞猶文

具也按文丞不成文理方說之辭類如瞻原隰之有華此梅亭與文公同時蓋未見定本也

使尚祈出送於土牛

後漢禮儀志季冬之月立土牛六頭於國都郡縣門外丑地以送寒

氣互

見前

賀諸司

庚寅○知榮州作○庚寅為理宗紹定三年梅亭時年五十七

庚寅孟陬六十齡之復見

說文齡年也古者謂年齡齒亦齡也禮記夢帝與我九齡

餘見甲子朔旦四五紀之罕逢

按宋史理宗紀紹定三年正月有甲申逆數前

十九日逢甲子是此年正月朔旦為甲子也漢律厯志迺以前厯上元泰初四千六百一十七歲至元封七年復得闕逢攝提格之歲中冬十一月甲子朔旦冬至日月在建星唐厯志治厯之本必推上元日月如合璧五

星如連珠夜半甲子朔旦冬至尚書四五紀其在皇皇
一曰歲二曰月三曰日四曰星辰五曰歷數

之華宜膺簡簡之福

注見此卷第三條

恭惟某官德潛天粹

法言

神在所潛而已矣天神天明照知四方天精天粹萬物作類注人以神明精粹經緯萬物政播民和

尚書百工播民和見士於周孔傳播率其民和悅

圓萬物以青規之仁厥臨孔

惠

詩孔惠孔時維其盡之

轉八荒於洪鈞之氣其泰大來

易泰小往大來

疏陰去故小往陽長故大來

盤既頌於椒花

杜詩椒盤已頌花詳見前

戶益蟠於

桃實

風俗通東海度朔山有大桃樹蟠屈三千里黃帝法而象之因立桃板於門戶上初學記造桃板著

戶謂之仙某得州斗絕

竇融傳河西斗絕在羌胡中注斗峻絕也前書曰成山斗入海

山谷詩莫嫌觸緒冰寒多且旨旨且多不敢貢茆柴之

釀詩魚麗于罍鱠鯊君子有酒旨且多魚麗于罍鱠鯊

年逐客卧江皋自與田工壓小糟飲慣茆柴諳苦硬不

知如蜜有香醪謂苦硬之酒如茆柴火易過也東坡詩

幾思壓茆柴注茆柴乃村落所釀薄熾而昌昌而熾但

酒也黃州人造私酒俗謂之壓茆柴熾而昌昌而熾但

知祝椿栢之祺詩俾爾熾而昌俾爾壽而臧俾爾昌而

千歲為春八千歲為秋抱朴子大谷頌猗惟深敷陳罔

既
代回趙節使

春明退朝錄節度使無定員恩數與執政同初除鎖院降麻禮尤異焉神

宗以待宗室近屬外戚國壻年勞久次在外任除
殿帥始授此官亦止一員或有功勛顯著任帥守
於外及前宰執
拜者不輕授

厯起丁丑數合太初之元

武帝紀太初元年夏五月初

用夏正以正月為歲首故改年為太初也通鑑曰錄太
初元年彊圉赤奮若丁丑爾雅歲在丁曰彊圉在丑曰
赤奮若兒寬傳將起大

陬正庚寅慶在高陽之裔

正本

元注大元太初厯也

避廟諱離騷經帝高陽之苗裔兮朕皇考曰伯庸攝提
貞于孟陬兮惟庚寅吾以降高陽帝顓頊之號左傳高

陽氏有才子八人天
下之民謂之八愷

齊旌整暇

左傳欒鍼曰日臣之使
于楚也子重問晉國之

勇臣對曰好以衆整曰
又何如臣對曰好以暇

戩穀駢臻

戩音翦詩天保定爾
俾爾戩穀爾雅履戩

福也廣韻福祥也方恭惟某官大雅不羣在宗載考詩

言福祿謂之祓戲

湛

湛露斯在彼豐草厭厭夜飲在宗載考鄭箋載之言則

也考成也夜飲之禮在宗室同姓諸侯則成之於庶姓

其讓之

詠梁園之雪客至如雲

詩其從如

鑿齒國之冰

公歸有日

詩二之日鑿冰沖沖三之日納于凌陰孔疏

幽在雍州岐山之北

原隰之野

于漢屬右扶

風桐邑毛傳冰盛水腹則命振振公子詩麟之趾振振

取冰於山林

沖沖鑿冰之意

振振公子

公子毛傳振振

信厚也 堪堪春祺見此卷代衛參某自笑陳人東坡詩肯

政賀林提舉條

某自笑陳人

對紅裙

辭

白酒但愁新又逢新歲酌九霞之醕莫陪瓊瑤之賓

進笑陳人

又逢新歲酌

九霞之醕莫陪瓊瑤之賓

十

記崑崙山之上朱霞九光西王母之所治也王充論衡

河東蒲坂坂項曼都好道學仙去三年而返家人問其狀

都曰欲飲食仙人輒飲我以流霞每飲一杯數日不餓
揚雄甘泉賦吸青雲之流霞兮飲若木之露英神仙傳
許碣自稱高陽人也少為進士屢舉不第多游盧江嘗
醉吟曰閨苑花前是醉鄉誤餐王母九霞觴羣仙拍手
嫌輕脫謫向人間作酒狂好事者或詰之曰我天仙也
方在崑崙就宴失儀見謫人皆笑之後當春景把花作
舞上酒家樓醉歌昇雲飛去陳後主詩神仙定不及寧
用流霞杯醕寫與切增韻清也酒之沛者魏志王粲傳
汝南應瑒字德璉為五官將文學典論曰今之文人魯
國孔融廣陵陳琳山陽王粲北海徐幹陳留阮瑤汝南
應瑒東平劉楨斯七子於學無所遺於辭無所
假瑒弟璩字休璉博學善屬文善為書記文

對列仙

之圖願介松喬之壽

後漢書東平王蒼傳鴻臚奏遣諸
王歸國帝特留蒼賜以秘書列仙

圖隋經籍志漢時阮蒼作列仙圖集賢注記阮蒼仙圖
一卷列仙傳赤松子神農時雨師服水玉散教神農能

入火自燒至崑崙山西王母石室隨風雨上下炎帝少女追之亦得仙俱去高辛持為雨師王子喬者周靈王太子也好吹笙作鳳凰鳴游伊洛之間道士浮邱公接以上嵩山三十餘年後求之於山見桓良曰告我家七月七日待我於緋氏山頭果乘白鶴駐山嶺望之不到舉手謝時人數日而去後立祠於緋氏及嵩山

代回趙開府

師垂○南憲紀談魏黃權以車騎將軍開府儀同三司開府之名始此國

朝因唐節度使兼平章事號使相元豐定官制既罷同平章事遂以節制開府為使相而文武寄祿官亦存之

玉歷授時日始和於象闕

玉歷見此卷代回福建陳提刑條尚書歷象日月星辰敬

授人時周禮太宰正月之吉始和垂治象之法于象魏注鄭司農云闕也疏雉門之外兩觀易氏曰治之見于

象者為治象書治象之法者為象魏兩觀之垂治象者為魏闕莊子魏牟身在江海之上心居魏闕之下金

支胙土天益厚於龍先

白帖皇親金枝朱邸崔灝行路難君不見建章宮中金明枝萬

萬長條拂地垂古今注黃帝與蚩尤戰于涿鹿之野常有五色雲氣金枝玉葉止于帝上宋狀元蕭瑀峯詩名傳玉陛星晨曉澤霈金枝雨露春蓋是榜本趙忠定公為狀元故事設科以待草茅凡預屬籍桂仕版者法當避避遂陞蕭為榜首故云魏志潘勗冊魏公九錫文先王並建明德胙之以土分之以民崇其寵章備其禮物詩既見君子為龍為光毛傳龍寵也疏為君所寵遇為君所光榮

恭惟某官按路崇勲

宗藩令德棟華華華增光伯仲之聯

詩伯氏吹璫仲氏吹箎注伯仲喻見

弟也韓音偉說文盛也詩常瓜徙縣縣襲慶神明之壽棟之華鄂不韡韡注光明也

詩縣縣瓜瓞箋瓜之本實繼先歲之瓜必小狀似瓞故謂之瓞縣縣然若將無長大時左傳古我先王賴其利器用也與其神明之後也注舜大聖故稱神明宜從穀旦詩穀旦于差南益衍也注舜大聖故稱神明

叢祥其濫綴荷行阻稱椒罕夏正人統已孚草木之和

檀弓疏夏以建寅之月為正者為人統陳寵傳十二月陽氣已至天地已交萬物皆出蟄蟲始振人以為正夏以為春禮記孟春之月天地和同草木萌動周以宗強願介椿松之壽諸侯

昔周監于二代三聖制法立爵五等封國八百同姓五十有餘詩曰介人維藩大師維垣大邦維屏大宗維翰懷德維寧宗子維城所以親親賢賢深根固本為不可拔者也

代回建康莊都統

松○建康為楚金陵邑楚威王以其地有王氣埋金鎮之故曰

金陵或曰以其地接華陽金壇之陵秦改曰秣陵
屬鄣郡漢改鄣郡為丹陽郡吳大帝自京口徙此
因改為建業晉武帝改為秣陵又分秣陵北為建
業改業為鄴後避愍帝諱改為建康東晉元帝渡
江復都焉又為丹陽郡宋齊梁陳因之隋廢郡更
於石頭城置蔣州唐為揚州置江寧為潤州屬縣
後改為昇州偽吳改為江寧府宋復為昇州仁宗
以昇王建國復陞江寧府建康軍節度○朝野雜
記晉武帝有河西大都統國朝詩軍都統制者自
渡江已前亦有之然未為官稱蓋是時陝西河東
三路皆以武臣職高有智者為馬步軍副都總管
遇出師征討則加以都總制軍馬之名猶今節制
軍馬之稱非有司分也建炎元年置御營司遂
擢王襄愍淵為都統制都統制名官自此始

歲開端月頓回寒谷之溫

初學記正月孟春亦曰開春
歲玉燭寶典正月為端月

入和門益壯長江之重

詳見本卷代回淮西趙總領條

恭惟某官戎昭

果毅

左傳戎昭果毅以聽之之謂禮殺敵為果致果為毅易之戮也戎兵事也昭明果敢也毅必行也聽

從也言兵戎之事明此果毅以從之之謂禮

剛克沉潛

尚書沉潛剛克

千里運籌令

肅蟠花之甲

高帝紀運籌帷幄之中制勝千里之外蟠通作盤劉鄩趙都賦詰曲縈盤宋曹翰詩

庭前昨夜秋風起羞觀盤花舊戰袍

三軍挾纊暖生細柳之營

見本卷代回周馬帥

條

交泰大來

見上賀諸司條

在師中吉

易在師中吉无咎象曰在師中吉承天寵也疏

以劉居中而應于五是在師中吉也

某無由叙賀猥辱貽箋草木知其威

名諒深自愛

張萬福傳德宗以萬福為濠州刺史名謂曰先帝改爾名者正所以褒也朕謂江淮

草木亦知爾威名若從所改恐賊不曉是卿
也復賜舊名萬福山谷詩塞上威名草木知
葦桃襍夫

惡氣願對殊休

注見首條

賀薛太守

師旦○乙酉○乙酉
為理宗寶慶元年

乞漿得酒之占歲仍在酉

袁子正論歲在申酉乞漿
得酒歲在辰巳嫁妻賣子轉

璣窺衡之驗斗又建寅

尚書在璿璣玉衡以齊七政蔡
邕云玉衡長八尺孔徑一寸下

端望之以視星晨蓋垂璣以象天而衡望之轉璣窺
衡以知星宿歲華紀麗正月律中大簇斗建寅位幸

惠仁侯

韓文今天
幸惠仁侯

永膺多福

尚書予小子
永膺多福

恭惟某官氣

鍾溫厚

見政布中
前

和

王褒傳使褒作中和樂職宣布詩
師古曰中和者言政治和平也宣

布者風化普洽無所不被有脚陽春享人生五馬之貴杜詩人生五馬貴莫受二

毛侵細瓊廣廈佇河東三鳳之來王吉傳廣夏之下細旗之上師古曰廣夏大屋

也旃與瓊同新唐書薛收傳薛元敬隋選部郎邁之子與收及族兄德音齊名世稱河東三鳳收為長離德音

為驚驚元敬年暫凝畫戟之香見即簇青旗之仗簇千

聚也攢也漢立春之日迎春于東郊車旗服飾皆青杜詩畫刻傳呼淺春旗簇仗齊山谷詩春騎簇昭亭某

陳人何用前見新尹馬依杜詩酒酣誇新尹蓄眼未見有

舊綴荀班固已借天街之潤東坡詩豈意彤庭綴兩班山谷詩不立東風玉荀班

韓退之早春詩天街小雨潤如酥草色遙看近却無最是一年春好處絕勝花柳滿皇都茲鋤菜把

詎敢忘地主之恩

少陵園官送蒙詩清晨蒙菜把常荷地主恩

賀婺州趙守

善下

玉厯導和氣已諧於簇達

拾遺記黃帝吹玉律正璇衡大戴禮孔子曰舜以天德嗣

堯西王母來獻白瑱淮南子堯得舜推而尊之贈以昭華之玉而傳天下西京雜記高祖初入咸陽周行府庫

有白玉瑱長二尺三寸二十六孔隋志梁武帝鍾律緯稱主衣從上相承有周時銅尺一枚古玉律八枚李元

標詩銅渾變秋節玉律動春灰律志位璇源襲慶祿益子丑太族族奏也氣大奏地而達物也

厚於瓜縣

顧延年詩玉水記方流璇源載圖折餘見上代回趙開府條

與國同休哀

時多祉恭惟某官飛英宗邸

邸典禮切說文屬國舍徐曰諸侯來朝所舍曰邸師

古曰漢制郡國朝宿之舍在京師者率名邸邸至也言所歸至也謝朓箋朱邸方開效蓬心於秋實陸泉棟王

制分以白茅賦政价藩詩賦政於外四方爰發近尺五錫其朱邸

之天旂旗有爛杜詩爾家最近魁三象時論同歸尺五天自注俚語曰城南韋杜去天尺五旂

本作旌浴盈切說文游車載旌析羽注旌首所以精進士卒爛郎盱切明也詩爛其盈門箋云爛爛絜然鮮明

且衆多方千里之地襦袴已溫某濫綴素班阻趨戟衛之貌

並見三朝受四海之籍肇歲上儀班固東都賦春王三朝會同漢京天子受

四方之圖籍膺八荒轉一氣之鈞佇觀歸衮詩是以有萬國之貢珍衮衣兮無

以我公歸兮

賀永州陳守

時○永州秦屬長沙郡漢分置零陵郡屬荊州蜀先主既得益州乃分荊

州之湘水為界長沙江夏桂陽以東屬吳南郡零陵武陵以西屬蜀及關羽敗零陵屬吳孫皓分零陵南郡為始安郡分北部為邵陵郡晉穆帝分零陵立營陽郡南齊為零陵郡隋置永州五季後周時宋藝祖以勝敵雋加永州防禦使開社發祥實由此邦有若漢之豐沛唐之晉陽也

戊巳日月之樞氣交離坎

律歷志太極元氣豐茂於戊理紀于巳戊巳中位故曰日

月之樞周髀冬至從坎陽在子日出巽而入坤夏至從離陰在午日出艮而入乾

子丑天地之

紀喜溢乾坤

禮弓疏周以建子之月為正者謂之天統商以建丑之月為正者謂之地統

况

行湘水之春

杜詩曉行湘水春

宜有魯人之頌

詩序駉頌僖公也僖公能遵伯

禽之法儉以足用寬以愛民務農重穀牧于坳野魯恭人尊之於是季孫行父請命於周而史克作是頌

惟某官令修王正

春秋春王正月

政布民和

見前

奏寬大之書盡

解東方之凍

宣帝黃龍元年詔曰數申詔公卿大夫務行寬大成帝鴻嘉四年正月詔數敕有司

務行寬大禁苛暴漢紀杜周嘗冬獄未竟會立春有寬大令互見前

反離騷之賦遂開南

嶽之雲

揚雄傳恠屈原文過相如至不容作離騷自投江而死悲其文讀之未嘗不流涕也迺作書往

往撫離騷文而反之自嶠山投諸江流以弔屈原名曰反離騷東坡韓文公廟碑公之精誠能開衡山之雲而

不能回憲宗

攝提既正於孟陬

見前

耆老爭祈於萬石

柳子

厚永州萬石亭記耆老言曰懿夫公之名亭也公嘗六為二千石既盈其數漢之三公秩號萬石我公之德宜

受茲錫漢有禮臣惟萬石君我公之化始于閨
門道合于古祐之自天野夫獻辭公壽萬年
其一來

黔鄙

柳文巫黔東鄙

再見青陽

爾雅春為青陽

德不孤必有鄰願終垂

於樾蔭

見前

壽維祺以介福愧莫捧於椒花

詩壽考維祺以介景福箋

介勁也養老人而得吉所以助大福也

代回常州王宮教

遇○常州吳地延陵季子之采邑也秦置會稽郡延陵等四縣

屬焉漢改延陵為毘陵縣東漢屬吳郡晉為毘陵郡又諱毘改晉陵隋於蘇州常熟縣置常州唐因之宋仍為常州領縣四治晉陵武進屬浙西路今為府改江陰軍為縣隸焉又分江陰地為靖江縣

治馬馱沙

日出岵夷歷紀孟陬之月

尚書分命義仲宅岵夷曰岵谷寅寅出日注岵海岵也夷

萊夷也史記作禺錢爾雅正月為陬離騷經攝提貞于孟陬

春回陽羨祥開刺史之

天

陽羨古城在今宜興縣治南一名蝦虎城與地志吳越間謂荆為楚秦以子名楚遂改荆溪為陽羨唐初

析義興置陽羨臨津二縣尋省趙嘏詩尋花偶坐將軍樹飲水方開刺史天東坡詩一見刺史天

恭惟

某官德體震亨

易震亨震來虩虩恐致福也疏由懼而獲通所以震有亨德

道隨泰

長將明賑貸之議猶已饑民

漢刑法志有司無仲山甫將明之材師古曰詩云甫

肅王命仲山父將之邦國若否仲山父明之將行也否不善也言王有詰命則仲山父行之邦國有不善之書

則仲山父明之故引以為美傷今之不能然也文帝紀詔曰方春和時草木羣生之物皆有以自樂而吾百姓

鰥寡孤獨窮困之人或陷於死亡而莫之憂省為民父母將何如其議所以振貸之師古曰振起也為給貸之今其存立也諸振贍其義皆奉行寬大之書自今有歲

詩自今伊始歲其有君子有鴻鈞一轉驛名載馳某久穀詒孫子于胥樂分餘見前

矣凋年

鮑照詩窮陰殺草急景凋年

見此芳歲

梁元帝纂要孟春曰芳歲華歲變則

通通則久願體君子之四時

繫辭易窮則變變則通則久是以自天祐之吉无

不利左傳子產曰君子有四時朝以聽政晝以訪問夕以修令夜以安身

仁者生生者圉茂

享太平之五福

魏相傳東方之神太昊乘震執規司春張晏曰木為仁仁者生生者圉故為規

律歷志春蠡也物春生迺運動木曲直仁者生生者圉故為規也詩序既醉太平也疏謂四方寧靜而無事此

則事之大者故謂太平也詩介爾景福鄭箋謂五福也
孔疏云福者備也備者大順之摠名既醉福事數備于
五君子萬年壽也天被爾祿富也室家之壺康寧也
昭明有融攸好德也高朗令終景命有僕考終命也

代回安豐史守

天錫○安豐軍即今鳳陽府壽州
春秋為六蓼國後屬楚楚考烈王

自陳徙都壽春命曰郢秦漢屬九江郡東漢為揚
州刺史治所魏即安豐縣陞為郡晉為淮南郡治
壽春東晉為豫州刺史治所梁以壽陽為豫州隋
曰壽州唐玄宗改壽春郡後復為州後唐陞為順
化軍節度南唐改為清淮軍周平淮南徙壽州治
下蔡以清淮軍為忠正軍自此州治始在淮北而
舊州廢為壽春縣仍隸馬宋因之後
陞為壽春府紹興間陞安豐縣為軍

候一氣於葭莩曰為改歲

後漢書律歷志候氣之法為
室三重戶閉塗墁必周密布

緹縵室中以木為案每律各一內庫外高從其方位如
律其上以葭蓍灰抑其內端案厯而候之一氣至者灰
去晉志取弘農宜陽縣金門山竹為管河內葭蓍為灰
詩曰為改歲入此室處曰漢書作聿曰為改歲者以仲
冬陽氣始萌可以為年之始

望八公之草木更與頌春

八公山在今壽州東北五里肥水之北淮水之南漢淮
南王安與其賓客八公俱登此山學仙今山有安故臺
及石上有人馬跡晉謝玄禦苻堅陣肥水堅軍望草木
皆為旂旗即此山也謝玄暉和王著作八公詩云二別
阻漢坻雙嶠望河漢嶺復嶺分區奠淮服東限瑯
琊臺西距孟諸陸阡綿起雜樹檀藥蔭修竹日隱澗凝
空雲聚岫如復出沒眺樓雉遠近送春日戎州昔亂華
素景論伊穀貼危賴宗袞微管寄明牧長蛇因能翦奔
鯨自此曝道峻芳塵流業遙年運倏平生仰令圖吁嗟
命不淑浩蕩別親知連翩戒征軸再遠館娃宮兩去河

陽谷風煙四時犯霜雨期夜沐春秀良已凋秋塲庶
能築頌通作班崔駰傳乃強起班春注班布春令
恭

惟某官世濟壯猷

左傳世濟其美詩克壯其猷

躬行仁政地控壽陽

之阻莫重安豐

圖經古壽春在淮南自周世宗攻劉仁瞻於此惡其險遂徙壽州治於淮北下

蔡是安豐即古壽州劉禹錫寄揚壽州詩風獵紅旗入壽春滿城歌舞向朱輪八公山下清淮水千騎塵中白

面天銷固陰之凝已成交泰宜屬始和之吉

周禮正月之吉始和

布教于邦國都鄙詳見前

益臻諸福之祥

董仲舒傳諸福之物可致之祥莫不畢至

某欽

承履端缺陪旅賀

履旅卦名

上林鴈過先勤繫帛之書

蘇武傳漢

求武等匈奴詭言武死後漢使復至匈奴常惠請其守者與俱得夜見漢使具自陳道教使者謂單于言天子

射上林中得鴈足有係帛書言武等在某澤中使者大喜如患語以讓單于單于視左右而驚謝漢使曰武等

實下蔡馬肥願懋杆城之績下蔡故城在今壽州北三十里漢為縣屬沛郡隋屬

汝陰郡其城周世宗所築遺址尚存詩公侯干城毛傳干杆也鄭箋可任以國守杆城其民孫炎云干楯所以自蔽杆也左傳百官欲事朝而不夕此公侯之所以杆城其民也桓溫傳贊爰寄杆城用恢威畧東坡詩誰信儒冠也杆城

代回湖州魏守

大中○湖州已見

義和授時日已賓於暘谷

尚書乃命羲和欽若昊天厯象日月星辰敬授人時孔傳

羲和世掌天地四時之官敬記天時以授人也日出子谷而天下明故稱暘谷
甸侯宣化春自

滿於茗溪

說文甸天子五百里地甸之為言治也記大司馬方千里曰國畿其外方百里曰侯畿又

具外方五百曰甸畿柳詩繼酬天祿署俱尉甸侯家董仲舒傳郡守縣令民之師帥所使承流而宣化也文選春色滿皇州茗溪在今湖州府治西溪有兩源一源發自天目山一源發自獨松嶺合浮玉山水俱至安吉州合流至府城西又分二派一自清源門入雲溪一自臨湖門外合雲溪入于太湖多生蘆葦故曰茗溪 恭

惟某官奉寬大之書布中和之政水晶宮冷何資桃梗

之襍

歐陽永叔送胡學士知湖州詩武平天下才四十滯鉛槧忽乘使君舟傍棹不可纜都門春漸動柳

色綠將暗挂帆十里風水濶江灩澦吳興水晶宮樓閣在寒鑑橘柚秋苞繁烏程春甕釀清談越客醉屢舞吳娘豔寄詩無憚煩以 鸚鵡盃深滿介椿松之祉 唐段柯 慰離居念詳見前 古酉陽

雖俎梁宴魏使魏肇師俄而酒至鸚鵡杯徐君房飲不
盡屬肇師肇師曰海蠡蛇蛭尾翅皆張非獨為玩好亦
所以為罰卿今日真不得辭責南州異物志鸚鵡螺狀
似霞杯形如鳥頭向其腹視似鸚鵡故以為名離殼出
食飽則還殼中若為魚所食殼乃浮出白質而紫文如
鳥形故自像鳥為作兩目兩翅也梁陸倕蠡杯銘用過
羽杯珍愈渠枕實同蠡測形均模滿李詩酒飛鸚
鵡重李適詩銀河半倚鳳凰來玉酒相傳鸚鵡杯
某已

投西崦又見東風

見前

皂蓋晝行莫稱稱觴之賀

後漢與服志中

二千石二千石
皆皂蓋朱兩轡

白蘋日暮會觀賜璽之來

白蘋洲在湖州雲溪東柳

渾詩汀洲採白蘋日暮江南春白樂天五亭記云湖州
城東南一百步抵雲溪溪連汀洲洲一名曰白蘋梁吳
興守柳渾於此賦詩因以為名也大厯十一年顏魯公
為刺史作八角亭以遊息開成三年弘農楊君為刺史

乃疏四渠濬二池樹三園構五亭蓋是境也實柳守濫觴之類公推輪之楊君績素之三賢始終能事畢矣循吏傳序二千石有治理效輒以璽書勉屬增秩賜金

代回王寧國

補之○寧國已見

三陽底日肇新正月之和

底軫視切致也周禮馮相氏冬夏致日春秋致月以齊四

時之序左傳天子有日官諸侯有日御日官居卿以底日禮也

五馬頌春茂介自天之

祐易自天祐之吉无不利

恭惟某官中和布政見

豈弟宜民

詩豈弟君

子又宜椒盤已頌花歲今始有

杜詩守歲阿咸家椒盤已頌花詩自今伊始歲

其澄江淨如練福莫不增

謝眺詩餘霞散成綺澄江淨如練詩受天百祿降爾遐福

又如山如阜如岡如陵
如川之方至以莫不增
某竊承履端阻陪旅賀信宣州

主人之賢者益侈新榮

寧國唐之宣州昌黎送楊支使序愈未嘗至宣州而樂頌其主

人之賢者以其取人信之也

忘翰林客卿之驟然敢伸善禱

揚雄傳聊因筆

墨成文章故藉翰林以為主人子墨為客卿以風驟也忍切韻會大笑貌莊子桓公驟然而笑曰此寡人之所見者也

代回常台州

建○台州已見

日在營室肇新太史之迎

禮記孟春之月日在營室正義曰按三統厯立春日在危

十六度正月申在室十四度晉天文志營室二星一曰元宮一曰清廟國語曰月底天廟注底至也天廟營室

也孟春之月日月皆在營室禮記孟春之月以立春先立春三日太史謁之天子曰某日立春盛德在木天子乃齊立春之日天子親帥三公九卿諸侯大夫以迎春于東郊注太史禮官之屬掌正歲年以叙事霞起

天台茂介元侯之祉

天台山在天台縣西一百十里孫綽天台賦赤城霞起以建標瀑布

飛流以界道太白天台曉望詩門標赤城霞樓樓滄海月詳見前左傳三夏天子所以享元侯也元侯九牧二伯諸侯之長也恭惟某官布中和之政行寬大之書

見維斗攜

龍表少陽之用事

漢天文志杓攜龍角注杓斗柄也龍角東方宿也攜連也律歷志少陽者

東方東動也陽氣動物于時為春春蠡也物蠡生乃動運木曲直仁者生生者園故為規也

俾民觀

象驗正月之始和

周禮正月之吉始和布治于邦國都鄙乃縣治象之法于象魏使萬民觀

治象挾日而飲之互見前君子履之天休萃止其退然厄閏

宋陸佃

黃楊木性堅緻難長俗云歲長一寸閏年倒長一寸宋羅願爾雅翼云黃楊歲長一寸過閏年則否牡丹過閏

歲花開輒小東坡詩園中草見此芳辰

梁元帝纂要春辰曰良辰嘉辰

芳辰道阻且長愧莫稱於椒曄

見前年運而往只擬學於桃

符

莊子子年運而往矣東坡詩老去怕看新厯日退歸擬學舊桃符

代回林嘉興

嘉興已見

揆三微於人統既屆始和

後漢書陳寵傳三微成著以通三統注統者統一歲之事

王者三正遞用周環無窮故曰通三統班固白虎通德論三微者何謂也陽氣始於黃泉萬物動微而未著也

十一月之時陽氣始養根株黃泉之下萬物皆赤者
盛陽之氣也故周為天正色尚赤也十二月之時萬物
始牙而白白者陰氣故殷為地正色尚白也十三月之
時萬物始達乎由而出皆黑人得加功故夏為人正色
尚黑不以二月後為正者萬物不齊莫適所統故必以
三微之月也律厯志天統之正始施于子半日萌色赤
地統受之于丑初日肇化而黃至丑半日牙化而白人
統受之于寅初日藥成而黑至寅半日生成而青天施
復于子地化自丑畢于辰人生自寅成于申故厯數三
統天以甲子地以甲辰人以甲申孟仲季迭用事為統
首三微之統既著而五
牧千里之日畿宜裒多祉
行自青始其序亦始之
論京師者何謂也千里之邑號也京大也師衆也明諸
侯法日月之徑千里帝王世紀天子畿方千里曰甸服
服之內
京師
恭惟某官道符泰長德體震亨
俱見
賓陽谷之

春湖山自得

尚書宅岵夷曰陽谷寅賓出日韓文令修於戶庭數日之間而人自得於湖山千里

之作嘉禾之命朝夕以須

郿志吳黃龍五年嘉禾生于由拳因名嘉禾吳志赤鳥七

年會稽言嘉禾生改年為嘉禾書序唐叔得禾異畝同穎獻諸天子王命歸周公于東作歸禾注畝隴也穎穗也禾各生一盤而共為一穗天下禾同之某竊承履端象周公德所以致故歸之左傳磨厲以須

莫陪旅賀雙魚中有尺素猥勤桃李之投

古樂府客從遠方來遺我

雙鯉魚呼童烹鯉魚中有尺素書詩投我以木桃又投我以木李

五馬不受二毛請致

椿松之祝

杜詩人生五馬貴莫受二毛侵

代回史蘄州

蘄州已見

日賓陽谷厯敬授於堯時

尚書寅賓出日孔傳敬導出日

天惠仁侯和

先驅於楚澤

韓文今天幸惠仁侯又送我入楚澤

恭惟某官榮分半竹

文帝

紀初與郡守為竹使符注以竹箭五枚長五寸錫刻篆書第一至第五師古曰與郡守為符者各分其半右留

京師左

言憩甘棠

詩蔽芾甘棠勿剪勿敗召伯所憩

淮水湯湯扇條風

而解凍

湯音傷詩淮夷來鋪江漢湯湯易緯立春條風至禮記孟春之月東風解凍正義曰按易卦驗

云立春而水降條風至條風即東風也

周原膺膺生麥氣以烘晴

膺音武詩周原

膺膺莖茶如飴箋廣平曰原周之原地在岐山之南膺膺然肥美其所生菜雖有性苦者甘如飴也歲華紀麗

麥覆堆以當時注見庾信宜在凝香

韋蘇州詩燕

益稷

感春賦文選麥秋晨氣潤

寢凝清香

流祉某濫持荷橐莫捧椒觴

見前

遵渚之有歸鴻請馳善

頌

詩鴻飛遵渚公歸無所鄭箋鴻大鳥也不宜與鳬鷖之屬飛而循渚以喻周公與凡人處東都之邑失其

所也

盍簪而喧櫪馬佇慶遙歸

詩王曰遙歸餘見前

代回趙徽州

希遠○徽州已見

王正謹始肇新人統之頌

見前

侯度承休始自日畿之近

詩贊爾人民謹爾侯度注侯君也慎汝為君之法度

恭惟某官奉行寬大宣布中

和凍解東風共詠袴襦之煖杓回北斗茂迎綸綍之溫

俱見前

某仰辱先施未由侯賀有椒有飴願儲滋至之休

餽薄必切說文食之香也詩有椒其馨有餽其香注椒猶餽也餽芬香也如竹如松益茂方

來之慶

詩如竹苞矣如松茂矣

代回張建昌

嵩○建昌已見

正月始和少陽用事

釋名云正月少陽見寅寅者演也

諒魯侯之燕喜

詩魯侯燕喜令妻壽母注燕燕飲也

受周社之鴻龐

鴻通作洪爾雅龐洪大也揚雄傳鴻生鉅

儒龐當作龐說文石大貌司馬相如傳湛恩龐洪師古曰龐洪皆大也

恭惟某官宣布中

和奉行寬大

見前

東風解凍暫勤南國之蕃宣

詩序文王之道被于

南國又召公之教明于南北斗回杓即接西樞之步武

國詩四國于蕃四方于宣

宋熙寧三年詔國家以西樞內輔翊贊本兵任為重矣
說文步行也爾雅堂下謂之步步布也禮記堂上接武
堂下布武爾雅武跡也錢氏曰每
移足半躡之中人之跡尺二寸
某未由削牘見先辱

噓枯

後漢書鄭太傅孔公緒
清談高論吹生噓枯

有椒其馨莫遂飛觴之慶

楊炯詩煙霞駐征蓋如松之茂願培隆棟之材

易棟隆
吉象曰

棟隆之吉不
撓乎下也

代月湖回新建寧李大諫大異

蒼玉青旂趣元侯之北覲

尚書考靈曜春佩蒼壁乘蒼
馬以出遊發令于外春行仁

政以順天之常以安國也後漢禮儀志
立春之戶郡國縣官皆服青幘立青幘
清香畫戟轉仁

氣以南驅誕對端辰哀時繁祉

見前

恭惟某官蜚英騰實

司馬相如傳激清流揚微波蜚英聲騰茂實

聽厲即溫肆夏升歌擬宣麻於

文德

左傳金奏肆夏之三又三夏天子所以享元侯也金奏擊鐘而奏也肆夏樂章名周禮以鐘鼓奏九

夏一曰王夏二曰肆夏三曰昭夏四曰納夏五曰章夏

六曰齊夏七曰族夏八曰阼夏九曰鶩夏肆夏之三肆

夏以下三夏也元侯來朝天子享之乃奏三夏翰林志

唐中書用黃白二麻為綸命其後翰林專掌白麻中書

獨得用黃麻玉堂雜記凡鎖院文臣職事明日赴文德

殿聽麻宰相與樞密皆不住惟輪參政一員押麻玉海

文德殿即文明殿太平興國五年殿災改今名淳化中

張洎奏今之文德殿即唐之宣政在周為中朝在漢為

前殿在唐為正衙凡朔望起居大冊

陽春有脚還擷茗

拜對四夷君長試制舉人皆在此

於武夷

武夷山在崇安南三十里建茶所出詳見前東坡詩武夷溪邊粟粒芽前丁後蔡相籠加爭新

買寵各出意今年關品充官茶

芳歲維新叢休滋至某龍鍾甚矣

廣韻龍鍾

竹名年老者如竹枝葉搖曳不自禁持韓詩東野燕賀不得官白首誇龍鍾東坡詩龍鍾一老翁詳見前

缺然

淮南子大厦成而燕雀相賀杜詩高飛燕雀賀新成莊子今者闕然數日不見

列炬盍簪

願遂同朝之喜

見前

習鄉尚齒便為告老之謀

禮記元日習射上功

習鄉上齒注鄉請飲酒也鄉禮春秋射國蜡而飲酒養老

代回建寧傅大諫

伯成

王正紀月肇頒象魏之和侯度觀時丕對龍光之渥宜

裏百福以應三陽

並見前

恭惟某官早伏諫蒲

史丹傳頓首伏青蒲

上注以青規地曰青自非皇后不得至此

出分符竹陽春布德已行寬大之

書

見前

肆夏升歌即展論思之蘊

班固兩都賦序朝夕論思日月獻納

仁賢

來止福履綏之

詩樂只君子福履綏之

某落日在簾

杜詩落日在簾鉤溪邊春

事幽東坡詩斜陽半疎簾

浮雲出岫

歸去來辭雲無心而出岫

憶爛柯之邂逅又

見東風

述異記信安都石室中晉時樵者王質逢二童子棊與質一物如棊核食之不餓置斧于生而

觀童子曰汝斧柯爛矣質歸鄉間無復時人張堂疑耀

云爛柯人皆知為奕者之事東陽記信安縣有懸室坂

晉中朝時有民王質者伐木至室中見四童子彈琴而歌因倚柯聽之童子以一物如棊核與質舍之便不復

饑俄頃童子曰其歸承臂而去斧柯爛盡
既歸質去家已數十年矣詩邂逅相遇
及焙茶之後

先願歸北闕

大觀茶論茶工作於驚蟄尤以得天時為急故焙人以得茶天為慶北苑別錄驚蟄

節萬物始萌每歲常以前三日開焙通閏則反之以其氣候之少遲故也按此所謂焙茶之後先也高帝紀蕭何造未央宮立東闕北闕師古曰未央殿雖南嚮而上書奏事謁見皆詣北闕關中記未央宮北有玄武闕即北闕也張衡西京賦北闕甲第當道直啟

代回施温州

州○溫州已見

挾日觀治肇領正月之和

周禮正月之吉始和布治於邦國都鄙乃縣治象之法於

象魏使萬民觀治象挾日而歛之注正月周之正月吉謂朔日始調和上六典八法已下之事和訖當月即頒

布此治職文書下諸侯邦國卿大夫都鄙言乃縣者乃
者緩辭至建寅之月乃縣治象之法于雉門象魏使萬
民共觀治象挾日者從甲至甲凡十日飲藏之于
明堂於後月月受而行之謂之告朔挾又作決

視侯丕介自天之祐恭惟某官良二千石

漢書循吏傳序宣帝常稱

曰庶民所以安其田里而亡歎息愁恨之心者福十萬
政平訟理也與我共此者其唯良二千石乎

家

新唐書陳子昂傳一州得才刺史十萬戶賴其福將
得不才刺史十萬戶受其困國家興衰在此職也

明寬大之書昔無今有

刑法志有司無仲山甫將明之才詳見前庶范傳范為蜀郡太

守除火禁百姓便之歌曰康叔度來
何暮不禁火民安作昔無襦今五袴

參酌陰陽之運小

往大來

易泰小往大來吉亨內陽而外陰內健而外順詳見前

與物為春

淮南子使神滔

蕩而不失其充日夜無傷而與搏風斯下莊子鵬之徙於南冥也水

擊三千里搏扶搖而上者九萬其屬拘朝綴綴音與惴

里故九萬里則風斯在下矣綴注疏謂鄒也正義曰鄒

謂鄒聚舞人行伍之處莫旅賀綦綦音其廣韻履飾

綦繫也櫪馬林鳥但切盍簪之願雲鴻江鯉聊傾削櫝之

私俱見前代回施温州城○溫州已見

魯觀占雲觀郎肝切爾雅觀謂之門釋名觀以上觀望也三輔黃圖云登之可以達觀故謂之觀左

傳僖五年春正月朔日南至公既視朔遂登觀臺以望而書禮也凡分至啓閉必書雲物為備故也周禮保章

次已四重人書四六標準
六美

氏以五雲之物辨吉凶水旱降豐荒之祲

周正紀月

正音征增韻云本去聲始皇名政讀正如征

驗陽律鳳鳴之應

律歷志黃帝使伶倫自大夏之西昆侖之陰取竹之解谷生其竅厚均者

斷兩節間而吹之以為黃鍾之宮制十二筩以聽鳳之鳴其雄鳴為六雌鳴亦六比黃鍾之宮而皆可以生之

是為符凝香燕寢之祥

見前

恭惟某官政為吏師

朱博傳

而治為

學有家法

後漢書儒林傳序各以家法教授徐防傳太學試博士弟子皆以意說不

脩家法私相容隱開生姦路左雄傳諸生試家法注儒有一家之學故稱家

名崇所舍迎化

日之舒長

詩蔽芾甘棠勿剪勿伐召伯所爰說文爰舍也王符傳化國之日舒以長故其民間暇而

力有餘亂國之日促以短故其民困務而力不足

燕黍既回揚仁風於黎庶

見前

宜東多祉以對休辰某濫綴朝行阻陪賓謁碧油紅旆

願如意於頒春

白樂天詩碧油幢引向東川又紅旆將軍昨日歸旆蒲蓋切說文繼旒之旗沛

然而

紫詔綠綈猶傾心於賀夏

隄右記武都紫水有泥其色亦紫而粘貢之用

封璽書故詔誥有紫泥之美綈田黎切說文屐綈也外戚傳中書黃門田客持詔記威綈綈方底西京雜記漢中書以武都紫泥為璽室加綠綈其上

代回程慶元

準○慶元已見

夏正建寅三陽簇達

禮記孟春之月律中太簇正義曰此言孟春者夏正建寅之月也呂

不韋在於秦世不用秦正而用夏時者以夏數得天正故用之也律候氣之管中猶應也孟春氣至則太簇之

律應應謂吹灰也律歷志太族族奏也言陽氣太奏此而達物也

東風拆甲萬物光輝

草木初生曰甲易天地解而雷雨作雷雨作而百果草木皆甲拆西京雜記董仲舒曰太平之世風不搖條開甲破萌時維哲人尚書哲人惟天錫純嘏詩天錫公純嘏眉壽保魯

恭惟某官氣鍾溫厚德稟中和化洽甘棠接京師而蒙

潤郭伋傳帝勞之曰賢能太守去帝城不遠河潤九里冀京師并蒙福也威行若木環瀚

海以無波淮南子扶木在陽州日之所曠建木在都廣衆帝所自上下日中無景呼而無響蓋天地

之中也若木在建末西末有十日其華照下地初學記北海大海之別有瀚海霍去病傳封狼居胥山禪於姑衍登臨瀚海如淳曰瀚海北海名韓詩外傳成王時有越裳氏重三譯而朝曰吾受命國之黃髮曰以矣天之

不迅風雨海之不波溢也三年於茲
當義仲之授時
見

宜魯侯之燕祉

詩魯侯燕喜令妻壽母宜大某又觀新

厯真是陳人

見

有椒其馨莫逐樽罍之捧

東坡詩童子遙知領襦袴

使君先已洗樽罍

如松之茂姑伸竿牘之恭

莊子小夫之知不離苞苴竿牘

代回王廬州

枹○廬州春秋時屬舒戰國時屬楚秦為合肥縣漢分立廬江國東漢為

合肥侯國仍隸九江郡又更為淮南國合肥隸焉魏晉為重鎮宋齊皆為廬江郡地梁改合肥為汝陰郡尋改為合州隋改合州為廬州以廬江名舊經云古廬子國此蓋惑於應劭之說非也又引左氏云自廬以往振廩同食此乃中廬之地去合肥遠矣煬帝改為廬江郡唐為廬州宋因之○宋史

王桡字汝良，大名人。祖倫使北死，孝宗訪其孫調通，州海門縣尉韓侂胄以恢復起兵，端天子思繼好，息兵凡七遣使，無成。續遣方信孺往議，垂成以忤侂胄得罪，顧在廷無可使者，乃遣桡會侂胄已誅桡，持金入謁，歸求侂胄函，首易淮陝侵地，從之。周公謹齊東野語云：桡使金一日，金人問韓大師何如，人桡盛稱其忠賢，威略彼徐以邊報示之曰：如汝言，南朝何故誅之？桡窘懼，不能對。於是無厭之求難塞，之請皆不敢與校，以為脫身之計。當時有題詩於侍從宅曰：歲幣頓增三百萬，和戎又送一於期。無人說與王桡道，莫遣當年寇準知。亦一時公論也。金主嘗令引南使觀忠繆侯墓，且釋云：忠於為國，繆於為身，詢之為侂胄也。按秦檜主和王，倫出使，胡忠簡請斬檜以謝天下，時皆偉之。侂胄主戰，倫之孫桡復出使，竟函韓首以求和，是和者當斬而戰者亦不免於死，一是一非，竟何如哉？

天回北斗新太史之授時

公羊傳注昏斗指東方曰春指南方曰夏指西方曰秋指

北方曰冬周禮太史正歲年以序事頒之於官府及都鄙

地重南巢慶元侯之受祉

方輿勝覽堯世巢父即巢之耆父也書稱成湯放桀於南巢左傳大公十二年楚人圍巢襄公二十六年吳伐

巢昭公九年滅

恭惟某官三槐襲組

東坡三槐堂銘序故晉國王公顯於

巢即今巢縣也

漢周之際歷事太祖太宗文武忠孝天下望以為相而

公卒以直道不容於時蓋嘗手植三槐於庭曰吾子孫

必有為三公者已而其子魏國文正公相

半竹分符見

真宗皇帝享其福祿榮名者十有八年

前

虎豹之皮和戎既寧諸夏

左傳無終子嘉父使孟樂如晉因魏莊子納虎豹之皮以

諸和諸戎無終山戎即今北直隸遵化縣子爵也嘉父戎君孟樂戎臣魏莊子魏絳也又魏絳曰勞師於戎而

楚伐陳必勿能救是棄陳也諸華必叛注諸華中國猶諸夏也詩民勞箋京師者諸夏之根本茗之華箋京師以諸夏為障蔽刑法志內尊天子以安諸夏注諸夏中國之諸侯也夏大也言大于四夷和我事見題下鴻鴈之民安宅咸與為春

詩鴻鴈于飛集于中澤之子于垣百堵皆作雖則劬勞其究安

宅詩序鴻雁美宣王也萬民離散不安其居而能勞來還定安集之至於矜寡無不得其所焉此指金人歸淮

陝促

一氣始和三靈錫美

揚雄傳上獵三靈之流如淳曰三靈日月星垂象之應也

美威晚封禪書大漢之德湯滿曼美某無由捧爵還復烹魚分北果之甘

芳又勤實籬

籬府尼切廣韻方曰籬園曰籬笑也通作柴應劭漢書注方曰箱隋曰籬隋園而長

也愧東華之塵土僅有空函

東坡詩軟紅猶戀屬車塵注戲語有西湖風月不如

東華牧紅塵土殷浩傳溫將以浩為尚書令遺書告之
浩欣然許焉將答書慮有謬誤開閉者數十竟達空函
梁武帝紀是馳兩空函定一州矣

代回臨江洪寺簿

俱見臨江已見

夏正建寅三陽簇達春風拆甲萬物光輝

俱見前

天惠仁

侯

韓文今天幸惠仁侯

日綏景福

詩以享以祀以介景福

恭惟某官世濟其

美政鼓以和擁朱轡二十石之榮令行庭戶

後漢書輿服志中二

千石二十石皆皂蓋朱兩轡韓文令脩庭戶數日間而人自得於湖山千里之外

環清江十萬

戶之衆家有袴襦

方輿勝覽南唐吳鸞以蕭灘之地當南粵虔吉袁洪四會之衝編氓訴牒

不及官事人夫辦集愆期唐主從其請遂取高安及新喻建安之三鄉為清江縣屬洪州又置筠州以清江縣

隸焉詩既多某濫班朝綴莫旅賀綦

佩犢帶牛願懋循良之績藝遂傳民有帶持刀劍者使賣劍買牛賣刀買犢曰何為

帶牛佩犢林鶚櫪馬式諧會合之期見前

代回史吉州

定之○吉州已見

陽春有脚又新象魏之頌

見前

函夏無塵正倚螺江之重

函胡南切陸雲詩函夏無塵海外有謚顏延之赭白馬賦知函夏之充牣螺江即贛江吉州城北十里有螺山南臨江上宛委如螺或曰昔有漁忽遇風雨見神螺光彩五色取而懷之至山下涉水螺失所在俗呼為螺子

山又螺湖在吉州西北而東流入贛江宋王廙跋恭惟詩鷺洲盤地軸螺浦瀉天津白鷺洲亦在贛江中

某官氣全溫厚政協中和息潢池之干戈自溫襦袴

傳陛下赤子弄陛下之兵於潢池中耳潢胡光切說文積水池左傳潢汙行潦之水服虔曰畜小水謂之潢水

不流謂之汙周語塞川原而為潢汙注小曰潢大曰汙厚晉陽之保障豈盡繭絲

晉語趙簡子使尹鐸為晉陽請曰以為繭絲乎以為保障乎簡子曰保障哉尹鐸損其戶數注繭絲賦稅保障

蔽捍也小城曰保禮記遇入保者時維泰亨見坐應鼎吉易鼎元吉亨

而鼎取新取新而當其人易某備員朝綴中屠剛傳武故而法制齊明吉然後乃亨帝時相許昌

等皆以列侯繼踵躡躡庶謹為丞相備員而已儒林傳文學掌故補郎屬備員師古曰云備員者示以升擢之

非藉其實用也

莫遙賀暴

遙初敕切齊飛順疾也唐書遙羽鵠鷺

佩犢帶牛願挽

河而洗甲

宋王楙野客叢書云吳曾漫錄云杜詩有洗兵馬末云安得壯士挽天河淨洗甲兵長不

用案說苑武王伐紂風霽而乘以大雨散宜生諫曰此非妖與王曰非也天洗兵也僕觀梁簡文詩洗兵逢驟

雨送陣出黃雲裴行儉碑曰洗兵諾真之水刷馬草心之山此皆有洗兵之語所謂挽天河語子美之前罕聞

李晟廟碑雨洗天兵風烈林鵠檻馬會列炬以盍簪見虜鵬張說詩貫索挽河流

代回李封州

漢蒼梧郡廣信縣地梁置梁信縣及

梁信郡無置成州隋平陳郡廢改成州曰封州改

梁信縣曰封川大業初以封興縣省入尋改州為蒼梧郡治封川縣唐復為封州天寶初改臨封郡乾元初復為封州宋紹興中封州廢以縣屬德慶

府尋復置元為封州路
後復為州今屬肇慶府

分符北關

見前

宅牧南郊

尚書宅乃牧又宅南交

騎竹交迎不問瀧

岡之吏

東觀漢記郭伋為并州牧行部到西河美稷有童兒數百各騎竹馬於道次迎拜劉知幾史道

難曰漢時方伯儀比諸侯其行也前驅竟野後乘塞路
彼草萊稚子齠髻童兒安能犯騎駕凌轡帷首觸成展
自陳襟抱其不可信一也又方伯按部舉州振肅至於
墨紱長吏黃綬羣官率彼吏人顯然佇候兼復行李有
程憩息有所安得輕赴數童之期坐失百城之望其不
可信二也夫晉陽無竹古今共知假有傳檄他方蓋亦
事同大夏訪諸商賈不可多得況在童孺彌復難求其
不可信三也按竹馬事引用已多予去大辨而為故特
著之書末瀧音雙奔湍也俗謂水湍浚為瀧愚謂粵水
行山澗中多懸崖倒峽而下至險峻處則謂之瀧初無

定所昌黎所問則昌樂瀧耳詩云南行逾六旬始下昌樂瀧險惡不可狀船石相舂撞往問瀧頭吏潮州尚幾里行當何時到

驛梅遠寄已知嶺表之春

別州記陸凱與范曄相善

自江南寄梅花一枝詣長安與曄并贈詩曰折梅逢驛使寄與隴頭人江南無所有聊贈一枝春廣志大庾嶺上梅花南枝已落北枝方開寒燠之候異也

恭惟某官服襲典刑發舒政術

自為單父技已敏於割雞

說苑宓子賤治單父彈琴身不下堂單父治也馬期亦治

單父以星出以星入日夜不處以身親之而單父亦治也馬期問其故宓子曰我之謂任人子之謂任力任力者勞任人者佚及試海沂才益新於展驥

王祥傳徐州刺史呂慶徽為別駕委以州

事政化大行時人歌之曰海沂之康實賴王祥蜀志龐統守來陽令在縣不治免官魯肅遺先主書曰龐士元

非百里才也使居治中別駕之任始當展其驥足耳

茲宣寬札出領臨封

封州唐為臨封

郡諒因報政之來

史記周公世家伯禽受封之魯三年而後報政太公亦封於齊五月而報

政

即遂立朝之願某凋零歲月點綴星辰

綴音喘說文合著也世說

司馬太傅夜坐於時天月明淨歎以為佳謝重答曰意謂乃不如微雲點綴東坡詩雲妝月明誰點綴張九齡詩葉作參差發枝從點綴新白樂天詩點綴佛髻上合為七寶冠杜詩聽履上星辰

遠方雙魚不

盡相酬之意

見前

人生五馬願牧自養之功

易觀頤觀其所養也自求

口實觀其自養也疏自養有節則是其德盛也

代回孫衢州

字直○衢州已見

頌象魏之法仗簇春旂

社詩春旂簇仗齊

凝燕寢之香服先夏

甸

帝王世紀天子畿方千里曰甸服禹貢五百里甸服

時維竹使

文帝紀初與郡守為竹使符

天錫茨禧

茨音慈朱氏曰茨言密比詩君子至止福祿如茨

恭惟某官躬綰左

符

東坡詩橫空好在脩眉色頭白猶堪乞左符

化行右翊

漢書地理志左馮翊右扶風注故秦

內史武帝建元六年分內史為左右太初元年更名左內史為左馮翊右內史為右扶風

暮年而變

莫不頌而歌之諸侯之風未有逮於此者

詩序鵲巢騶虞之德諸侯

之風也

有開鳳歷

杜氏通典少昊摯之立也鳳鳥適至故鳥紀為鳥師而鳥名鳳鳥氏歷正也注

鳳鳥知天時故以為歷正之官

會出鶯喬

唐孟守詩羣鶯共喜新遷木劇希逸詩鶯谷新遷碧落飛

某東縕力微

韓詩外傳齊有隱士東郭先生梁石君當

梁石君世之賢也隱於深山終不絀身以求仕吾聞先生得謁曾相國領為之先臣里母相善婦見疑盜肉其姑去之告於里母里母曰安行今令姑呼汝即東縕請火去婦之家曰吾犬爭肉相殺請火治之姑乃追還去婦故里母非談說之士東縕請火非還婦之道也然物有所感事有可通何不為之先

先生梁石君東縕請火乃見曾相國曰臣之里有夫死三日而嫁者有終身不嫁者則將奚娶相國曰娶不嫁者

邕生曰齊有東郭先生梁石君隱於深山終不絀身求仕相國娶婦欲娶其不嫁者取臣獨不取不仕之臣耶於是相國因邕生束帛安車迎東郭先生

孟簪願切

見建牙開府阻斟酌於椒花

魏志典常初平中張邈舉義兵常為士屬司馬趙寵

牙門長大人莫能勝常一手建之後漢滕輔祭牙文敬建高牙神武攸託餘見前

上齒習鄉猶

徑從於棠蔭

禮記元日習射尚功習鄉尚齒

代回紹興黃尚書

由○紹興已見黃由長洲人孝宗朝舉進士第一累官刑部尚

書無直學士院侍御史張巖奏其植偽黨與遂奉祠嘉定間起為浙東安撫使仍官刑部尚書無直

學士院卒贈少師

條風應節和生元帥之幢

易緯立春條風至幢傳江切釋名童也其狀童童然也吳

志陸遜討丹陽賊帥費棧遜乃益施牙幢鼓棹燭朝天諒而前黃帝出軍夾有所征伐作五采牙幢

光映尚書之履

棹燭見本卷代回畢安撫條

恭惟某官德儀震動道

協泰亨與物為春又騰歌於襦袴

並見前

履端之始行促

觀於冕旒

杜詩九重間闔宮殿萬國衣冠拜冕旒

某擬學桃符

東坡詩退歸擬學舊

桃符

阻稱椒斚杓攜龍角已旋北斗之魁

並見前

身到鳳池

即解東風之凍

宋張唐卿進士第一人登科期集於興國寺題詩句於壁曰一舉首登龍虎榜

十年身到鳳凰池有人續云君看姚璩并梁固不得朝官未可知後果終於京官姚璩梁固真宗朝狀元唐卿

仁宗朝

狀元

代回趙湖州

湖州已見

歲行在午罽布方新

罽謂逆各切說文譯訟也爾雅徒擊鼓謂之罽詩或歌或罽孫炎云聲

驚愕也律歷志

布於午互見前

斗指於寅棟通伊始

棟音替律歷志正月乾之九三

萬物棟通族出於寅

是惟君子之道長

見前

實應諸侯之

化行

詩序鵲巢駟虞之德諸侯之風也又汝墳遵化行也文王之化行乎汝墳之國

恭惟某官

才應時須

山谷詩少年出補父兄處公自才力應時須又持此應時須

美全世濟水

晶宮冷已回襦袴之溫

見代回魏湖州條

金鑾殿高即奉冕旒

之對

王子年拾遺記瀛洲南有金鑾之觀兩京記大明宮有金鑾殿殿旁坡名金鑾坡翰林故事置東學

士院於金鑾坡續翰林志德宗移學士院於金鑾坡上五代會要殿因金鑾坡以為名與翰林院相接李白傳

召見金鑾殿論當世事衛次公傳與鄭絪皆召金鑾殿建議立順宗官者傳召學士李程王涯等至金鑾殿草

制陸康傳天子金鑾作賦命學士
和展先成李詩著書獨在金鑾殿
某濫筭幕掾韓非子齊宣王

使人吹竽必三百人南郭處士請為王吹竽宣王說之
廩食以數百人宣王死湣王立好一一聽之處士逃一

曰韓昭侯曰吹竽者衆吾無以知
其善者田嚴對曰一一而聽之
竊陰旬侯見前一紙十

部之肯臨已慚倒置

劉宏傳得劉公一紙書賢於十部
從事詳見前韓信傳大王乃肯臨

臣莊子喪已於物失性
於俗者謂之倒置之民

四方六客之併至更慰俄空

茗溪

漁隱云吳興郡國有六客亭即公擇子瞻元素子野令
舉孝叔時公擇守吳興也東坡又云余昔與張子野劉
孝叔李公擇陳令舉楊元素會於吳興時子野作六客
詞其卒章盡道賢人聚吳興試問也應傍有老人星凡
十五年再過吳興而五人皆已亡矣時張仲謀與曾子
方劉景文蘇伯固張秉道為坐客仲謀請作後六客詞

云月滿苔溪照野堂五星一老關光芒十五年間真夢
裡何事長庚對月獨悽涼綠鬢蒼顏同一醉還是六人
岑笑水雲鄉賓主談鋒誰得
似看取曹劉今對兩蘇郎

代回隣州倅

龍杓回次協豐茂之嘉辰

天文志杓攜龍角詳見前律
歷志豐茂於戊說文茂木盛

也鳳歷紀元新隆平之美號

宋寧宗開禧四年改元嘉
定歲在戊辰終軍傳宜因

昭時今日改定告元發
嘉號於營邱以應緝熙

其在溫溫之德

詩溫溫恭人
維德之基

宜

鷹嘒嘒之祺

見前

恭惟某官剛體震亨道偕泰長名棠蔽

芾拓函夏以無塵

拓閭各切增韻斥閒也陸雲詩辰啓
重光協風應律函夏無塵海外有謐

湘芷芳菲散陽春而有脚

芷香草說文楚謂之薜齊謂之茝離騷經扈江

離與

佇簇青旗之仗

杜詩春旗簇仗齊

趣歸紫禁之朝

謝莊大掩彩瑤

光收華紫禁駱賓王詩紫禁終難叫朱門不易排杜詩青春復隨冠冕入紫禁正耐烟花繞

某賦分

朱愚

莊子不知乎人謂我朱愚知乎反愁我軀

負丞黔鄙

柳文黔丞東鄙

東風解凍

不能消華髮之霜

高蟾詩人生莫遣頭如雪雖得春風亦不消

南嶽焉依安

得聽清談之露

杜詩爽氣金天豁清談玉露繁佇鳴南嶽鳳欲化北溟鯤

賀史通判

湜

歲臨赤奮日月

初躔

爾雅太歲在丑曰赤奮若律厯志玉衡杓建天之綱也日月初躔星

之紀也
互見前

律動青陽地天交泰

見前

式對予環之慶

蜀子召人以環

絕人以決反絕以環楊倞注古者臣有罪待放於境二年不敢去與之環則還與之決則絕皆所以見意也抑詩長捐楚客珮未賜大夫環又賜環留逸響五馬助征騑亟催鳴玉之班邱遲表飛翠鳴玉出

入禁門

恭惟某官和與春融剛排冬凜大君有命復進司

棘寺之平

易大君有命開國承家小人勿用鄭氏綺談大理曰大棘張釋之傳廷尉天下之平也

天下無怨行即報草靡之鞠

于定國傳張釋之為廷尉天下無冤民文選鞠茂草

於園靡詳見前

不但族青旗之仗

見前

又將開白獸之樽

見賀正提刑條

某方竊隣光

西京雜記匡衡勤學而無燭隣舍有燭而不逮衡乃穿壁引其光以書映而讀之

忽聞召節

禮記凡君召以三節二節以走一節以趨

舉頭而見白日羨君即

近於長安

韓詩騎驢到京國欲和薰風琴豈識天子居九重鬱沉沉遷延乍却走驚恹靡自任舉頭

見白日泣涕下霑襟晉書明帝紀幼而聰哲為元帝所寵異年數歲嘗坐置膝前屬長安使來因問帝曰汝謂日與長安孰遠對曰長安近不聞人從日邊來居然可知也元帝異之明日宴羣僚又問之對曰日近元帝失色曰何乃異問者之言乎對曰舉側身而上青天笑我目則見日不見長安由是益奇之

方趨於昧谷

李詩蜀道之難難於上青天側身西望長咨嗟尚書宅西曰昧谷

代回教宗簿

寧宗慶元五年歲在己未

歲躔協洽仰參長烈之常

爾雅太歲在未曰協洽帝王世紀自井十六度至柳八度

曰鷄首之次於辰在未謂之協洽於律為蕤賓斗建在午烈當作列史記天官書叶洽歲歲陰在未星居申以六月與觜鵬參晨出曰月旅孟陬俯應大來之泰爾雅長列昭昭有光利行兵正月

為陬楚辭攝提正於孟陬

恭惟某官溫溫秉德嚶嚶受

祺

見前

九闕已驗於氣衝

宋玉招魂虎豹九闕啄害下人些杜詩秀氣衝斗牛

三殿

何求於風引

西京雜記金鑾西南曰長安殿長安北曰仙居殿仙居西北曰麟德殿此殿三面故

以三殿名唐三殿即麟德殿也一殿而有三面故名開元元年引吐蕃使宴於三殿杜審言有蓬萊三殿侍宴詩李庾西都賦啓九重開三殿

佇對蒼龍之礎

禮記孟春之月

天子居青陽左个乘鸞路駕蒼龍注馬高八尺以上為龍礎砌所切說文礎也韻會楹石也集韻柱下石也

亟開白獸之樽

見前

某甫欲修容

禮記魯子與子貢入於其廡而脩容焉注更莊

飾柳文脩容於轅門之外躡履於油幢之前

已蒙惠翰舊梅如夢小違千里

之辰旌新榮行春即下十行之卯詔

代回南康章僉判

攀○南康已見

春回青陸正月之吉始和

爾雅春為青陽續漢書日行東陸謂之春

水泛紅

蓮諸福之物畢至

南史庾杲之字景行王儉用杲之為衛將軍長史安陸侯蕭緬與儉書曰

盛府元僚寔難其選庾景行泛綠水依紅蓮何其麗也時人以入儉府為蓮花池故緬書美之董仲舒傳諸福之物可致之
恭惟某官器資溫厚政術融明畫諾從容
祥莫不畢至

行趣葵丘之戍

黨錮傳汝南太守范滂博南陽宗資主畫諾左傳齊侯使連稱管至父戌葵邱

灰時而往曰及灰而代

笑談辦治飽尋廬阜之游

張敞傳武必辦治梁矣尹賞傳

四子皆至郡守皆尚威嚴有辦治名廬山在南康城北十五里周武王時有匡俗兄弟七人皆有道術結廬於此山中仙去廬在故曰廬山太史公亦嘗登廬山白樂天草堂記廬山奇秀甲天下

其鼎盛

鼎方也賈誼傳天子春秋鼎盛

其未由削櫝猥辱貽緘列炬盍

簪又見歲華之換

見前

染雲翦水莫酬頌語之工

回史郡僉

文舒

庚寅孟陬協建寅之夏正

見前

甲子昧爽轉拆甲之春風

尚書甲子昧爽注昧冥爽明早旦魏書李業與傳立甲子元惡甲為日始子實天正命歷置元宜從此起易天地解而雷雨作雷雨作而百果草木皆甲拆䟽孚甲開拆莫不解散仁賢履之吉祥萃止

伏惟某官德潛剛克和配陽休正其所為王道之端云

爾

董仲舒傳臣謹按春秋之文求王道之端得之于正次王次春者天之所為也正者王之所為也其意曰

上承天之所為而下以正其所為正王道之端云爾惠而不費仁言之利溥哉

左傳

齊景公問晏子曰子近市識貴賤乎對曰既利之敢不識乎公曰何貴何賤於是景公繫於刑有鬻踊者故對曰踊貴履賤既已告於君故與叔向語而稱之景公為是省於刑君子曰仁人之言其利溥哉踊尹疎切說文跳也一曰朋官師無廢於相規尚書官師相規工執藝事以諫福祿適

觀於來下

詩公尸燕飲福祿來下疏為神所饗福祿來下而與之

某幸同聯事良

感贈言

荀子贈人以言重于金石珠玉說死贈人以軒不若贈人以言

兩鬢霜濃難望

東風之解凍

見前

一犁雨足願歸南畝以躬耕

卜式傳雅行躬耕注

躬耕于野不求名利餘見前

回見任官

羲和之賓春日復出嵎夷

見前

甘石之占歲星適臨益部

史記正義七錄云甘德楚人戰國時作天文八卷史記天官書昔之傳天數者在齊甘公魏石申夫周禮大司樂疏引石氏星經說文引甘氏星經是甘石並有星經也周禮保章氏以十有二歲之相觀天下之妖祥注歲

謂太歲歲星與日同次之月斗所建之辰也歲星為陽
右行於天太歲為陰左行于地十二歲而小周其妖祥
之占廿氏歲星經其遺象
也使星入益部事屢見
有如百祿之總是在同官之

良恭惟某官德叶陽休氣排冬凜笑於菟絕維之去迎

玉兔以長生

於音烏菟音徒左傳楚人謂虎於菟或作
魑亦作釋漢書敘傳楚人謂虎為於釋今

雲夢縣有於菟鄉蘇子由守歲詩於菟絕繩去顧兔追
龍蛇奔走十二蟲羅網不及遮抱朴子兔壽千歲滿五
百則色白傅咸擬天問月中何有玉兔搗藥與福降社
杜詩入河蟾不沒搗藥兔長生此言前歲寅今歲卯

對櫪馬盍簪之喧依金鴉而高翥

鴉當作鴉翥音與著同說文飛舉

也韓詩金鴉既騰
蕭六合俄清新

共餞梅邊之臈亟催花底之朝

杜詩退朝

花底

某自顧陳人

見前

又看新歷

東坡詩老去怕看新歷日

但希善類

進聯茅茹之征

見前

庶遂寒踪退托桃符之換

王荆公詩千門萬戶

曠曠日摠把新桃換舊符東坡詩退歸擬學舊桃符

回寄居鄉官

太歲在辛令既先於三甲

尚書辛壬癸甲易先甲三日注先甲三日辛也詳見前

吉日維戊春豫撫於五辰

詩吉日維戊既伯既禱鄭箋戊剛日也言吉善之日維戊

尚書撫于五辰庶績其凝孔傳順撫五行之時

有如鄉大夫之賢

周禮鄉大夫之職各掌其

鄉之政教禁令

宜介王正月之慶

春秋春王正月

恭惟某官氣鍾溫厚

德備中和表紱懷章暫養旦評之望

許邵傳邵與從兄靖俱有高名好共

叢論鄉黨人物每月輒更其品題故汝南俗有月旦評焉餘見前

影纓澤笏行催元會

之朝

通典漢高帝七年長樂宮成荆諸侯羣臣朝賀儀後漢歲首正月為大朝受賀魏晉以後損益不常

荀勗正大會行禮歌詩於皇元皆羣生資始履端大享敬御福祉肆覲羣后爰及卿士欽順時財允也天子餘

見三陽茅拔以茹連百祿竹苞而松茂

俱見前

某自慙政

拙

潘岳閒居賦孝乎惟孝友于兄弟此亦拙者之為政也陽城博撫字心勞征科政拙

竊藉里仁

一榻延徐孺子之來又勤銜袖

徐穉傳陳蕃為太守在郡不接賓客唯穉來特

設一榻去則縣之陳蕃傳郡人周璆高潔之士前後郡守招命莫肯至唯蕃能致焉字而不名特為置一榻去

則懸之

五鼓推謝令尹之去所願歸田

鄧攸傳吳人歌之曰純如打五鼓雞

鳴天欲曙鄧侯挽不來謝令推不去詳見前張衡有歸田賦東坡詩投竿因障日賣劍行歸田又世事飽諳思縮手主恩未報恥歸田山谷詩聞道省郎方結綬可容名士乞歸田後山詩升沉有流轉且復賦歸田

回衆官袖啓

庚寅孟陬度適符於皇覽

楚辭攝提貞于孟陬兮惟庚寅吾以降皇覽揆余于初度

今肇錫余以嘉名
皇皇考覽觀也

甲子朔旦壽將邁於降人

律歷志武帝元封七

年復得闕逢攝提格之歲中冬十一月甲子朔旦冬至日月在建星太歲在子左傳晉悼夫人食輿人之域杞者絳縣人或年長矣無子而往與於食有與疑年使之年曰臣小人也不知紀年臣生之歲正月甲子朔四百

有四十五甲子矣惟言行得雷風之常易雷風恒君子則吉亨以立不易方

應地天之泰

易泰小往大來吉亨則是天地交而萬物通也

伏惟某官氣排冬

凜仁叶春融從容以和體東風之解凍

尚書寬而有洵制從容以和

美且直契北斗之回杓

詩不如叔也洵美且好

宜裒嗟嗟之祺式

對溫溫之德

見前

某幸同寮

爾雅寮寮官也郭璞曰同地為寮同官為寮疏云寮

采也采取賦稅以供

過辱頌言老我陳陳但願學桃符之退

王荆公詩

老我孤主恩結草以為期陳後山詩老我何所懷食貨志太倉之粟陳陳相因師古曰陳謂久舊也杜牧之詩

誰覺老陳陳東坡詩退歸擬學舊桃符

諸公衮衮幸早從樺燭之朝

杜詩諸公

袞袞登臺省白樂天早朝詩月
堤槐露氣風燭樺煙香詳見前

代回諸縣

歲躔協洽厯稽長列之常

史記天官書叶洽歲歲陰在未星居申以六月與背觸參

晨出曰長列爾雅在未為叶洽李廵曰陽氣欲化萬物故曰協洽協和也洽合也互見前月旅孟陬

卦應大來之吉

見前

時維茂宰

少陵送趙明府之任詩連城為寶重茂宰得才新李

詩天子思茂宰天枝得英才李嘉祐詩吏曹難茂宰又題詩招茂宰坐擁堪祺恭惟某官

德並陽休氣排冬凜

並見前

藹然政譽續花縣之風流

潘晉

岳為河陽令植桃李花人號曰河陽一縣花庾信枯木賦若非金谷滿園樹即是河陽一縣花李詩河陽花作

縣秋浦玉為人後漢書周賈徐姜申屠列傳序故列其
風流區而載之注言其清潔之風各有條流黃瓊傳高
心潔行激藉甚除音漏柳條之消息陸賈傳名聲藉甚
揚風流

盛杜詩侵凌雪色還萱亟飛鳧王喬傳喬河東人顯
宗世為葉令喬有神

術每月朔望常自縣詣臺朝帝恠其來數而不見車騎
密令太史伺望之言其臨至輒有雙鳧從東南飛來於
是候鳧至舉羅張之但得一雙鳧焉乃詔上方診視則
四年中所賜尚書官屬履也或云即古仙人王子喬也
劉向列仙傳王子喬周靈王太子晉也應劭風俗通義
論楚葉公子高忠於社稷惠恤萬民及其終也葉人追
思而立祠此乃春秋之時何有近孝明乎太子晉自豫
知其死後世傳稱其仙名生而實死也太史寺令丞躬
親靈臺何有伺一飛鳧建祠進造鵠行蓬初救切齊飛
順疾也唐書蓬

其處世之矯誣豈一事哉

進造鵠行

蓬初救切齊飛
順疾也唐書蓬

羽鷓鴣驚杜詩某自是陳人又逢新厯尺書寄鯉愧注記

之不先

揚雄傳因江潭而注記兮

列炬散鵷尚餘光之見及

杜詩列炬散林

鵷戰國策願君以餘光振之詳別見

回外縣官

葦桃倚戶正月之吉始和

見前

椒栢浮觴賢人之德可久

繫辭可久則賢人之德可大則賢人之業

凡吾同志即日異除恭惟某官氣

協陽休功多陰隲

尚書惟天陰隲下民孔傳隲定也天不言而默定下民

培溫植

厚夙存有孚惠之心

易益九五有孚惠心勿問元吉有孚惠我德王注以誠惠物物亦應

之噓枯吹生共勉不忍人之政鄭泰傳孔公緒清撫辰

凝績尚書撫于五視履考祥見前某辱託為僚又逢改歲

詩曰為所使承流宣化也尤謹履端董仲舒傳今之郡

所使承流而宣化也同寅協恭和衷哉當蒙終惠見前

回學職士人

杓攜龍角魁枕參維史記天官書北斗七星所謂璇璣

斗魁參首注衡斗衡也魁斗第一星也言北斗斗氣

轉鴻鈞歲躔益部天文志自畢十二度至東井十五度

其在藻芹之秀

詩思樂泮水薄采其芹又思樂泮水薄采其藻

聿觀茅茹之連

見恭惟某人文艷春葩

山谷詩窮年抱新書挽條咀春葩

香浮秋桂百

步楊葉不難鵬鵬之穿

戰國策楚有養由基善射去楊葉百步而射之百發百中枚乘

傳養由基楚之善射者也去楊葉百步百發百中楊葉之大加百中馬可謂善射矣杜詩舊穿楊葉真是知東坡詩穿楊自笑非猿臂李廣傳是必射鵬者也文隸曰鵬鳥也故使善射者射之師古曰鵬大鷲鳥也一名鷲黑色互

三月桃花即看鵬鵬之化

韓詩外傳二月桃花水之時鄭國之俗於

漆洧兩水之上拂除不祥溝洫志來春桃花水盛必美溢有填淤反壤之害師古曰月令仲春之月始雨永桃始華蓋桃花時既有雨水川谷氷泮衆流猥集波瀾盛長故謂之桃華水耳而韓詩傳云三月桃華水反壤

者水塞不通故令其土壤反還也周王褒四瀆祠碑銘
桃花春水靈草孤洲陳張正見詩擢折桃花水颿橫竹
箭流隋薛道衡詩桃花長新浪竹箭下奔流水經注鱣
鮪出犂次三月則上渡龍門得波為龍矣否則點額而
還莊子北冥有魚其名曰鵬 不負月評之望 前見即先天老

之題

天老黃帝臣河圖挺佐輔曰黃帝召天老問曰余
夢見兩龍挺白圖以授余於河之都不知其理敢

問于子天老曰河出龍圖雜出龜書天其授帝圖乎黃
帝乃齋祓七日天老五聖皆從以游河雒之間至于翠
嬌之淵大魚沝流而至與天老跪而迎之五色畢具天
老以授黃帝舒視之名曰錄圖韓詩外傳黃帝未見鳳
凰惟思其象乃召天老而問之曰鳳象何如天老對曰
夫鳳象鴻前麟後蛇頸而魚尾龍丈而龜身燕頤而雞
喙戴德負仁抱中快義張衡傳師天老而友地典注帝
王紀曰黃帝以風后配上台天老配中台五聖配下台

謂之三公杜詩天老書題目春官驗
討論注天老宰相也春官禮部也

某方欲脩辭先勤

委贄習鄉尚齒何幸陪庠序之申

禮記元日習射
尚功習鄉尚齒重席

說經尚幾見賢能之獻

東觀漢紀戴憑為侍中正旦朝
賀帝令羣臣說經義不通者奪

其席憑遂重五十餘席詳見前周禮鄉
老及鄉大夫羣吏獻賢能之書于王

回學職

庚寅孟陬適合靈均之初度

楚辭名余曰正則兮
字余曰靈均餘見前甲子

朔旦共希絳縣之老人

見前未祓賀牋

祓音拂周禮祓除
其心注猶拂也司

馬相如傳
祓飾殿丈

已勤慶語伏惟某官陽休山立陰隲天通列

炬合簪不但習鄉而上齒鳴佩澤笏行當重席以講經

並見

亟看紫禁之鶯花

杜詩紫禁耐烟花繞

何羨玄都之燕麥

劉禹錫再遊玄都觀詩序余貞元二十一年為屯田員外郎時此觀未有花是歲出牧連州尋貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復為主客郎中重遊玄都觀蕩然無復一樹唯苑葵燕麥動搖於春風耳

某又看新厯直是

陳人聽櫪馬之喧真難立仗觀土牛之送但願歸耕

俱見

前

回李秘校

叔璋

元日之至人日未果修辭

郭緣生述征記魏東平王翕七日登壽張縣安仁峰鑿山

頂為會望處刻銘于壁曰正月元七殿日維人策我良
駟陟彼安仁北史魏收傳魏帝宴百僚問何故名人日
皆莫能知收對曰晉議郎董勛答問禮俗云正月一日
為雞二日為狗三日為猪四日為羊五日為牛六日為
馬七日為人時邢邵亦在側甚惡焉杜詩元日到入日
未有不陰時水雪應難至春寒花較遲按宋永亨搜采
異聞錄云東方朔占書歲後八日一為雞二為犬三為
豕四為羊五為牛六為馬七為人八為穀謂其日晴則
所主之物育陰則災八日為穀
所係尤重而人罕知者故書之新年之勝故年反勤善

頌

山谷詩但使新年勝故
年即如常在郎罷前

味雙鱗之佳甚

前見抽獨繭以

報之

陸龜淵刻銘微若抽繭六一居士集問其別後學
初若繭抽緒列子以獨繭為綸司馬相如傳曳獨

繭之褸袒郭璞曰獨繭一繭絲也女仙傳園客常種五色香草忽有五色蛾集其上收而薦之黠出以香草飼之得繭百三十枚大如甕每一繭繅六七日乃盡山谷詩園客繅絲抽萬緒又王子吐佳句如繭絲出盆東坡詩獨繭長繅女媧星老伏惟某官胄出兩河間雅兩河饗賦抽獨繭之長繅

僑游四蜀

僑旅寓也巴蜀黔漢為四蜀

謫仙霞佩飄然春樹之天

詩韓

李杜文章在光焰萬丈長又乞君飛霞佩與我高顏顏杜詩白也詩無敵飄然思不羣又渭北春天樹江東日

暮長吉錦囊亂若桃花之雨

李賀傳每旦日出騎弱馬從小奚奴背古錦囊遇所

得書投囊中未始先立題然後為詩如他人牽合程限者及暮歸足成之母使婢探囊中見所書多即起曰是兒必嘔出心乃已耳李賀將進酒歌琢句宜供於帖子況是青春日將暮桃花亂落如紅雨

荆楚歲時記立春日帖宜春字於門王沂公皇帝閣立
春帖子云北陸凝陰盡千門淑氣新年年金殿裏寶字
帖宜春溫公日錄翰林書待詔請春詞以立春日剪帖
於禁中門帳皇帝閣六篇其一曰漠然天造與時新根
若浮流一氣均萬物不須雕琢巧正如恭已布深仁皇
后閣五篇其一曰春衣不用慙蘭薰綠無煩刺繡紋
曾在蠶宮親織就方知縷縷盡辛勤夫人閣四篇其一
曰聖主終朝親萬機燕居專事養希夷千閣永畫春
寂不用車前挿竹枝隱居詩話溫成皇后初薨會立春
進帖子是時歐陽修王珣同在翰苑以其虛閣故不進
俄有旨令進王珣遽口占一首云昔聞海上有仙山煙
瑣樓臺日月閒花下玉容長不老只應春色勝人間
陽公嘆其美麗荆楚歲時記立春日悉剪綠為燕以戴
之王沂公春帖子云綠燕迎春入鬢飛輕寒未放縷金
衣歐陽公云共喜釵頭燕已來鄭穀夫詩春殿闕簪雙
綠燕併知春色上釵頭夢華錄立春日百寮皆賜幡勝

周美成春帖子云鸞輅青旂殿閣寬祠官奠璧下春壇
晚開魚綸朝衣集綵勝飄揚百辟冠王初索詩二年白
玉堂揮翰供帖子風生袖箋猥及於衰翁杜詩江濤萬
起草臺墨點澄心紙

衰翁盧綸詩可憐散酒夜相對兩衰某閱歲又新守藩
翁山谷詩轉蓬相半世交臂各衰翁

亡狀嚴助傳臣安幸得為陛下守藩史記夏本紀鯀之
治水無狀索隱曰言無功狀章帝紀刺史明如督

其狀無可寄言故云無狀言其罪惡尤大同姓也同業也何

必勤五朶之雲韓文同姓而近也同業也韋陟傳自
謂所書陟字若五朶雲俱詳見前勿

勞乎勿誨乎所願拜一孟之水龐參傳拜參漢陽太守
郡人任棠有奇節參到

先候之棠不與言但以薤一大
本水一盂置戶屏前詳見前

謝蹇校正

伏以丹鉛點勘借重良多

韓詩丹鉛事點勘

朱墨縱橫遺書未

暇

周書蕪綽傳綽始削文案程式來出墨入及計帳戶藉之法

有勤謙施

施始鼓反易地中有

山謙君子以裒多益寡稱物平施

見賀履端

謙履卦名

八千歲之為春何敢

當噓枯之意

莊子上古有大椿者以八千歲為春八十歲為秋後漢書鄭泰傳噓枯吹生

升水之活我所祈廣貸粟之仁

莊子莊周家貧往貸粟於監河侯曰周昨來有

中道而呼者顧見車轍有鮒魚焉曰我東海波臣也君豈有升斗之水而活我哉詳見前

回李監酒

景初○詳啓意為理宗紹定四年歲在辛卯

元辛之號重光天回西顧

禮記天子乃以元日祈穀於上帝注謂以上辛郊祭天也

爾雅太歲在辛曰重光泰必傳張溫問曰天有頭乎必曰有之溫曰在何方宓曰在西方詩曰乃眷西顧以此

推之頭剛卯之稱單闕日麗東迎

王莽傳正月剛卯金刀之利皆不得行服

虔曰剛卯以正月卯日作佩之長三寸廣一寸四方或用玉或用金或用桃著革帶佩之今有玉在者銘其一

面曰正月剛卯晉灼曰剛卯長一寸廣五分四方當中央從穿作孔以采絲葦其底如冠纓頭刻其上面作

兩行書文曰正月剛卯既央靈夏四方赤青白黃四色是當帝令祝融以教夔龍庶疫剛痺莫我敢當爾雅太

歲在卯曰單闕杜詩遲日江山麗史記迎日推策

亨在泰通祥因履考

俱見前恭

惟其官清材簇達

世說裴景聲清材律恩志太簇簇奏也言陽氣大奏地而達物也

懿

識規園

律歷志春蠡也物蠡生廼動運木曲直仁者生生者園故為規也

蒼壁絕瑕彌

聳旦評之望

月令孟春之月服蒼玉瑕何如切說文玉小赤也聘義瑕不掩瑜注瑕玉之病也疏

云按字林瑕玉小赤而云病者以瑕與疵痕字義同故云

青旂簇仗行登元會之班

月令孟春之月載青旂衣青衣東坡詩春旂簇仗齊

諒對於菟顧兔之交

見前回見任官

條益介食蛤踞龜之壽

淮南子若士乃僊龜殼而食蛤蜊王充論衡若士食蛤蜊之肉

安能升天

某尚稽賀牘過辱頌言所願歸田正有望

土牛之送不堪立仗詎敢希櫪馬之喧

並見前

四六標準卷三十九